

山家行

神詞

吳佩子



S46

上海图书馆藏书



A541 212 0012 4470B

江山萬里樓詩鈔卷九

庚申辛酉日中年集共一百三十三首

早春

夜歸

春晝

春雨經月早晴山行有喜

春日雜感

春日早起溪上閒步

溪輿

喜客至

新移牡丹著花如斗喜賦

春日遣興

三月六日西川橋掃墓舟中作

敝廬

東門晚歸

三月三日偕妻子遊西山湖晚歸

三月十一遊頂山晚歸

三月二十一遊中峯寺中途遇細

雨

海藏寺晚歸

瀾雨未已新月又出松際陟拂水

巖晚歸

溪晚

龍澗

與霞客看海棠感舊作

西山溪

庚申八月既望攜眷遊杭

秋晚偕霞客登錢塘江樓望浙東

諸山潮既退萬人歸巷我夫婦

獨留待海門月上再看夜潮江

風夕明舉杯相酌可喜也

由雲林寺至韜光庵風泉琮琤幽

篁蒙蒙密庵後山軒數楹松石明

淨江海如在几案間山僧汲澗

萸茗煩襟盡滌

南屏晚歸過淨慈寺山門

白雲庵僧房

遊幽淙嶺逢小雨

楓木塢 中天竺路

孤山樓外樓小酌看雨

二十日晨起遊雲林寺至巢枸塢

日方午山深谷邃松篁成韻人

影皆綠復登丹崖之巔江海湖

山一望可盡卽宋之問題詩處

相傳洞賓鍊丹洞中

觀潮

行宮

詠秋海棠

月下泛舟孤山行宮 今改為公園

自平湖秋月攜婦泛舟至行宮攝

照卽斂於宮側酒樓用彭雪琴

聯成一律

樓外樓

問芻水竹居山明波媚掩映洞房

複室間極湖山粉黛之樂今沒
入官遊此感賦

南屏山行

吳山

北高峯下山

高氏別業

錢塘江上

遊湖上劉敏齋道村故居

日夕

重陽過京口 余十遊京口皆值秋日

舟過天門風月浩然起望江中山

色心魂曠爽有萬古想

小姑山 本作小孤山與彭浪嶼對峙

風雨交作過湖口霽後風色尤佳

過金陵弔李秀山 去歲重陽謁秀公今日

粟來風景殊不已自殺

庚申季秋自潯陽東下風月之夕

過宣城把酒臨江羣情狂絕一

客善吹笛衆請奏入陽明月滿

山江流無聲乘風順流音滿吳

楚曲終過天門山二十里矣歌

以紀之

京口雪中望多景樓

過金陵

雪後過燕子磯

江行寄道援

湖口舟中

雪中至南昌

九江雪夜

定夷歸京同人餞之於酒樓時同

客南昌軍幕庚申除夕也

南昌軍幕得家書知園梅著花矣

元宵後一日與夏用卿潘燕生說

佛紀夢有作

南昌軍幕感懷

久不寄家書

戰馬

獵馬

小馬

雪中有懷放鶴亭之遊

章江別燕生

江上懷潘子

登洪都城樓春望

早春鄉思

匡廬曉發

潯陽江樓

遊廬山雜詩

山村午憩風日暖甚桃李如錦出

村山驟高峻隨崖百轉直上十

餘里

宿匡廬雪夜霽登絕頂觀日出雲

海中

栖賢寺早起看山欲遊金井以細

雨道滑不果

白鹿昇仙臺明太祖爲周顛仙築

微時與仙同巧常受仙恩及爲

帝尋之不得自製碑文祭匡山

而謝之今碑完好在佛手崖左

俗名御碑亭

黃龍寺

江山萬里樓詩鈔卷九 目錄

宿牯牛嶺早起看山其西有神龍

宮瀑布甚大距佛手崖呂仙洞

二里

店主人胡金芳引觀乳牛五十頭

及新築石樓旅舍借名山以致

富泉壑在戶妻子蕭然我不如

也

瀾上看雲

五老峯廬山最高處

嶽雪忽霽喜不成寐早登五老峯

山窗曉望

細雨過萬氏山莊

栖賢寺 寺後一峯名金輪第一峯

黃龍寺山中


呂仙洞

潯陽客夜簡燕生南昌

匡山之遊履裘盡濕返家婦爲料理戲賦

尋東林古址人無知者

花 木 房 櫳 圖 照



江山萬里樓詩鈔卷九

庚申辛酉日中年集

東吳楊圻原名鑑瑩辛酉更今名

早春

敢擬陶公宅。烟籠柳滿隄。春遊逢細雨。早起聽新鷗。香稻白於玉。紅梅瘦似妻。平生拘束少。有句不須題。

夜歸

夜色房櫳靜。歸來烟樹間。月明花弄影。幽犬吠春山。

春晝

脫衣艷陽裏。隱几祇閒眠。晝永鳥多暇。日高花欲燃。人情經亂後。春色似中年。靜裏東風至。時鳴琴上絃。是日霞客約黎夫人彈琴

春雨經月早晴山行有喜

林臥東風暖。黃鶯第一聲。溪山行不盡。烟雨畫難成。一夜落花下。上游春水生。詩人與野老。欣喜有同情。

春日雜感

春來花鳥滿柴荆。二畝南塘半面城。潘岳閒居無老母。看花腸斷是清明。

隔溪幽犬吠柴門。簾捲茶烟花滿園。月夜自來非俗客。山妻親掃綠蘿軒。

摩詰園林花未殘。寇公家計總艱難。江南田賦今非昔。典却春衣買牡丹。

天氣清和地有餘。綠陰紅樹繞村居。栽花略用循良手。根要

深。深。草。要。除。

湖陰鷄犬野人家。春水樓臺賣酒茶。快意不須當令事。禁烟。

時節看梅花。

寒食梅
花尚肥

故山春暖勝天涯。湖上春來徧是花。半世清明都在客。在家猶自夢還家。

春日早起溪上閒步

興來常早起。初日照晴波。花草東風慢。門庭幽鳥多。詩情隨意好。天性與春和。灑掃聽鸚鵡。良朋早晚過。方春愛羣物。林臥喜聞鶯。早起入花木。鳴琴風日清。兒童多怡悅。魚鳥亦忘情。樂意如芳草。從今次第生。

溪興

林岸暮禽碎。乘流歸去遠。綠陰飛落花。溪山淺深晚。

喜客至

溪花清。雨後春色滿林間。坐久不聞語。山風吹漢書。

新移牡丹著花如斗喜賦

春來意興足爲歡。煮酒朝朝看牡丹。未到花開防俗客。自書篆字斲欄杆。

春日遣興

西山翠微下。一客臥雲林。幽鳥柴門靜。春流花徑深。有詩皆實事。得句亦無心。莫道天機好。忘機已至今。

三月六日西川橋掃墓舟中作

遠聽山歌起。前村綠滿天。牛眠花裏岸。鴨上柳邊船。鳥嘯亦

成語水流殊自然。偶來乾淨土。便覺日如年。

敝廬

世亂有詩癖。家貧無戒心。放船皆日落。閉戶獨春陰。客去琴書亂。犬眠花木深。敝廬在城市。幽僻似山林。

東門晚歸

林端彩翠見湖天。春水人家夕照邊。日暮魴魚上城市。晚潮初到福山船。

三月三日偕妻子遊西湖晚歸

萬人歸巷上燈初。柳暗花明十里餘。漁唱一聲柔櫓歇。滿船紅袖買湖魚。

一陣溪風萬柳斜。柳陰西畔有人家。夕陽春水翻紅浪。除却

桃花無別花。

三月十一遊頂山晚歸

峯。暖。羣。木。秀。黃。鶯。啼。滿。山。遊。人。三。四。里。幽。草。綠。陰。間。歸。路。東。
風。慢。柴。門。春。水。閒。自。然。生。意。動。况。復。涉。幽。攀。

三月二十一遊中峯寺中途遇細雨

春。深。峯。壑。美。野。寺。花。竹。閒。客。散。禪。房。閉。水。流。雲。滿。山。

海藏寺晚歸

古。寺。雲。生。石。壁。間。雜。花。被。嶺。禪。房。閒。出。門。松。雨。兩。三。點。十。里。
鳥。啼。人。下。山。

北。嶺。雲。深。啼。子。規。西。巖。疎。雨。落。松。枝。洞。天。題。罷。春。山。晚。花。放。
水。流。人。不。知。

瀾雨未已新月又出松際陟拂水巖晚歸

劍門逼斗牛。入夕過西嶺。雨中星月微。松下衣裳冷。幽犬吠雲根。春山亂花影。詩爲流水聲。心與太古靜。未妨在人間。隱几天下定。

溪晚

金爐起夕薰。川上香烟滿。落花不見人。溪暝春山晚。

龍瀾

柴門犬吠客。乘月幽瀾鳥。啼雲隔山一夜。松窗聽細雨。明朝詩句滿人間。

與霞客看海棠感舊作

貧賤夫妻隱若耶。江鄉魚米足爲家。宅邊留得二三弓。地君理

桑。株。我。種。花。

君昔佳人我佳士。當時風采動京華。春光如酒人如玉。繡榻珠簾看落花。

西山溪

登舟聽黃鶯。日晚乘流客。鳴棹下前溪。落花人語隔。

庚申八月既望攜眷游杭

泛宅一何樂。浮家訪苧蘿。湖山秋日好。吳越水程多。野艇乘風月。江村入芰荷。餘杭甲天下。端不在笙歌。

秋晚偕霞客登錢塘江樓。望浙東諸山。潮既退。萬人歸巷。我夫婦獨留。待海門月上。再看夜潮。江風夕明。舉酒相酌。可喜也。

楓葉船中落。沿江溯上流。可憐烟水氣。自古帝王州。月出入空巷。潮來酒滿樓。山寒風露白。爲御翠雲裘。

由雲林寺至韜光庵。風泉琮瑤。幽篁蒙密。庵後山軒數楹。松石明淨。江海如在几案間。山僧汲澗煮茗。煩襟盡滌。

松暗翠微明。山中戶牖清。一時如出世。到此證無名。舉酒海潮至。回頭江月生。平居違本性。便欲遂初情。

南屏晚歸過淨慈寺山門

有事來何爲。無言亦可還。一時溪上坐。捫虱看青山。

白雲庵僧房

入門山滿院。知近贊公房。日午南池裏。薰風荷芰香。幽簾與

清。簞。天。下。一。相。忘。應。許。許。元。度。共。茲。身。意。長。

遊幽淙嶺逢小雨

細。雨。瀾。花。落。山。深。水。亂。流。出。雲。峯。亦。盡。新。月。上。僧。樓。

楓木塢

中天竺路

碧。草。復。紅。樹。中。藏。三。兩。家。仙。源。花。不。見。流。出。滿。溪。花。

孤山樓外樓小酌看雨

水。色。山。光。雲。模。糊。我。來。適。與。風。雨。俱。櫓。聲。暝。踏。西。冷。去。出。得。荷。花。便。入。湖。

二十日晨起遊雲林寺。至巢枸塢日方午。山深谷邃。松篁成韻。人影皆綠。復登丹崖之巔。江海湖山一望可盡。卽宋之問題詩處。相傳洞賓鍊丹洞中。

探幽人以外。丹灶白雲封。幽澗花爲幃。春山雨滿松。尋仙惟
絕壁。出世有疎鐘。惆悵重來客。新詩憶舊踪。乙未夏曾偕李
夫人遊此。彈指
年二十餘矣。

觀潮

浙江潮爲海潮所逼。逆流而上。故高者逾丈。海甯尤
盛。往觀者滿坑滿谷。十八日。余以海甯舟車已無容
足地。遂登錢塘江寺樓。遠見白色一線。起於百里之
外。漸自海門入江。移時過海甯。則白色已不見。比至
樓前。僅尺許耳。吳丈子修告余。自辛亥年潮不至。近
歲或有之。而無足觀。今年爲盛。則余此來不虛矣。是
夕江月殊佳。

日落秋原上古臺。青天白鷺好銜杯。雲消禹穴千帆出。水轉
錢塘萬弩回。夜半寒潮樓下立。浙東山翠月中來。臨江置酒
暢風色。快意當前笑口開。
帝業消沈霸業摧。登臨我輩亦堪哀。無邊烟水惟漁唱。如此
風情幾賦才。今夕舉杯呼月出。與君把火看潮來。眼前風景
道不得。多事山僧話劫灰。

行宮

太平皇帝駐金鑾。今日孤臣帶淚看。水殿簾開風月白。秋光
未到已驚寒。

穆王重到六龍迴。想像空教異代哀。日午退朝開便殿。秋山
都到御床來。

詠秋海棠

粉淚夕更濕。花房風色闌。美人動芳魄。秋月紅欄干。夜久白露滿。簾櫳香氣寒。繁英如可摘。為拭水晶盤。

月下泛舟孤山行宮

今改爲公園

雲木夜明瑟。秋光畫不成。故宮在烟水。舟子話昇平。燈火湖中出。笙歌月下清。山寒波更寂。想像欲無情。
宮前遊人既散。夜色蒼寂。山水杳暝。遙望湧金門。則燈火萬家笙歌四起。舟子於烟霧蒼茫間。為余指點。今昔樓臺之異。不勝感愴。

自平湖秋月攜婦泛舟至行宮攝照即飲於宮側酒

樓用彭雪琴聯語成一律

翠華想像暮雲端。尚有烟波繞畫欄。水面風來聞鼓笛。天心月到響杯盤。白蘋秋老詩容瘦。紅蓼花開酒力寒。當日君臣

多樂事。惟將秀句待金鑾。

樓外樓

棲霞嶺色點征衣。樓上風燈照酒旂。波冷山寒不歸去。金樽酒熱鯉魚肥。

問芻水竹居山明。波媚掩映洞房複。室間極湖山粉黛之樂。今沒入官遊。此感賦。

金谷園中事。齊奴載酒過。高臺清夏好。喬木夜涼多。曲院生風。月佳人看芰荷。十年得歌舞。未必是蹉跎。看竹何須問。重來百感生。逕閒雜花落。窗靜一峯明。羅綺經秋滑。笙歌隔水清。猶疑風月夜。水面捲簾聲。

南屏山行

一逕野。花發滿棚。秋豈肥。夕陽波以外。遠見漁翁歸。澗水通
香積。鑪烟入翠微。隔湖昭慶寺。相應暮鐘稀。

吳山

山泉入廚下。燃火劈松枝。亂石通人少。疎鐘出海遲。暮江明
似眼。秋色澹於詩。且莫傷形勢。疎簾看奕棋。

北高峯下山

秋山香積晚。古寺烟火稀。飛鳥入紅葉。樵人捫翠微。江聲鳴
屋壁。松影畫僧衣。萬壑千巖裏。知從何處歸。

高氏別業

二十年前客。重來載酒行。溪山秋更寂。几案晚來明。鳴櫓茶
烟起。開門荷氣清。偶然思舊句。忽憶少年情。

錢塘江上

牽蘿捫絕壁。百丈見滄洲。風月亂松壑。操舟放下游。江峯高見雪。海日夜明樓。何必棄妻子。誅茅期後遊。

遊湖上劉敏齋道村故居

避世因孤憤。逃名小築清。空腸澆酒熱。白眼看山明。門閣掩新月。惟聞幽鳥聲。徒勞華屋感。撫迹一傷情。

日夕

鳴櫓烟波合。前洲蘆荻喧。溪光沒畫骨。山色醒詩魂。幾處紅蓮落。兼之白鷺翻。斷橋燈火外。人語辨孤村。

重陽過京口

余十遊京口
皆值秋日

九日無風雨。江南未覺秋。水清山月白。十醉潤州樓。

舟過天門風月浩然起望江中山色心魂曠爽有萬

古想

當塗江上夜行船。月白風明水渺然。今夕不知古何夕。應教狂殺李青蓮。

天門山上明月秋。天門山下夜江流。舟中有客獨驚起。千里鄉心萬古愁。

丹楓葉落江千尺。絕壁張帆山月清。如此江山好風月。何人不憶謝宣城。

小姑山

本作小孤山與彭浪磯對峙

黛影臨流點碧空。過江人物話艫艨。彭郎居處今誰共。枉把新詩奪戰功。
剛直有彭郎奪得小姑回之句其詩遂與戰績並稱然是役實非彭功

風雨交作過湖口霽後風色尤佳

楚江千里水天寬。一席南風送子安。返照入江雲吐月。馬當
山色雨中看。

過金陵弔李秀山

去歲重陽謁秀公今日重
來風景不殊公已自殺

莽莽神州事。何人任遠謀。彭亡驚失將。噲伍賀封侯。饕餮難
爲國。英雄有大憂。輕生見懷抱。羣惜異時流。

失意哀今世。遺言惠衆生。萬家歌活佛。半壁壞長城。富貴誰
能死。英雄或好名。臨江望秋月。刁斗靜無聲。

景物何曾異。重遊建業關。無邊好風月。一片舊江山。當世論
諸將。何人伯仲間。新亭揮涕淚。不獨爲公潛。

庚申季秋自潯陽東下。風月之夕。舟過宣城。把酒臨

江。羣情狂絕。一客善吹笛。衆請奏八陽。明月滿山江。
流。無聲乘風順。流音滿吳楚。曲終過天門。山二十里。
矣。歌以紀之。

當塗江上山峯嶢。宣城山下江蕭蕭。暮雲不動楚天晚。江月
飛來宮錦袍。同舟三百人。逸興何須邀。氣盛小洞庭。張樂臨
寒濤。玉宇捲片雲。微波如織綃。清輝照席上。絲竹哀且豪。起
舞弄清影。醉呼爭噉嘈。一客出長笛。衆樂停不囂。豁然如裂
帛。其音穿層霄。衆客起四顧。月小青天高。羣動屏其息。咳吐
聞。沈寥其時過。天門絕壁束江腰。天開石亦破。水急風吞潮。
草木寒更綠。江國秋氣驕。老漁盡驚起。清猿背嶺號。餘音落
中流。曲終迴風飄。憑夷出其耳。鮫人泣瓊瑤。愁令遷客集。魂

是孤臣銷。我悲曲中人。此路去飄搖。國破家何在。水亂山迢迢。艱難度關塞。嗚咽荆襄遙。風物都未改。傷哉帝圖消。太虛本無境。萬象亦徒勞。人生易得惟風月。佳晨勝跡偶相遭。落筆有詩滿樽酒。便須不負謫仙來相招。

京口雪中望多景樓

潤州金碧倚寒空。斷岸江流入畫中。山照半樓千尺雪。十分
縞。素。一。分。紅。

過金陵

立雪寒山亂。臨江玉壘空。如何成事業。不以屬英雄。青史尊
勳閥。蒼生小戰功。可憐形勝地。只道畫圖中。

雪後過燕子磯

臨江霽色動旌旗。一雁橫空共所之。夕照千山萬山雪。未能成畫便成詩。

江行寄道援

擊楫難爲地。狂遊事豈同。看山如舊識。得句似奇功。日出平原外。江流大雪中。梅花茅屋裏。煑酒論英雄。

湖口舟中

收拾江山入錦囊。石鐘山下月如霜。成名莫恥居王後。昨夜南風過馬當。

雪中至南昌

狂愁清興共天涯。但得新詩莫怨嗟。昨夜九江風雪裏。水村山郭有梅花。

九江雪夜

風雪潯陽渡。千帆不可行。夜寒燈有語。詩靜畫無聲。江上酒初暖。舟中山欲明。去年曾命駕。因憶剡溪情。

定夷歸京同人餞之於酒樓時同客南昌軍幕庚申除夕也

送子還京邑。嗟余感物華。况當殘雪夜。共憶故園花。今夕同爲客。何人不憶家。相看驚老大。不敢喚琵琶。

南昌軍幕得家書知園梅著花矣

報道故園裏。寒梅今着花。江湖原有宅。離亂莫辭家。客散鄉思起。書成山月斜。封侯非我分。斗米換天涯。未敢輕毛遂。羞稱識孔融。男兒無事業。貧賤或英雄。談笑居

人下。君親入夢中。開樓望鄉國。江雪起孤鴻。

元宵後一日與夏用卿潘燕生說佛紀夢有作

我也飄然來。與我偶相值。萬象已在圍。百年守一宅。欲遊八表外。鬱鬱不得出。太虛本我體。今也忽隔塞。白骨埋紅塵。不知經幾劫。北邙有姓名。摩挲土花碧。而我今忽在他時。今亦昔。我觀錦繡中。骷髏如雪白。因以爭富貴。謚之曰功勳。區區受榮名。殷勤託方策。似聞槐南戰。未竟巖下奕。宇宙有時盡。一錢皆不值。何況廬舍中。主人已如客。江國春多寒。夜靜似太極。夢入山水間。所向皆絕壁。舉頭雲忽破。寒月照松雪。清風時有聲。微雪墜。松隙披衣出。雲背青冥通。一息山中一老人。蒼然坐白石。問之笑不言。授我書一冊。既醒乃更悟。其書

何必得其人。非他人。何竟不相識。虛羈生太昭。六合我踪跡。

南昌軍幕感懷

十年挽粟滿江頭。天下軍需轉薊州。白骨如山諸將貴。黃金滿地五丁愁。平生出處輕劉表。一代功名失馬周。日落風生千萬里。爲驚形勢罷登樓。

一夜章江楓葉紅。江關張翰臥西風。秋來病骨山爭瘦。亂後禪心道未窮。留我兒孫無擔石。逼人婚嫁殺英雄。仲宣意氣消磨盡。尚識瑯琊一孔融。

庾信休誇詞賦名。五陵年少半公卿。軍中劍佩帶秋色。馬上文章來甲兵。彭蠡天寒漁唱晚。潯陽月白楚歌清。滿川舟楫公無渡。江漢風波不可行。

載酒登臨江上樓。柴桑落日滿寒流。十年風節漁樵起。萬里歌詩海岱秋。王濬旌旗趨建業。庾公兵馬在荊州。三分事業。今何似。一片風波看不休。

著論養生知昔誤。上書流涕笑今迂。春來鶯轉思三省。日暮船歸憶五湖。身世靜參蟲化蝶。生涯忙似鳥將雛。詩人亦有封侯願。節度西川高。達夫。

故人燕頷早封侯。王粲春來思遠遊。百里功名非我願。十年涕淚爲人流。嗣宗見客多青眼。江揔還家尚黑頭。自古書生甯自薄。偶然書札動荊州。

庚申歲暮陳督逐客軍張宗昌戰于袁州殲之士民流離數郡獲軍輜無算辛酉正月爲陣亡軍士開會追悼
余有輓聯曰公等都游俠兒我也得幽燕氣可憐北去滯蘭成聽鼙鼓一聲愴然出涕醉後摩挲長劍閒來收

拾殘棋慚愧西來依劉表看春江萬里別有傷心明日
見諸報章又載軍幕感懷詩是夕元夜張樂縱斂官吏
賓客滿坐有臧倉者行鄙素嫉余席間出余詩聯指別
有傷心語及白骨一聯示陳督謂意袒宗昌有心刺諷
且從蕭安國司令謂楊祕書欺我儕不識字至敢以劉
表擬公謂公終如讓成都耳陳督不知劉表何人盛怒
拂衣起曰我不薄雲史何辱我命罷劇賓客皆愕然爲
余危羣言讓成都是璋非表表官江右爲漢末八俊終爲
不解最後某君憤取表本傳趨入擲案上曰談何容易
做劉表陳督閱竟則翻然喜曰我過矣命弗使余知且
責臧倉賓客亦語侵臧倉謂不復令子孫識字矣臧倉
大慚遁去時早春梅發閨人來書明日以憶梅思婦辭
職道其實也陳督命某公留某公謂雲史重去就留無
益不如厚贖之督弟鴻軒旅長於是數詰余所卑禮固
留不可則厚俸約遊贛州情懇擊知余好遊覽爲繩
大庾山川之美固辭竟不獲乃期暫歸兩月楊韶九省
長證之而後許行次日驢千金至余詭言渡江矣殊可
感也自軍幕發生詩譖洪都人士羣相告語蓋江矣殊之
受讒而惜余之必去也余則笑而謝之然此詩實秋末
所作無與戰事慕贛不及半載欲去蓋已三月而余詩
於暮之間傳寫萬遍誦滿春城矣姜萬諸君連日錢飲
於百花洲意殊惓惓非有素識也迨歸江南贛報又載

風流絕世辭呈一則於是清狂之名不可復掩矣
熊九長歌見贈蓋指此事耳壬戌秋日編詩附記

附熊九贈詩

自署潯陽熊九自九江寄來以未悉里趾無由答覆

雲史先生風情高邁。談笑異時。噲伍相驚。拊鼠以嚇。雖上
峯禮數有加。而先生終浩然去矣。在鄂讀報載風流絕世
一則。返贛同人述及先生近事。并南昌感懷諸作。憂時念
亂。懷抱蒼然。惜歸里遲。未得識荆爲恨。近讀匡山諸詩。志
趣超曠。風懷高潔。其詩與人。皆非凡近。百世猶想風采。何
况同時。偶貢俚句。聊誌傾心耳。潯陽熊九啓。

昔聞先生詩史名。北遊之詩動公卿。傳聞清狂近更甚。新
詩脫稿一軍驚。別有傷心豈無故。世人不識我同情。來朝
萬本誦萬遍。日暮傳滿洪都城。我歸洪都遲遊跡。爭說高

文慕風節嚴武軍中禮數尊少陵去後高梧碧將軍好賢
有古風一榻至今常懸壁我從前月下潯陽南登五老尋
太白白雲濕到題詩處用先生句君已扁舟渡江雪桃花春水
生暮雲臨江誦詩長歎息詩中意態動萬古六合蒼茫照
顏色風流絕世今幾人願繡平原圖笠屐

久不寄家書

豈不思鄉切無如下筆難慰妻常諱病勸僕亦加餐昨夜秋
月白扁舟江水寒寫來原瑣屑寄去爲平安

戰馬

蒼首滿秋山葡萄入漢關似聞成大業未必是天閑烽火玉
門道琵琶青海灣四郊多戰壘爾骨豈長閒

獵馬

共爾生髀肉。閒來鳴角弓。匈奴猶未滅。小臘出雲中。縱使兔
狐盡。何殊鷹犬功。北平飛一騎。何以用英雄。

小馬

逆風見神駿。雖小具雄思。借問誰家物。長安輕薄兒。失身多
在早。擇主豈爲遲。大用今無地。成功非此時。

雪中有懷放鶴亭之遊

水上雪花密。孤山初放梅。忽看酒觴至。遠載詩人來。余意在
山水。妻狂手玉杯。未翰林處士。幾輩得追陪。

章江別燕生

狂名君最早。繡虎猛無前。一別今何世。閒居失壯年。花開亡。

國後淚墜美人前。天上多官府。昌黎不羨仙。
東風吹白袷。相送豫章臺。夜雨天明歇。江湖春水來。獨尋南浦渡。草綠王孫哀。舟楫中流滿。吾曹盍把杯。

江上懷潘子

烟水柴桑晚。臨歧倍惘然。亂山隨客去。一雁在兵先。天下何多難。人中幾少年。大江風月白。寂寞運租船。壬寅同年中惟燕生與余最年

登洪都城樓春望

坐久翠微暝。茶烟生綠蘿。江湖忽在眼。舟楫意如何。睥睨人烟暖。春流戰鼓多。歸來寫詩句。一日得消磨。

早春鄉思

春來有客悵天涯。春在天涯。人在家。晴日烘簾梳洗暖。繞牀
十六樹梅花。

南窗池暖水仙肥。此日春光滿繡幃。料得拔釵坐花影。撥開
春雪種當歸。當歸俗呼荷包牡丹

匡廬曉發

昔讀遠公傳。今聞東林鐘。名山自萬古。我輩此遊踪。幽寺蒼
蒼曉。朝陽雪滿松。撥雲開眼界。下有最高峯。

潯陽江樓

浦溆蒼茫外。登臨落照中。江城生草木。天遠春蓬蓬。客路愁
逢雁。歸舟畏改風。名山常獨往。萬一近支公。

遊廬山雜詩

辛酉二月四日。余自南昌告歸。至潯陽。遂遊匡廬。初五入山。江岸暖甚。嶺上則積雪皚皚。日暮至牯牛嶺。宿胡氏家。真面目在星子南康兩縣。此爲廬山之背。遊凡二日。所至處各紀以詩。初八侵曉出山。大雪。光景奇勝。比至半嶺。則桃李滿谷。細雨而已。最高處距地四千六百尺。故氣候頓異如此。惜山寒衣薄。未能遍歷諸峯。山中幽築多貴人別業。十室九空。蓋猶未能忘情天下耳。余買山無貲。不如歸去。所得者錦囊盛滿。亦足自豪。竊比摩詰詩中有畫。歸遣細君作臥遊之偕隱焉。

入山詩八首

近山行更遠。積雪堆青天。不到山深處。誰知萬頃田。

自淥湯望匡廬。似甚近。乃至蓮花洞二十五里。再至浩牛嶺。直上十八里。輿夫健。腰脚登涉。嶺谷如平地。

朝行廬山下。暮宿廬山裏。入山不見山。四面白雲起。

晚至牯嶺下視。皆雲不辨郡縣。

羊腸蟠籐竹。前路撥雲開。回首雲復合。知從何處來。

自蓮花洞以上峭壁陡起。細逕一線。直上雲霄者十八里。絕澗千尺。飛鳥在下。不敢俯視。

石梁跨飛瀑。澗雪落紛紛。坐久歸來晚。一身都是雲。

雙劍峯觀瀑。晚歸牯嶺。

樵夫翠微來。我上翠微去。四圍皆峯巒。來去都無處。

蓬花洞爲廬山谷口。四圍皆翠嶂。形似蓮花。故名。峯際細徑如縷。再至老蓮花洞。烟雲杳藹。廬山咫尺矣。

左江而右湖。日落天如側。我當朝旭看。雲霞千萬色。

香爐峯看落日氣象萬千
太白詩境恐不足盡之

閉門白雲裏。杳杳蒼山夕。夜聞人語聲。樵火出松雪。

宿樓
賢寺

一峯不見巔。一峯天為穿。幾處聽崩雪。幽崖人未眠。

遊雙劍峯及黃龍寺夜靜聞層崖
崩雪下墜深谷松杉砒然有聲

出山詩八首

夜臥白雲間。平明仗策還。尋詩三十里。細雨出廬山。

雨中
下山中

蒼蒼洞壑晚。杳杳松泉昏。回看相送處。高雪擁孤村。

山半女兒村望
牯嶺別主人

隔山人樵木。白雲滙瀾戶。但聞流泉聲。不見泉流處。

坐佛手崖看
雲從下起

洞口山田綠。連峯煙雨昏。牧童歸弄笛。吹過百花村。

山村避雨小憩
有花竹之美

懸崖逢孤僧。雲深問前路。知我山中來。衣上青松雨。

羊腸闊四五尺絕處木橋通焉行人
緣壁上側身相讓望之如在天半

峯巒看不盡。處處是泉聲。我亦出山去。誰憐萬古情。

天池飛瀑為北山諸泉之源水色瑩澈朗吟在
山泉水清出山泉水濁之句不覺失聲空山

幽鳥響千山。門掩深松綠。飛泉過其門。細雨鳴花竹。

蓮花洞萬氏有
別業地殊勝

一徑挂青冥。萬轉落平地。回望來時路。白雲千嶂閉。

出蓮洞溪橋山勢
陡落廬山盡此矣

山村午憩風日暖甚桃李如錦出村山驟高峻隨崖
百轉直上十餘里

幽鳥啼不歇。驕陽弄錦袍。平分雙嶺削。倒挂萬松牢。佳節風
光暖。春天雲路高。山僧緣未盡。理亂問吾曹。

宿匡廬雪夜霽登絕頂觀日出雲海中

把燭幽僧起。松房枕席清。夜中初日出。天半一峯明。性定鐘
無盡。心虛雪有聲。紗窗見百里。嶺上有人耕。

栖賢寺早起看山欲遊金井以細雨道滑不果

一宿北峯裏。鳴泉靜更聞。曉來行澗谷。松露墜紛紛。四顧皆
平地。滿身生紫雲。何當築詩窟。麋鹿共爲羣。

唐時李渤隱此
養白鹿自娛

白鹿昇仙臺。明太祖爲周顛仙築微時。與仙同丐常
受仙恩。及爲帝尋之。不得。自製碑文祭匡山而謝之。
今碑完好。在佛手崖左。俗名御碑亭。

搔首萬峯頂。天風響客衣。仙踪常縹緲。帝語尚依稀。絕壁戴
蒼雪。飛泉劃翠微。袖中攜片石。猶得帶雲歸。

黃龍寺

寺前有娑羅樹兩株。相傳
千餘年古物。自西域移來。

到此一身惟雲氣。閒來赤脚踏峯巒。山僧不解尋山意。當我
遊人一例看。

宿牯牛嶺早起看山。其西有神龍宮瀑布。甚大。距佛
手崖呂仙洞二里。

危崖石屋澗淙淙。絕壁飛流隔嶺春。夜半披衣入雲海。忽看
日出香爐峯。山中靈物龍爲雨。洞口仙家鹿養茸。爲計誅茅
眠不得。靜聽高雪落幽松。

店主人胡金芳引觀乳牛五十頭及新築石樓旅舍
借名山以致富。泉壑在戶妻子蕭然我不如也。

山暝覺寒重。君家開酒鑪。門庭有花木。骨肉但妻孥。撼雪猿
高下。穿雲鳥有無。自憐財賦地。風雪夜催租。
幽構斲青天。雕窗絕澗邊。廚煙亂松雪。人語入風泉。縣僻兒
耽讀。山寒妻早眠。千金三致富。我愧五湖船。

澗上看雲

幽人常獨來。寒雲亦不去。相看皆無心。何如兩且住。

五老峯廬山最高處

莫負今朝宿斗牛。摳衣便欲叩瓊樓。平生第一登高處。只有青天在上頭。

嶽雪忽霽喜不成寐早發登五老峯

疎鐘蕩萬壑。客夢五更醒。雪滿山中寺。幽僧夜誦經。縱身出雲海。高詠響青冥。欲叩清虛裏。應防驚百靈。

山窗曉望

嶺上陰晴總不分。松蘿幽鳥自成羣。紗窗疎雨兩三點。不見江湖但見雲。

細雨過萬氏山莊

日出雨未已。深林煙火滋。溪雲吹滿袖。山翠化爲詩。春水流。

花。慢。東。風。送。鳥。遲。匡。廬。似。相。識。或。恐。是。前。期。

栖賢寺

寺後一峯名
金輪第一峯

不。識。栖。賢。地。金。輪。第。一。峯。孤。村。殘。雪。夜。幽。寺。亂。山。鐘。尋。到。泉。
源。處。水。流。雲。萬。重。我。身。宜。此。境。靜。對。幾。株。松。

黃龍寺山中

此。路。黃。龍。近。前。林。煙。水。昏。亂。山。逢。古。寺。深。雪。得。孤。村。嶺。色。人。
行。破。溪。泉。鹿。洗。渾。松。風。澹。清。聽。幽。寂。更。成。喧。

呂仙洞

道。士。喝。雲。歸。雲。盡。千。峯。起。低。頭。不。看。山。捫。虱。松。風。裏。

潯陽客夜簡燕生南昌

十。年。幾。相。見。此。別。意。蒼。然。山。郡。多。風。月。江。樓。自。管。絃。狂。名。因。

婦得佳句到僧傳。明日桃花浪。江州下水船。

余以思婦謝職客有以狂放見譏者燕生曰聞房之內甚於畫眉漢帝不以責張敞君乃以責雲史乎余有傷心之江南楊某乎蓋余聯句也

匡山之遊裘履盡濕還家婦爲料理戲賦

自把歸裝付細君。曝衣花桁趁斜曛。千金莫惜貂裘濕。換得匡廬萬壑雲。

尋東林古址人無知者

山晚客心急。我心似雲閒。遠公尋不得。虎跡滿春山。

江山萬里樓詩鈔 卷九

江山萬里樓詩鈔卷十目錄

辛亥迄壬戌日中年集共一百四十四首

花木房櫺梅竹歌

薔薇開聞黃鶯聲

贛州道署瓊花爲人間孤本劉綬

卿爲贛州監督時分栽多株竟

活許我一株焉二月由南昌歸

里乃效昌黎乞元稹辛夷故事

馳詩索之

五月十三游寶巖題寬上人禪房

東鄉田夫餽鮒魚謝橋距江口十里餘

春雨遊北山

寬上人贈寶巖楊梅

丁五徒步見訪

往歲余作四時讀書樂于石花林

道其實也我妻亦作四時閨中

樂爲書扇頭

今夏奇熱婦病暑瘧入夕熱甚則

屏去婢侍伴之達旦二十三日

大雨如注病霍然矣喜賦

夜熱喜雨

霞客招女賓暑夜遊東湖觀荷

七夕游仙詩

秋夕與友登北山翫月

過宣城江懷古

辛酉九月吳將軍與川軍戰于宜

昌江路戒嚴有感舊遊

夜登北峯

江行夜過彭澤

東梁山

江上簡燕生

夏口客舍

西游篇

漢口憶舊遊寄婦

輓畏公四十韻

見近人畫細腰出浴仕女肥瘦各

一為題兩絕

吳將軍自宜昌見招遂西行

渡江謁吳將軍

大別山

潯陽遲潘子不及

遊野寺

臺城眺江雪

望匡廬殘雪

再過湖口要塞感賦二首

獨遊野寺晚歸

宿匡山

江上

題內子霞客索笑圖

大雪至九江二首

辛酉冬遊洛陽入孚威上將軍幕

賦呈

送包顧問胡諮議入蜀

謁洛陽關壯繆墓在洛陽南十五里建安

二十四年以王禮葬此

得幼兒豐祚貞祚家書

滎陽

歲暮由洛陽假歸過虎牢關

偃師早發

壬戌初春早起

歲暮回里早春又入洛

夫婦冒雪遊劍門從北山歸

清明

壬戌三月七日壽子玉巡帥

閣夜

月夜見桃花思家

侍吳公閱武晚歸

吳將軍于洛陽西宮行轅植牡丹

二千株庭無隙地暮春著花值

月夜午晴細雨曉露時尤清麗

可賞拉雜得詩六首

余齋外多白牡丹夜來風色清明

從將軍月下玩賞清露有香麴

塵不起恨無名句壽名花耳

三月望日將軍招飲營市街宅東
亭牡丹半放酌蓬萊新釀籠之
夜半聞春雨聲曉起開戶暖霞潑
地矣

洛陽暮春送人歸范陽

寒食之夕春煦來話別且索詩賦

二絕時梨花掩月春雨猶微

洛陽春晚寄張參議春煦范陽

大軍將發洛陽逢同鄉

洛水春遊

奉軍逼京畿三月二十九從大軍

發洛陽渡河北寄江南親友

三月晦夕過真定軍中寄家書

軍中送人之長沙

遊安樂窩題贈奉祀官邵立本

香山寺

金谷園曲

河北軍中春感 壬戌

晚歸

送人入關

虎牢關遇雪

雪夜

軍中作

洛水春遊

吳將軍造天津橋成種樹千株行

旅便之公暇往遊

壬戌暮春登保陽城南園樓春望

和胡夔文附原詩

送人渡函谷關

秋夕與燕生話湘鄂之戰

天津橋秋望

送同鄉南歸

遊伊闕

送友歸關中

伊川晚歸

九月十五軍中聞雁

九月送蘭友之西安

幕中雜詩

同僚遊龍門余以病不得往

秋夜病中歸思

洛陽大病後野步

病中聽吹角

病起

游伊川

紀恩詩

香山弔白太傅墓洛陽南二十五里香山

東嶺

霞客素不作詩近因余大病得愈

喜寄一絕詩曰遙知病骨梅風

格應更清詩雪肺肝半世不聞

温飽語家書未敢覺加餐誦之

黯然報以二首

霞客綺年時有端麗之譽既歸余

京師王妃貴婦爭交歡之今雖

老我固及其姣且好昔人譽妻

語也書題二十年前為新婦時

照片

伊川

北邙秋望

洛陽秋末多雁陣從西北來明月

之夜哀響更清

題吳將軍畫墨竹

贈某將軍

深秋遊西苑



江山萬里樓詩鈔卷十

辛酉壬戌曰中年集

東吳楊 圻是年更今名

花木房櫳梅竹歌

己未十一月新居內室落成顏曰花木房櫳夫婦
手種梅竹多株今皆活喜賦

人。生。富。貴。必。取。辱。何。須。甲。第。連。雲。轟。人。生。及。時。行。樂。耳。安。能。
牽。蘿。補。茅。屋。我。鄉。山。水。甲。吳。郡。山。色。湖。光。繞。西。麓。潘。岳。閒。居。
賦。面。城。淵。明。歸。去。理。松。菊。樓。居。新。築。二。十。楹。廣。庭。百。弓。雜。花。
木。林。下。未。脫。脂。粉。氣。妻。種。紅。梅。我。種。竹。豈。無。勁。節。凌。雲。霄。自。
有。紅。妝。伴。幽。獨。高。窗。大。几。書。萬。卷。君。子。美。人。俱。拔。俗。男。兒。所。

貴能適意。牛衣何堪供雙宿。少陵江頭亦太苦。牀上屋漏毋
乃酷。党家金帳原不惡。風雪之夜。煖詩腹。兩行紅粉待修史。
宋家乃亦屏圍肉。是知富貴亦能清。未必寒素便不濁。平生
品藻原自知。棄材人譽豐年玉。劉樊中歲早偕隱。莫待頭童
與齒禿。荷鋤種花豈得已。今世何世甯非福。春韭秋菘謹祭
祀。掃地焚香供佛竺。後房清肅絕姬侍。但聞鳥語伴兒讀。天
寒索笑擁貂裘。細雨尋詩擎紅燭。客來酒食謀諸婦。飯抄雲
子。清茶熟安樂窩中。氣如春言笑於房。繚而曲幽人居之利。
貞吉壽且康。今無不足。有錢當再買青山。早晚李愿得盤谷。
平明日出見房櫳。掩映花紅繡簾綠。

薔薇開聞黃鶯聲

四月園林暗。紗窗盡日關。黃鶯千百箇。終日啼青山。獨坐花
滿屋。茅齋春月閒。小池風水活。激灑亂紅斑。

贛州道署瓊花爲人間孤本。劉綬卿爲贛州監督時
分栽多株。竟活許我一株焉。二月由南昌歸里。乃效
昌黎乞元稹辛夷故事。馳詩索之。

聞道微之與退之。春來狂發寄新詩。新詩不賣黃金價。要換
瓊花一兩枝。

阿麼宮殿鎖煙霞。從此江都無此花。留與一株歸舊主。名花
千載屬楊家。

五月十三遊寶岩題寬上人禪房

虞山諸峯惟寶巖尤深秀。林木蒼古邱壑杳冥石。

谷筆意得此蓋多仲夏遊此初蟬始鳴幽鳥相逐
雲木入湖水天欲晚歸途得二首

深林日卓午。一路蟬吟微。僧坐覺山靜。犬眠知客稀。晴雲生
翠嶂。幽鳥與之飛。早有結鄰約。誅茅或可幾。

草長羣木秀。禪房山果肥。客因乘水入。僧亦看雲歸。細雨鳥
猶舞。深林花自飛。輸他耕釣者。先我早忘機。

東鄉田夫餽劔魚謝橋距江口十里餘

江口人家路未遙。雨中雙櫓響春潮。門前十里桃花水。日暮
江魚過謝橋。

春雨遊北山

千山不見人。春雨斷人跡。梅花出粉牆。應是隱者宅。

寬上人贈寶巖楊梅

出郭三四里。林閭依翠巘。水木自明瑟。新蟬鳴以遠。經盡雲
樹村。豁然水田岸。路盡聞泉聲。探幽來法苑。潭影見夕嵐。幽
照出以返。林間楊梅熟。茲峯有名產。山僧出林遲。採摘筐筥
滿。云味勝荔枝。可醫詩病癩。先人嗜家果。羊棗敢自款。歸來
薦寢几。焚香青山晚。

丁五徒步見訪

山色一樓滿。春流半里餘。夕陽如有意。與子巾柴車。日夕命
清酌。竹涼聞讀書。途窮猶氣壯。未肯注蟲魚。

往歲余作四時讀書樂於石花林道其實也我妻亦
作四時閨隱樂爲書扇頭存之

家有湖山似若耶。半栽桃李半桑麻。夕陽紅紫春流綠。載得鷓鴣夷去玩花。

紅藕花開暮雨收。紗廚罷浴夏生秋。夕陽送盡弄新月。萬柳風前一倚樓。

非關七夕始驚秋。夜夜房櫳好夢幽。洗淨高桐燒畫燭。他年白髮看牽牛。

夫婿清名白雪詞。田園長伴息機時。水窗人起呵妝鏡。照見江梅第幾枝。

今夏奇熱婦病暑瘧入夕熱甚則屏去婢侍伴之達
日二十三日大雨如注病霍然矣喜賦

三伏炎蒸病骨支。幽簾清簟屏紅兒相如也。解文君渴夜半。

無。人。雪。藕。絲。

玉枕紗櫺水木幽。阿香車過夜蟬收。催詩畢竟能驅瘧。山雨飛窗風滿樓。

夜熱喜雨

綠樹無聲噪晚蟬。青童掃榻便清眠。滿城山雨鳴溪漲。自起燒燈看白蓮。

霞客招女賓暑夜遊東湖觀荷

入夕放舟好。煙波澈繡帷。野船菱唱遠。江木夜蟬微。幽犬月中吠。佳人花裏歸。水天疎雨落。濕盡五銖衣。

七夕遊仙詩

辛酉七夕梧雨微。霽星月熒熒。我妻因感子儀銀州。

見織女事陳瓜果拜而祝之欲爲我致富貴壽考也
戲作遊仙詩五十韻

秋色夕。乃佳滅燭開軒楹。桐間捲幽簾。人影花縱橫。疎雨吐
山。月夜光生。銀屏洒掃苔竹靜。仰視星雲明。天上有佳期。想
像迴雲輶。言感牛女事。彌增夫婦情。妻拜乞受祚。我詩祝仙
靈。夜夢化青鵲。翱翔身骨輕。雲霄一羽毛。長風御之行。漸與
碧落近。遠見紅牆縈。耳背聲潺湲。徐聞西流傾。河鼓遙相望。
天水光滌滌。上界無雲氣。萬象皆澄清。恍惚龍虎車。縹渺鸞
鳳笙。環佩下天街。步虛聲泠泠。羣從艷如雲。香煙霏瓊英。仙
樂響高寒。中流忽一停。天孫顧我笑。有語細如笙。世莫知爾
賢。前身成武丁。道窮能安詳。帝鑒爾意誠。有命脫爾困。碧紗

寵姓名。賜爾富且貴。賜爾壽永亨。臣圻惶恐對一身。何足榮。
不願獨富貴。願帝哀蒼生。沙虫滿原野。螳雀酣戰爭。賜臣天。
河水。挽之洗甲兵。朔方久苦飢。吳楚洪水乘。其民化魚鱉。竭。
澤猶畧醫。臣請解倒懸。及今五穀登。賜臣飲渚牛。助彼大地。
耕。亂國在割據。亦旣曰貫盈。不聞受天誅。禍乃及良氓。願爲。
乞微命。勿使玉石并。賜臣干牛劍。揮之絕亂萌。臣妻亦有言。
世風薄幽貞。紅妝化爲妖。龍漦及於庭。惟神司壺儀。紡績垂。
懿型。是宜投豺虎。勿使留惡形。願賜洗車雨。一濯穢德腥。所。
期家國安。擊壤歌豐盛。富貴臣請後。雍容觀政成。共與天下。
人。長生享太平。天孫微嘆息。咨爾言可矜。天門駢蕩蕩。爲爾。
聞帝廷。臣退稽首謝。肅衣趨青冥。歸來自入表。飛飛宇宙青。

回頭望九霄。側耳時竊聽。鶴駕去已遠。雲璈不可聆。天風從空來。太虛微有聲。下視海山曉。殘月飛江城。江城千萬戶。衆睡我獨醒。起窺雲漢間。耿耿明雙星。妻言水精枕。亦聞天鷄鳴。

秋夕與友登北山翫月

踏月入秋山。古寺松蘿深。夜色見海綠。蒼蒼萬古心。草蟲鳴幽殿。丹桂發遙岑。宵遊不以燭。從者進鳴琴。洲渚若秋雪。巖谷迴清音。忽憶東山遊。抗懷梁父吟。有客似希逸。何須訪山陰。

過宣城江懷古

輕舟過宣城。斷壁天門開。青山兩岸高。清江從中來。江流白。

如練。風月清。可哀。參差猿嘯起。迢遞漁歌迴。緬懷謝元暉。北樓安在哉。世無李青蓮。誰爲傾千杯。

辛酉九月吳將軍與川軍戰於宜昌江路戒嚴有感
舊遊

潯陽風水急。渺渺感余情。戰國難爲策。高秋得用兵。清笳山上發。江火雨中明。寇盜頻年滿。西川事可驚。

夜登北峯

秋山清。雨後松月殊佳哉。今夕好風色。乃無餘子來。惟無餘子來。令我心顏開。青童知我意。臨江洗金壘。嘗衆不能飲。獨酌傾百杯。江楓落明月。秋聽清可哀。我意與衆殊。猿鶴應不猜。

江行夜過彭澤

日夕柴桑口。中流思渺然。漁歌千尺岸。水木五更蟬。清夜自風月。江城聞管絃。頻年辭斗祿。未肯讓前賢。

東梁山

丹楓孤嶼落。誰賞清秋夜。月明起漁歌。江上青山下。

江上簡燕生

牛渚秋月白。蒼然發古思。何人好風調。千載一同時。楓葉落如雨。扁舟自詠詩。臨江懷公子。心急雁遲遲。

夏口客舍

晴川閣下寒流靜。鸚鵡洲頭落日閒。逆旅馬周無一事。獨來倚馬看江山。

西遊篇

大江天上來。吳楚割其腹。西尋黃鶴樓。高帆飽十幅。霜清天
欲高。山葉紅未禿。扁舟吞洞庭。虛碧捫可觸。月白江風明。洲
島夜猶綠。荊州之域多。大山百里千里。一起伏。崑崙蹠躩來。
中原屢昂其頭。伸其足。抱江東。趨入於海。見首見尾。爭相逐。
中間浩蕩。蟠岷峨。抑鬱過巴蜀。入楚乃大放。如水奔平陸。其
氣捲地來。不復受拘束。匡廬以下。忽他顧。南走大庾。探荒服。
江之下游。氣之餘。金焦虎邱。渺一粟。何物拳石。享大名。五岳
歸人笑。以目山川。亦有幸不幸。一經品題。得奇福。從來處士
盜虛聲。君子視之。徒取辱。

漢口憶舊遊寄婦

少年樂事今回首。夏口山樓向晚開。君自梳妝我高詠。益州疎雨過江來。

輓畏公四十韻

君昔治山郡。人稱新尹賢。宦轍遍山水。往往發佳篇。自非百里才。當道爭攬捩。與君申交誼。其時當光宣。裘馬恣清狂。承平且壯年。我請終童纓。君著祖生鞭。王室忽播蕩。九廟淪腥羶。慟哭江海畔。塞向堙其塵。有時典朝衣。痛飲市上眠。高堂髮如鶴。斗米青錢千。破書三十車。何以娛華顛。所處大略同。忠孝求兩全。艱難忽十載。吳越各一天。君復博甘旨。我猶臥涯巔。泣血告三恨。聲其聞重泉。有鶴弔於庭。風雪閉一椽。布衣種梅花。天寒守墓田。出處雖殊致。憂患所共憐。永叔晚事

佛。蘇。晉。清。齋。便。吏。散。烏。下。階。簽。室。凝。鑪。煙。冥。然。返。其。本。塵。囂。
理。亦。禪。去。年。今。月。日。遲。我。子。猷。船。觀。潮。東。南。勝。信。宿。江。城。邊。
海。門。秋。水。盛。壁。立。飛。樓。前。相。賞。在。清。曠。弗。亂。以。管。絃。舉。酒。風。
月。白。君。酌。我。扣。舷。夜。靜。梧。竹。綠。微。言。參。燈。傳。蕉。下。本。無。鹿。火。
中。原。有。蓮。嗟。余。遭。喪。亂。道。窮。心。益。堅。已。知。無。始。來。物。我。皆。不。
然。最。上。無。所。得。本。性。何。待。詮。今。年。今。月。日。撫。景。感。事。遷。甯。知。
謝。客。兒。成。佛。在。人。先。天。下。方。擾。擾。達。者。甯。流。連。雖。生。已。不。辰。
際。時。非。嘉。乾。大。錯。入。世。法。曷。貴。壽。如。錢。太。虛。本。無。物。一。切。何。
有。焉。蒼。蒼。望。白。雲。悠。悠。觀。逝。川。因。君。動。百。感。潛。然。出。涕。漣。

見近人畫細腰出浴仕女肥瘦各一爲題兩絕

玉潤珠圓雲想衣。名花沒骨美人肥。可憐如此丹青手。不畫

流民。晝。貴。妃。

抱月飄煙一搦身。干卿何事爲傳神。東南民力千錢米。莫寫宮中餓死人。

吳將軍自宜昌見招遂西行

長嘆從軍去。西來浩蕩行。關山趨史跡。風雨入詩聲。江色生燈火。秋光帶甲兵。將軍如有意。第一是蒼生。

渡江謁吳將軍

武昌兩岸是樓臺。如此山川倦眼開。行到中流狂擊楫。滿身風雨過江來。

大別山

巖下坐樵子。問之杳不答。中原風雨來。舉酒看江色。

潯陽遲潘子不及

我向洛陽去。君向潯陽別。莫問劉景升。披裘看江雪。

遊野寺

千崖落紅葉。言訪贊公房。暮鳥亂成陣。秋山明似妝。堆書增石勢。煎藥得花香。一坐息羣動。惟知日月長。

臺城眺江雪

俯仰了千里。金陵風色哀。清清寒照裏。暢以江城臺。暮雪鳥飛去。翠微僧上來。不堪煙水氣。朗詠一徘徊。

望匡廬殘雪

積雪雲重重。匡廬千萬峯。暮來生彩翠。寒照蒼山松。

再過湖口要塞感賦二首

登臨傷躍馬。此地幾稱豪。江閣風煙淨。秋天顧視高。山川自
萬古。文藻豈吾曹。若問中原事。千營霜滿刀。
名恥依劉表。狂能識孔融。歌詩風雪裏。江漢莽蒼中。事業誰
相假。文章我豈窮。書生能及物。不在奏奇功。

獨遊野寺晚歸

嵐翠暮來紫。竹林方丈閒。主人抱白鶴。佳客似秋山。清月出
山水。徐來庭戶間。無心成獨往。盡興復孤還。

宿匡山

絕頂見燈火。山房萬壑連。獨行暮雪裏。處處鳴寒泉。俯瞰海
生日。仰從雲上天。歸來衣袖濕。一宿斗牛邊。

江上

二十年來十度遊。少年行樂愛揚州。楊圻將老狂猶昔。酒熱江寒太白樓。

題內子霞客索笑圖

余內室多老梅皆高出檐外舊有繞床十六樹梅花之句春初花發香溢幃帳間霞客日以折枝供養

先人佛座高窗大几地無纖塵我夫婦雙宿花間不知理亂者有年矣壬戌春客洛陽煙月之夕遠憶林下清歡悵然有作

我憶山妻瘦梅花。伯仲間。綠窗紅燭夜。風片雨絲閒。池月清如水。黃昏香滿山。草堂差幸早。林下有朱顏。

大雪至九江二首

夕。曛。明。積。雪。江。色。上。燈。火。風。定。泊。潯。陽。詩。清。得。未。有。
返。照。斂。寒。霽。江。樓。暮。欲。明。何。人。好。風。調。酒。煖。貂。裘。輕。

辛酉冬遊洛陽入孚威上將軍幕賦呈

嵩。高。峻。極。聳。雙。峯。萬。壑。千。岩。盡。附。庸。四。塞。河。山。橫。落。日。二。嶠。
風。雨。過。登。封。中。原。人。物。歸。羊。祜。南。國。衣。冠。媿。士。龍。伊。洛。瀾。灑。
同。入。海。萬。流。雖。細。得。朝。宗。

裘。帶。風。流。玉。壘。開。東。都。形。勝。更。羣。才。雲。橫。太。室。千。山。小。雪。滿。
黃。河。一。騎。來。自。古。英。雄。嗟。落。日。至。今。父。老。說。雲。臺。平。原。千。里。
烽。烟。淨。百。戰。功。高。且。把。杯。

風。塵。搔。首。意。如。何。如。此。人。閒。莫。醉。歌。詩。到。嶠。函。南。氣。盡。地。經。
伊。洛。故。宮。多。關。山。滿。地。孤。村。晚。刁。斗。連。營。一。雁。過。才。盡。那。堪。

狂未滅。北風吹帶望黃河。

一臥江湖歲月催。驅車東郡意低徊。河辭故道波瀾靜。山走中原氣骨開。事業已隨形勢改。歌詩猶向莽蒼來。雲臺諸將圖形在。萬古千秋且莫哀。

洛陽新築亞夫營。日落青天萬馬鳴。秋盡臺高收嶽翠。夜來軍靜出河聲。大名字宙聞談笑。舉足中原有重輕。獨上龍門探禹跡。偶然聲價若爲情。

送包顧問胡諮議入蜀

西蜀崎嶇裏。頻年寇盜侵。暮雲巫峽遠。春雪劍門深。史有分南北。功難論古今。張儀三寸舌。莫自說登臨。

謁洛陽關壯繆墓

在洛陽南十五里。建安二十四年以王禮葬此。

萬古君臣手足情。至今白帝暗孤城。吳宮花草埋幽徑。看盡興亡意氣平。

古柏青蒼對夕曛。村中爭拜漢將軍。行人欲問三分事。一雁連營飛陣雲。

得幼兒豐祚貞祚家書

鄉書多瑣屑。風物倍依依。小縣春偏早。今年花更肥。自忘爲客久。祇解勸人歸。早晚買山去。移家入翠微。

滎陽

廣陵傳得嵇中散。一宿華陽萬古愁。夜入洛陽三百里。秋山月落打鐘樓。

歲暮由洛南假歸過虎牢關

雞鳴寒月渡雄關。畫角聲聲曉夢間。夜半洛陽人送客。一裘風雪萬重山。

偃師早發

雲海蒼茫裏。狐裘冰雪間。西辭洛陽道。一宿虎牢關。上馬見殘月。開門向亂山。中原苦征戰。只有老僧閒。

壬戌初春早起

早起添香供佛前。煎茶風定鳥窺烟。定州花盎白於玉。坐看山妻種水仙。

歲暮回里早春又入洛

總是尋常事。還家意便親。梅枝寒帶雨。山色曉生春。浩蕩從軍客。蒼茫亂世人。匈奴猶未滅。揮手莫霑巾。

夫婦冒雪游劍門從北山歸

尚湖林壑足清游。夫婦題詩暫解憂。行到北山松雪裏。爲君更進翠雲裘。

清明

洛陽城東萬里車。洛陽城西客思家。清明寒食無烟火。野店山橋開杏花。金谷園邊山杏紅。酒家只在此村中。晚來細雨行酤去。閒聽村翁話石崇。

壬戌三月七日壽子玉巡帥

開府臨江漢。旌旗下岳州。衆峯趨太室。一月照南樓。談笑輕劉表。風塵揖馬周。功名非爲已。未敢賀封侯。

安用毛椎子。功名百戰回。書生關大計。上將拜奇才。巴蜀紆西顧。荆襄怨後來。龍門高百尺。不及漢雲臺。

冠蓋動江海。風光滿洛城。三川春晷晚。千里客逢迎。形勝花爲縣。英雄酒用兵。軍中齊醉舞。夜報將星明。

湖海元龍氣。諸侯滿眼中。朗吟洗兵馬。長揖事英雄。當代輕儒術。斯人薄戰功。今朝桃李宴。四海被春風。

入洛機雲後。南人我最先。河山春又滿。舟楫意茫然。多士推陶侃。清才媿仲宣。高高不須頌。中嶽在樽前。

河朔英靈氣。中原一把杯。東風千萬里。春色莽蒼來。灞上原兒戲。山東亦將才。安居天下息。壽域八方開。

閣夜

畫閣春星露滿空。牡丹如斗月如弓。高窗大几燒紅燭。細與英雄紀戰功。近主編輯紀戰績

贏得春風入筆枝。八方無事看花時。平生第一清狂事。題滿英雄畫竹詩。玉帥善墨竹爲題長句

月夜見桃花思家

結念故園裏。春光滿小池。風溪收槳後。雨屋點燈時。旣雨月猶出。幽幽桃李枝。年年三月半。此夜最相思。

侍吳公閣武晚歸

草綠轅門動繡旗。將軍新令教魚麗。一聲畫角青山晚。萬馬歸營鳥不知。

吳將軍於洛陽西宮行轅植牡丹二千株庭無隙地

暮春著花值月夜午晴細雨曉露時尤清麗可賞拉
雜得詩六首

魏紫姚黃映曉霞。鳳池春色憶天家。仙官衣珮早朝罷。宮露
滿。身。人。隔。花。昔年引見頤和園值牡丹盛開

暗香如水濺芳菲。月下雙成擁玉妃。猶憶春深仁壽殿。小山
清。露。點。朝。衣。余所見牡丹以仁壽殿東小山
爲多然猶不及此間多且佳也

余齋外多白牡丹夜來風色清朗從將軍月下玩賞
清露有香麴塵不起恨無名句壽名花耳

素娥青女捧晶盤。莫當楊妃醉後看。能享繁華能本色。十分
清。白。一。分。寒。

三月望日將軍招飲營市街宅中東亭牡丹半放酌

蓬萊新釀寵之

虎帳輕陰酒力寒。東風放綠上欄干。將軍夜讀東都賦。春雨無聲開牡丹。

夜半聞春雨聲曉起開戶暖霞潑地矣

惻惻春陰添夜寒。曉來猶覺錦衾單。綠窗照雨朝陽濕。烘熱一庭紅牡丹。

洛陽暮春送人歸范陽

平原野色接雲間。人去樓空春草閒。惟有新鶯都不管。殷勤啼遍洛陽山。

清明時節洛城西。晼晚香塵送馬蹄。盡此一杯河朔去。關山春雨轉黃鸝。

寒食之夕春煦來話別且索詩賦二絕時梨花掩月

春雨猶微

洛陽親友本無多。寄託雄愁但醉歌。別有銷魂銷不得。與君搔首看黃河。

洛西春晚寄張參議春煦范陽

連朝金谷飲。細雨滛芳塵。浩蕩歸河北。殷勤送遠春。煙花寒食夜。燈火洛陽人。縱有江淹賦。銷魂兩不真。

大軍將發洛陽逢同鄉

正發洛陽逢驛使。家書爲我報平安。書中不說軍中事。祇向江南寄牡丹。

洛水春遊

水綠風和芳草閒。暮春幽鳥滿青山。洛城春色消魂處。都在
鞭絲帽影間。

奉軍逼京畿三月二十九從大軍發洛陽渡河北寄

江南親友

遼海微聞鐵騎過。長城四顧陣雲多。馬頭忽見太行綠。昨夜
東風先渡河。

黃河東望正思君。一片關山日暮雲。馬後洛陽如錦繡。看花
時節去從軍。

一夜漁陽鼙鼓愁。春陰浩蕩接關樓。明朝戰勝題詩處。潑墨
燕雲十六州。

三月晦夕過真定軍中寄家書

眼底關河春色繁。中原兵馬暗銷魂。遙知剪燭青山下。花近黃昏雨滿園。

我有佳人伴隱居。一春樂事在林閭。珠簾繡戶好風月。萬紫千紅夜讀書。

如此風光胡不歸。家山穀雨正芳菲。東風入戶牡丹熱。江水到門鱗魚肥。

軍中送人之長沙

書刺從漫滅。何人識正平。病中驚國破。客裏送人行。詩險關形勢。途長畏甲兵。霸才今有主。後爾恥成名。

游安樂窩題贈奉祀官邵立本

野色牛羊散。空林煙雨微。驅車渡清洛。靄靄見餘暉。門巷有

紅樹子孫皆布衣。清芬今咫尺。日暮竟忘歸。

香山寺

余居洛嘗獨遊溪山間。一夕大雪興發。五鼓披貂翎
裘。攜一弁控馬出。風雪中渡天津橋。至伊川上。天明
雪止。千山削玉寂無一人。出酒解寒。題詩香山寺而
返。同舍僚猶酣臥無知者。余亦弗以告。必以爲狂易
也。

水石淒清雲木連。鞭絲帽影入伊川。寒山日出動鐘磬。古寺
無人松雪煙。

金谷園曲并序

洛陽西北十里。北邙之陽。平疇麥隴間有村落焉。繞

村數里。是名金谷園。考縣志。園在金水。距此五十里。未知孰是。園之南曰西宮。上陽宮故址也。癸丑歲。袁世凱置營壘。練軍於此。庚申之秋。孚威上將軍吳公。旣靖安福之亂。移軍洛陽。駐西宮。更闢金谷。築臺閣。武。建壕壘。壇場。植林木。於是帳捲山明。旗翻草暗。笙歌故墟。一變刁斗森嚴矣。明年。余乃入將軍幕府。嘗於仲春佳日。觀兵金谷。輒憑弔於蒼烟落日之中。幽鳥一聲。則林花微落。風笛三弄。則青山欲晚。追悼往昔。流連烟景。不能自己。將軍嘗從容語石崇故事。且曰。崇詭得盜財帛。且殺盜滅口致富。卒以聲色殺其身。說者謂綠珠者盜後身。因果之理。豈無故哉。余讀

石崇傳。孫秀使收崇。崇嘆曰。奴輩利我財耳。收者曰。知財為禍。何不早散之。崇無言。遂族誅之。嗟乎。高臺愛妾。今也。則多前事之。不臧後人之師也。乃撫其盛衰之跡。取為今世之戒。長言詠之。且紀洛遊焉。虞山

楊圻敘

洛陽自古說繁華。幾度興亡問落花。遊客獨尋金谷路。牧童閒指石崇家。香塵流水看不足。滿眼山邱感華屋。中散彈琴怨未終。華亭鶴唳哀相續。晉嵇康臨刑嘆曰。廣陵散絕矣。長沙王又事敗。陸機臨刑嘆曰。華亭鶴唳。其得聞乎。機與石崇皆死。五王之亂者。太康清宴萬家春。一代豪華數季倫。賭富無人輕戚里。閑居有賦笑安仁。崇傳曰。崇財產豐積。室宇宏麗。後房百數。皆曳紈綉。珎金翠。絲竹盡當時之選。庖膳窮水陸之珍。與貴戚王愷。羊琇之徒。以奢靡相尚。傾

都帳飲朱輪聚。未央夜詔拜征虜。錯疑聲色是風流。不愛林

泉愛歌舞。河陽別館起笙歌。水榭雲房列綺羅。寶帳飄香珠

落索。畫屏却月玉嵯峨。崇小字齊奴有別館在河陽之金谷

者傾都帳。曾是嫦娥修月府。卿嬈深鎖春無主。名園只合美

人居。可憐粉黛皆塵土。梁家少女美垂髻。金屋何人貯阿嬌。

獨有齊奴垂一顧。明珠三斛換纖腰。梁氏女綠珠有殊色善

珠三斛以難崇崇卽。綠珠生小心常捧。雅擅宮商自矜寵。歌

罷微憐皓齒寒。舞餘猶怯明璫重。芳輪輾轉玉驄輕。紅淚啼

妝別母行。萬炬迎來花月夜。香車擁入失天明。薛夜來魏文

車迎入宮夜來別父母登車淚。將軍夜醉春眠美。好夢如雲

扶不起。綠楊水暖弄妝遲。滿院鶯聲催梳洗。銀屏珠箔護涼

臺夜半春寒擁。夜來玉笛一聲清。弄歇沉香火。底報花開鼎
湖寂寞迴龍馭。明年宮闕昏塵霧。玉手薰香事早朝。三公七
貴都非故。新聲初製鬱輪袍。滿坐公卿狗尾貂。捧出紫雲親
度曲。水精簾捲月輪高。絕代佳人難再得。從此東都慕顏色。
黃金無計救全家。白骨如山殉傾國。自武康元年趙王倫孫秀入
洛陽盜國柄倫自爲相國秀爲中書監其黨封侯無數奴卒
亦加爵每朝會貂蟬盈坐時人爲之語曰貂不足狗尾續
中書新貴意輕狂。走索雲鬟侍象牀。忽發狂言驚杜牧。已聞
矯詔殺王章。層臺百尺開清讌。水佩風裳秋似練。羯鼓聲高
酒半酣。門前緹騎收廷掾。是年秋八月淮南王允起兵討倫
秀不克死之秀貪淫使人求綠珠
崇時在金谷方登涼臺臨清流婦人侍側使者以告崇出姬
妾數十人示之使者曰奉命索綠珠崇曰綠珠我所愛不可
得也秀怒遂矯詔收崇崇正宴於樓上介士到門綠珠墜樓
下而死秀因稱崇及其甥歐陽建潘岳奉淮南王爲亂遂樓

族誅將軍回顧別蛾眉黃犬東門信有之愛惜傾城輸范蠡

烟波悔不載西施美人慟哭事至此義不獨生請先死君恩

似海恨似山妾貌如花命如紙鶴鷗驟叫早黃昏舞袖零星

碧血痕同向青陵臺畔去落花如夢葬春魂宋舍人韓憑妻何氏美康王欲

之宴青陵臺何氏陰腐其衣投臺下左右持之不得遂死憑亦死北邙芳草年年綠人間萬

事如轉轂流水桃花值暮春斜陽牛背山陽曲故墟井邑近

清明晉代衣冠邱隴平日落高原橫萬騎陣圖新築伏波營

金谷園今為第三師校武場吳上將軍練兵於此玉壘春深旌旗靜遊人到此傷烟

景燕迷紅樹認空樓蝶下平蕪尋廢井統志河陽有綠珠井華林柳色

敞轅門勝日觀兵芝蓋翻畫角一聲歸馬晚干營煙月帶孤

村歸來煮酒叢臺下不賦阿房賦馬射燈火梨花詩思清瀟

瀟。幕。府。青。山。夜。腸。斷。花。飛。寒。食。天。春。愁。哀。怨。寶。箏。絃。莫。彈。金。谷。園。中。事。樓。外。千。山。啼。杜。鵑。

捧讀一過五體投地如此名作可與長恨歌圓圓曲並傳小小荒村一經才子品題金谷園二字足千古矣惺

亞

河北軍中春感壬戌

烟柳連天暗。從軍萬里行。可憐兵馬裏。城郭有鶯聲。百戰傷春色。何年見太平。東風吹草綠。微細亦生成。太行青一髮。鼓角出漁陽。井邑生春水。烟花近戰場。將軍甯好武。少婦正凝妝。處處樓臺好。何人看夕陽。

晚歸

寒鴉流水上。積雪殘照裏。策馬過津橋。千營笳鼓起。

送人入關

日出萬仞山。鷄鳴雲海間。願君休駐馬。腸斷是潼關。

虎牢關遇雪

嶺色人上下。寒照鳥明滅。策馬向洛陽。千山萬山雪。

雪夜

夜靜雪已積。天雲寒月翻。關山連北極。鼓角滿中原。或有豐年兆。誰爲減賦言。於今勞剪伐。生也亦何恩。

軍中詩

壬戌春張作霖率奉軍入關佔據城邑挾制朝政三月二十九癸亥吳公自洛陽移師河北奉軍分三路

進公亦分三路討之而自當張景惠鄒芬於京畿西
余隨軍中以詩紀之

帶甲辭東郡。移師救上京。亂山無月色。萬馬雜風聲。賊膽當
先破。軍心在不平。枕戈看夜象。天際將星明。
夜雨黃河急。春星北斗高。萬言飛露布。千里肅秋毫。制勝非
因戰。成功豈自豪。匈奴猶未滅。將士莫辭勞。

四月朔乙丑。吳公赴良鄉涿州視師。卽下令攻擊。奉
軍軍容盛。陣堅不可下。次日聞中路王承斌軍稍却。
公乃東折至大城縣前線。立復之。丁卯回保定。率衛
兵一連。星夜馳赴長辛店。親冒矢石。大戰於小紅山。
是夕。東風大作。帷帳有聲。默念中原板蕩。英雄勞苦。

不禁黯然。

風急。旌旗動。前軍正合圍。天心洗兵馬。人事一戎衣。陣勢連山撼。關雲帶火飛。馳驅勞上將。籌筆繼前徽。

戊辰吳公以奇兵繞出陀里。拊敵背。奉軍自驚擾。大破之於長辛店。次日己巳。黎明由豐臺直趨天津。會師東指。勢如破竹。作霖不及知。精兵猶在津。聞前軍敗。怒自率師北趨。兩軍遇於黃村。公直陷其陣。摩轂而過之。關東軍士猝聞吳將軍至。則大驚。爭棄械攀車遁。作霖手洞數人。弗可止。兵多不得退。勢如壞山。遂大潰。作霖遁天津。不能軍。再遁灤州。於是諸路軍皆潰。計移師至今。用兵七日。遂定京畿。海內相慶。是

役也。公實以一師兩旅之衆，破作霖軍八萬，獲軍械輜重無算。初，外人多觀戰，以奉軍衆且強，隱爲公憂。以問公，公期以七日，咸未敢信。及勝戰期，僅四日耳。則皆驚服。謂拏破崙用兵無此神速。稱公爲長勝將軍。公所至，商民爭犒軍，酒食山積。夾道縱觀，爭欲見顏色。戰勝之威，從軍之樂，我知之矣。

夜半東風起。軍中萬馬鳴。用兵不在衆。捲甲及平明。百戰增詩力。三邊破竹聲。胡天飛鳥絕。不敢近長城。

洛水春遊

清洛春流滿。黃河岸柳新。風光太明媚。淚眼異鄉人。

吳將軍造天津橋成種樹千株行旅便之公暇往遊

洛水何清淺。飛橋百丈橫。兩邊惟柳色。數里有蟬聲。落日遠。

山盡黃河新月生。上陽迷處所。牧笛晚來清。唐人雍陶詩曰

霞烟柳風絲拂岸斜翠輦不來金殿閉宮鶯銜出上陽花又

寶鞏洛中詩高梧葉盡鳥巢空洛水潺湲夕照中寂寂天橋

車馬絕寒鴉飛入上陽宮又李暮於橋上聞上陽吹笛得新

曲是津橋與上陽必不遠今城外七八里猶名西宮吳公於

此建牙考之縣志即上陽故址距津橋僅二里許

橋故基在今橋東約百步猶存橋洞半規未毀

壬戌暮春登保陽城南園樓春望

城郭生芳草。河山接大荒。可憐烽火裏。春色滿漁陽。花柳爭

明媚。旌旗入莽蒼。登樓頻舉目。無處不魂傷。

和胡夔文附原詩

前身十世是男兒。今世男兒百不奇。躡足幾曾關大計。誅心

猶自發雄辭。文章有骨酬知己。江海逢人說舊詩。莫問安危

天下事。捲簾疎雨看殘棋。

六年不見楊雲史。白晢風神變老蒼。劍氣纔看龍出匣。
京塵又報海生桑。使君才筆工吟寫。幕府嚴兵倚贊商。
卽此却關天下重。未應杜牧作詩狂。

送人度函谷關

道傍何處問青牛。山下清泉紅葉流。古戍無人車馬絕。千山
寒照擁關樓。

秋夕與燕生話湘鄂之戰

去年今日醉高秋。青雀黃龍旌旆悠。贏得清詩滿江漢。天風
夜夜岳陽樓。

天津橋秋望

津橋車馬晚來絕。古木無人落。照清欲問上陽舊宮殿。寒鴉
流水不分明。

送同鄉南歸

東都自古帝王州。風物無情草木愁。看盡山川吳郡好。勸君
歸向故鄉遊。

遊伊闕

洛陽三十里。秋水下龍門。佛洞唐碑古。樵村漢寢存。亂山吞
落日。歸馬剪平原。微月窺紅葉。蕭蕭金谷園。

送友歸關中

秋色滿潼關。胡爲河洛間。夕陽人去後。馬背萬千山。

伊川晚歸

疎林紅葉香山晚。絕壁寒流伊闕閒。日落秋原最高處。無人飽看洛陽山。

九月十五軍中聞雁

黃昏鴻雁下潼關。一片西風明月間。河朔健兒聽不得。千營齊唱念家山。

九月送蘭友之西安

秋色潼關近。青天萬馬鳴。紀程多古蹟。得句用奇兵。落日天垂盡。黃河暮有聲。舉頭形勢在。意氣未能平。

幕中雜詩

鳥下營門靜。庭除花竹疎。人烟河洛晚。宮闕晉唐餘。幕府非爲吏。將軍重讀書。還從休暇日。文酒賞清虛。

同僚遊龍門余以病不得往

病裏家書多似葉。客中鄉夢亂如山。何如一宿龍門寺。鐘磬無聲。宇宙閒。

秋夜病中歸思

平時常獨醒。况乃藥爐邊。幕府清如水。關山遠接天。秋笳吹到曙。晝燭照無眠。遠念妻孥意。何心更自憐。

洛陽大病後野步

洛浦寒猶綠。蕭蕭一雁過。人烟依落日。山色斷黃河。詩骨經秋瘦。禪心出世多。憑高搖落後。倦眼復如何。

病中聽吹角

不睡聽寒吹。秋風滿洛城。乍喧因寂寞。漸遠更分明。舉目非

親友逢人問死生。寄言閨裏去。經月罷詩情。

病起

病去身如葉。關河秋颯然。再生疑佛力。久客得人緣。清露成殘夜。疎星似去年。侵晨頻得嚏。應有所親憐。

遊伊川

伊川秋水清。香山暮烟紫。獨尋魏晉人。殘碑夕陽寺。

紀恩詩

壬戌五月十二日奉 皇室諭旨開復 先臣原官

七月十二日 御書含謨吐忠宸翰 追賜 先臣

祠額 內務府頒到紀痛

天步艱難日。綱常慘淡時。死前臣淚盡。身後帝心知。一字褒。

忠定他生報國遲。十年垂涕道不爲感恩私。
臣父原無罪。千秋恨覆盆甯知亡國後。猶拜故君恩。何以爲
人子。無非出至尊。孤忠今大白。舉世莫輕論。

宸翰昭雲漢。威嚴見漢官。事前憂國少。人下辨奸難。故去恩
猶重。終身淚不乾。天顏真咫尺。留與子孫看。

戊己多封事。編年淚眼沱。人心輕九鼎。臣笑比黃河。名士倫
常薄。諸王玉帛多。封章今尚在。宗廟竟如何。

臣幸未從賊。飄零十一春。傷哉天下事。不見讀書人。舉國尊
邪說。先朝有直臣。眼中家國在。祇是失君親。

先公在臺諫。四載適當丁。戊之際。抨擊權貴。直聲振天
下。一時有笑比河清之目。是以仇家多貴人。戊申有人
賄瑞激誣。先公干預地方。細故被議。執政謂細故不
得入罪。上聞擬留中。而瑞一日三電慶王以去。就爭乃

猷其請張文襄端忠愍知專誣許請開復而兩宮升遐
先公亦卒事遂寢圻服闋方呈請昭雪而遜國矣傷
哉

香山弔白太傅墓

洛陽南二十五里香山東嶺

水清沙白流楓葉拾級香山山悄然憑弔不知經幾輩夕陽
紅過一千年

九老香山尚有堂風流儒雅總堪傷詩人際遇今何世腸斷
江東楊野王

霞客久不作詩近因余大病得愈喜寄一絕詩曰遙
知病骨梅風格應更清詩雪肺肝半世不聞溫飽語
家書未敢勸加餐誦之黯然報以一首

洛南一雁拂寒雲黃葉西風不可聞聊把自家如待客添衣

健。飯。爲。憐。君。

觀獵

鷹犬縱橫狐兔羣。北邙楓葉下紛紛。山深日落弓絃響。背指高原射暮雲。

霞客綺年時有端麗之譽既歸余京師王妃貴婦爭交歡之今雖老我固及其姣且好昔人譽妻語也書題二十年前爲新婦時照片

騎鶴揚州漫自誇。風流何遜昔爲家。自媒早已疑溫嶠。譽婦曾聞必麗華。爲我畫眉調彩筆。憑君索笑種梅花。廿年飄泊今何世。不問琴書問酒茶。

少年才調譽韓翃。慚愧飛花句滿城。顧影未除公子氣。娶妻

難得美人名。卻因多難依嚴武。豈有長貧似馬卿。辜負一年好風景。西樓柳暗百花明。

伊川

川上夕陽盡。山明飛雪花。停車頻問訊。可有姓程家。夕陽烟火生。山靜清川晚。一葉落寒流。蒼然詩思遠。

北邙秋望

暮角喧喧繞洛城。登高遠望總傷情。秋原搖落兩三騎。閒向寒空試射聲。

洛陽秋末多雁陣從西北來明月之夜哀響更清

碧落平鋪一字長。欲書胸臆問穹蒼。黃河爲硯高山筆。手壓青天寫幾行。

平安械札憑君寄。家在江南紅樹樓。過盡中原還不是。大江東去海西頭。

題吳將軍畫墨竹

古來將門誰能畫。小李將軍與曹霸。精神結構非偶然。師人不如師造化。范寬語東坡愛竹甯無肉。與可愛竹又畫竹。與可畫竹東坡題。尺幅琅玕千年綠。蓬萊將軍今英雄。寶刀有血筆有風。千軍一掃如落葉。盤根錯節羅心胸。有時奇氣忽橫溢。腕底森森放籜龍。酒腸擎確醉不眠。提筆四顧意蒼然。欲畫不畫目如電。成竹乃在落筆先。氣吞全紙檀。灑湧傍人猶見筆。不動兵法筆法一貫之。運以已意。皆爲用。須臾風雨到毫巔。兔起鶻落真宰宣。千枝萬枝舞烟雨。一幹兩幹撐青天。

往往紙盡氣未盡。清剛卓立天爲穿。有時得之出意外。是非
人力仙乎仙。畫罷却立意。縱橫胸中。武庫刀槍鳴。擲筆大笑。
竹盡起。滿壁龍吟。風月清。去年破竹下。瀟湘夜泊。君山弔英
皇。曾向洞庭雲水裏。潑翻斗墨寫箕箒。將軍潑墨墨能舞。神
光離合五色吐。自將肥瘦辨陰晴。却從動靜見風雨。將軍示
我竹德頌。勁節高標皆愛重。此君自有骨凌霄。那怕枝頭霜
雪凍。磊磊落落。歲寒姿。竹耶人耶。不可知。天生風格拔塵俗。
莫道將軍是畫師。畫師妙手那有此。海內人稱吳道子。不買
胭脂畫牡丹。千紅萬紫都羞死。富貴名花自古誇。洛陽况是
牡丹家。甯知祇愛虛心竹。不畫徐熙沒骨花。時牡丹二千本方盛開

贈某將軍

張筵金谷上陽宮。清辯滔滔蓋次公。一統三分天下事。與君
煑酒論英雄。

帶甲蕭蕭滿天地。洛陽相送莽蒼間。贈君馬策無人見。風起
黃河雪滿山。

深秋遊西苑

夕暉西苑暝。車馬去悠悠。古木千鴉繞。空亭一水流。人情多
向晚。天意自憐秋。莫問開元事。詩人已白頭。

江山萬里樓詩鈔卷十一目錄

癸亥甲子日強年集共一百七首

天山曲附香妃外傳

送南海先生

贈梁飲侯用弧徐善伯夏遊洛

春日遊伊闕香山詩

贈張方巖參謀長佐民

遊伊川

四月初五日同張參議遊洛水登

香山兼送別之河北

首夏遊天津橋聞子規聲歸思不

可耐請假一月

徐州逆旅

東葉煥彬長沙

由津浦路南歸道中作時臨城土匪劫

官吏外人數百人

夫婦蕩舟至劍門寶岩下

還家清夏卽事二首

家居

夏夕泊舟湖田

仲春送人之湘粵

首夏飲吳將軍宅小園

初秋之夕花竹夜涼與霞客話別

南海招飲遊存廬同坐者季高一

山積餘惟病山夫子古微丈以

事未至卽席

七夕望夕泊大通江月殊佳霞客

先以今夕同時看月爲約因之

不眠岸月自淒草蟲吟露幽輝

侵曉江雨微涼矣

月中過采石

月夜過小姑山

楚江曉雨

曉雨過武穴

次安慶寄內

立秋夕與霞客檢舊篋得南溟圖

照因憶舊遊

齋師重繕蘇來酒觚既成于七夕

宴客泛濠上酣飲張樂極清燕

之盛時孝若公子奉使歐西行

有日矣父子賓客賦詩唱和郵

寄見示並屬和章

關陵 洛陽縣志作關林然此實馬援墓關墓在

義井鋪東南蓋漢魏洛陽城在今城東三十餘

里

哭張少軒忠武公

題霞客昔年宮裝鞞紅午臥圖

遊李氏林亭

洛陽秋晚送南海先生西遊關中

送何守奇西遊

夾馬營西望宋太祖生於此生時赤光香氣

滿室人稱香孩兒

送鄧剛仲入關

潯陽夢李白

哀溥尚書良父子殉節事 節張鴻撰

記

久欲遊嵩山以登封多盜賊不果

題潛之孤山草廬圖

壽孫師鄭 平生不喜酬和尤不作壽詩以師

鄭堅索偶破例爲之

贈香山徐君勉

簡霖蒼長沙

洛南送別

灑上郊居

哀中原二首

陪南海先生遊嵩嶽登絕頂共賦

逍遙谷石室玩月呈南海

遊緜山王子晉昇仙臺 偃師縣城西南

四十里

投宿嵩山白鶴觀

嶽雪初霽夜登嵩陽樓 在登封縣署孟

浩然所遊也

嵩陽樓

登萬歲峯午餽嵩陽書院

夜宿逍遙谷石窟唐潘師正鍊師隱處

首陽山謁夷齊墓在偃師縣北孟津有扣

馬鎮

遊少室山少林寺寺昔有田五百頃僧五

百人今但二頃近爲匪擾人亦罕至也

夜宿白鶴觀嵩嶽萬歲峯西逍遙谷上

謁杜子美墓偃師縣北五里首陽山下

送徐錦濤之官遂平

初春南歸汎水車中作

清明北郭登山春望

題程伯臧潘妃哀詞

揚子江春望甲子二月由洛假歸

雲史十五歲之影



江山萬里樓詩鈔卷十一

甲子乙丑曰強年集

江東楊 圻

天山曲附香妃外傳

天山南路諸城。分白山黑山兩族。其先皆奉佛教。當隋唐之際。天方國王謨罕。慕德者。生而神靈。造經立回教。盡臣服西域諸國。傳二十六世孫曰瑪墨特。當明之末年。自黑德國踰葱嶺。東遷喀什噶爾。是爲回酋之始。聖祖時。回部自亂。相攻。其孫阿布都實自拔來歸。聖祖優卹之。遣人護送歸葉爾羌。阿布都實之子瑪罕木特。欲自立一部。爲噶爾丹策霖所幽。

復羈其二子。兄曰波羅尼多。弟曰霍集占。是卽大小和卓木也。乾隆二十年。平伊犁。高宗念其祖誠款。釋兩和卓木兄弟歸。使治回民事務。霍集占陰鷲。二十一年。準部阿睦爾撒納之變。陰舉兵助逆。及再平伊犁。遁去。二十三年。霍集占以背德疑懼。自恃寫遠。漢兵莫及。脅其兄。據回部。叛回民懷其祖德。諸城風靡。惟拜城庫車阿克蘇三城內饗。走依將軍兆惠於伊犁。八月。兆惠南征。至葉爾羌城。困於黑水營。二月。卽古龍堆也。糧水俱絕。掘窖得粟。掘地得泉。伐木得鉛丸數萬。天助也。副將軍富德聞圍急。卽以帝所發索倫察哈爾之兵二千以赴。方夜大雪。急擊大破。

之。圍解。明年。兆惠由烏什取喀什噶爾。富德由和闐取葉爾羌。兩軍各萬五千。和卓木兄弟潰敗。遁葱嶺西。將襲據巴達克山部。我軍追蹙於葱嶺之巔。巴酋拒之於阿爾渾楚嶺。殪其兄弟。函霍集占首。馳獻富德轅門。於是準噶爾及喀什噶爾烏什和闐葉爾羌庫車拜城阿克蘇諸城皆下。回部盡入版圖。建新疆。設伊犁。塔爾巴哈台。烏魯木齊。喀什噶爾。四鎮。置參贊大臣。辦事大臣。領隊大臣。治之。而建牙於喀什噶爾。復於伊犁。設惠遠。惠甯二城。置將軍。參贊大臣各一。領隊大臣五。統率滿洲。蒙古。綠營。索倫。喜伯。厄魯特。回部。諸營。惟科布多。烏里雅蘇台。別爲管轄焉。新

疆既定。詔加封北惠宗室一等公。富德一等侯。錫賚將士回酋有差。二十五年二月。王師凱旋。帝親郊勞於良鄉。築壇設燔。上親拜天將軍以下。皆甲冑。王公大臣隨行。上御黃幄。將軍等行抱膝跪見禮。於是葱嶺以西之布魯特。烏罕。博羅爾。敖罕。安集延。巴達克山。諸國皆遣使來朝。貢納款。立碑太學。戰處皆勒銘。一著戎衣。邊患永熄。功超往古。利垂萬世焉。

回王波羅尼多妃某氏有殊色。不假薰沐。身有異香。其民稱之曰香妃。蓋自妃於其國也。二十八年。巴達克山酋長始得王首。并致妃獻。妃陰多齋利刃。以行。有司飭沿途地方官護衛。置頓供起居。於是祈連。

秋。雪。大。苑。驚。沙。間。關。萬。里。顏。色。弗。損。翠。輦。入。玉。門。百
姓。夾。道。以。觀。甲。衛。森。嚴。錦。繡。雜。遯。綿。亙。數。里。香。車。所
過。芳。澤。流。衍。半。載。達。京。師。帝。獻。俘。太。廟。而。後。受。之。
賜。居。西。苑。恩。禮。優。渥。珠。玉。金。帛。賚。無。算。妃。不。謝。亦。不
御。帝。欲。納。之。不。可。乃。冊。爲。祥。妃。北。人。祥。香。同。音。妃
弗。能。知。也。幸。其。宮。衷。刃。自。衛。弗。得。近。天。語。溫。和。百。問
不。一。答。伺。隙。數。犯。帝。驚。左。右。度。事。無。濟。則。自。戕。奪
其。刃。更。出。他。刃。弗。窮。內。官。惶。恐。日。夜。邏。守。弗。敢。懈。
皇。太。后。聞。而。憂。之。戒。上。母。往。西。內。且。曰。彼。旣。不。屈。
何。不。殺。而。成。其。志。帝。雖。知。不。可。屈。實。未。能。忘。情。哀
其。遇。嘉。其。志。弗。罪。焉。又。不。忍。其。死。優。容。弗。強。聽。之。而

已如是數年。妃稟絕代之容。華抱冰雪之貞。操遠念家。國自傷。數奇求死不得。生復不可。居京久。思西域。故鄉靈芸。則遠懷。父母花蕊。則私祭。張仙於是瓊島。春花之朝。瀛臺秋月之夜。撫時感心。莫可告語。輒宛轉長啼。哀動魚鳥。帝聞而傷之。命建回子營。寺宇街市。悉狀回部都邑。以賜從妃。入關之回人。駐劄別編一旗。設佐領。給世餉。如入旗例。是曰回旗。復致妃父母聚居焉。而築望鄉樓於苑南。以解其憂。妃於樓中。臨望見之。泣不可仰。殊鬱鬱。三十一年冬至。帝有事圓邱。宿齋宮。太后密召妃。溫語問所願。且慰令侍。帝妃不拜。從容自陳。亡國婦人心死久矣。願

殉故主。不願富貴也。因求死。太后潛然動容。撫之曰。兒可敬哉。然則今賜爾死可乎。妃乃喜跪拜謝。太后恩。遂就尺帛於慈甯宮之西廂。后妃左右無不流涕。中使奔白。帝回宮救之。帝至慈甯門。門閉。逡巡弗敢通。門啓而妃已絕。嗟悼不豫者累月。哀妃烈命。以回妃禮。歸喪西域。遂其志也。香妃墓今在喀什噶爾漢城西北。回城東門外十里。阿發胡墓之下。俗稱香娘娘墳。地距省城五十四站。其喪輿在禮拜寺中。至今猶存。木蘭行宮舊懸帝飭畫妃像。近年印布人間。冠蘇幕遮。被瑣甲。帶刀槊。婀娜剛健。氣凜凜然。所居西苑。今爲總統府。瀛臺西北。有便殿曰圓。

鏡爲妃浴池。苑南畫樓曰寶月。卽望鄉樓更名。今爲新華門矣。皆存。遜國後二年甲寅。回旗上書內務部。自陳先世皆祥妃部曲。從妃入關。居京數世矣。今存男丁五百二十人。婦女若干口。願予遣散。自備資斧歸耕西疆故土。時同邑言公敦源總部務。言於袁世凱。許之。自是妃舊部子孫無復有居京師者矣。妃事世多記載。語率齊東。謂帝於兆惠出師時。面授意令。生致妃。考兆惠出師。受命平伊犁。非平回部也。及回部叛。惠乃自伊犁移師南征。何面授之。謂且兆惠班師。在二十五年。妃入關。在二十八年。惠先歸三年矣。魏源聖武記亦詳載二十五年。惟霍集占函首其

波尼羅多尸被盜去。及二十八年。巴達克山酋始獲其尸。并其妻子以獻。是獻妃者。爲巴達克山酋。而非兆惠。且事在三年後。班班可考。何生致之。謂又謂帝宿妃所。左右聞妃幄中笑聲。至有帝告大臣。朕已幸之之語。君臣淵默。何作斯言。窮措大。但聞瓜棚淫。謔焉。覩盛世帝王臨朝之威嚴哉。所貴乎記載者。彰善闡幽。有以勸百世也。鼎革後。東南儂薄士。喜刺探閨壺宮闈穢瑣。以博微利。語貞則索然寡歡。誨淫則重足而聽。甚且不考記傳。臆說附會。一若非此。不足以稱艷聞。故雖草菅名節。使貞魄含冤。亦所弗卹。其於典章文獻。不知而不以爲恥。獨事有涉於床第。

者則窮搜樂道。不憚萬言。廉恥道喪。互相炫鬻。其擇術之齷齪。用心之鄙穢。不齒士類久矣。今士大夫家。汚人名節者。何可勝數。妃卽屈。亦何關治體。而必欲以汚一貞媛者。以誹謗先朝。試問妃旣受汚矣。何解乎。太后賜死之。全節旣志在行刺。何有笑聲。苟相安矣。何復求死。夫高宗旣不能忘情於妃。而能優容至數年。而弗強。太后之能成妃仁。而絕帝禍。妃則富貴不能奪。恩禮弗能移。生乎蠻夷之邦。而明乎禮義之辨。以清白之軀。從容就義。皆盛德事也。江東楊圻居京師四十年。見聞於士大夫者久。誠恐後世傳聞失實。筆札之暇。作香妃外傳。讚其畫像。復歌

以天山之曲嘗於清秋遊西苑故宮無恙烟水自淒
今誦此詩益復黯然也歲在癸亥十月識於洛陽幕
府。

玉門風雪拂雲鬢。一曲刀環破虜還。上將功勳開朔漠。美人
幽怨念家山。盛朝甲子貞元頌。八表澄清車書統。聖明天子
太平年。瀚海烏梁修朝貢。獨有天方向化遲。東來聲教渡車
師。白環詣闕留王母。文馬來庭款月支。胡兒背德據西域。復
拔漢旌寇邊邑。當時妃子不知愁。一笑傾城再傾國。天馬高
歌翠輦陪。閩風本自接瑤臺。却從青海呼鷹去。還向河源射
虎來。于闐玉煖春煙膩。安息天香容光異。可汗衣佩惹芳菲。
靈芸竟體吹蘭氣。可汗雄武復溫存。舉國春風笑語聞。雪裏

開關連騎出。玉人相並看。崑崙溫柔終老。宜行樂。掃穴犁庭。
孽自作。不聞鼓角。動伊涼。豈有功名。驚衛霍。武皇西顧。眷諸
羌。數紀承平。斥埃荒。驟報姑師。遮漢使。更傳胡馬。渡前王。河
西隴。右匈奴。臂屠耆。負固兩兄弟。反側難安。葉護心。羈縻未
就。班超議。橐駝東下。滿胡沙。三十六城。皆虜騎。燉煌烽火。達
甘泉。渠黎早備。窺邊計。明年驃騎取。烏孫西出河。湟略邊地。
王師八月下。連營烏壘屯。田舊制兵。天子詔。增都尉戍。將軍
請築受降城。黑水營邊。鼓聲寂。貳師失道。陷深敵。雪沒人煙。
古戰場。風搖刁斗。大戈壁。絕域三更拜。井泉孤軍。百日懸沙
磧。夜靜。天秋塞雁。高圍城。月白吹羌笛。爲覓封侯。不肯歸。五
千貂錦。齊鳴。嗚。積雪千山。與萬山。驅兵再度玉門關。交河總

管。籌。邊。策。不。斬。樓。蘭。誓。不。還。朔。方。健。兒。渡。磧。裹。鐵。甲。無。聲。風。
沙。起。黃。昏。萬。馬。飲。金。河。亭。障。悠。悠。九。千。里。蛾。眉。顰。蹙。侍。氈。裘。
夜。報。天。戈。下。火。州。國。破。休。教。妻。子。累。大。王。西。去。莫。淹。留。闕。氏。
兩。泣。單。于。舞。躑。躅。提。刀。不。忍。去。帳。中。紅。粉。抵。死。催。馬。上。梟。雄。
頻。回。顧。旌。旗。西。指。拂。天。狼。垓。下。歌。聲。困。項。王。明。日。轅。門。傳。獻。
馘。將。軍。拜。表。破。高。昌。班。師。郊。勞。迎。笳。鼓。詔。建。安。西。都。護。府。酒。
泉。從。此。靖。胡。塵。不。是。窮。兵。非。好。武。開。疆。拓。土。賀。元。戎。三。箭。天。
山。早。挂。弓。豈。似。輪。臺。哀。痛。詔。天。王。罪。己。將。無。功。當。年。助。順。闢。
蒿。萊。別。有。降。王。壁。壘。開。一。騎。香。塵。烽。火。熄。明。駝。輕。載。美。人。來。
沙。場。風。壓。貂。裘。重。陣。雲。滿。地。衣。香。凍。祈。連。山。月。遠。相。隨。慟。哭。
爺。孃。走。相。送。琵琶。悽。絕。一。聲。聲。大。雪。紛。紛。上。馬。行。一。拍。哀。笳。

雙淚落可憐。胡語不分明。王頭飲器獻天子。妾心古井從今始。何難一死報君恩。欲報君恩不能死。忽到陽關古戍樓。明眸皓齒一回頭。失聲長慟無家別。關下行人盡淚流。牛羊萬里望鄉井。龍沙日遠長安近。呼天不語山茫茫。天已盡頭山未盡。零亂驚魂起暮笳。關山落日暗平沙。憑欄掩面登車去。從此明妃不見家。香輪緩緩朝天去。千乘萬騎昏塵霧。肅州東下又甘州。從頭重數幽州路。入關拂面起東風。百草千花淚眼中。想像翠華三萬里。至今父老憶驚鴻。邊城過盡中原好。風物傷心黯烟草。隴上春寒梳洗遲。驪山月落更衣早。桃花楊柳短長亭。乳燕流鶯京洛道。紫陌鷄鳴見漢宮。薊門煙樹雲中曉。薊門煙樹是皇州。閶闔天開擁冕旒。北極河山隨

彩仗長楊車騎滿瀛洲。玉階扶定珠簾捲。天顏有喜。催歸苑
愁容瘦損。况歡容。昭陽第一春光滿。千門萬戶。建章宮翠輦。
風飄聞鳳瑄。三海恩波無限深。上林花鳥。從今暖瀛臺小宴。
月籠沙。詔遣羊車擁麗華。夜叩金鋪樓殿。寂獨眠人。睡閉梨
花。青娥阿監爭嗟惻。如此繁華。無歡色。君王含笑待人愁。露
似珍珠花似泣。野亭頻侵帝座分。史官夜奏星占急。沉香甲
煎到天明。唾壺紅淚終宵濕。洛女空令賦感甄。楚王有意憐
繩息。官家爲罷未央遊。轉惜傾城怒蔡侯。花自無言春自暖。
親裁手詔勸忘憂。清真賜洗華清浴。御溝水膩凝脂馥。擁入
東風海上樓。宮鶯啼遍三山綠。樓高不見故鄉天。馬邑龍城
路。萬千上國風華濃。似錦故宮歸夢杳。如年朝朝暮暮愁。城

閉。自撥箜篌訴哀厲。風和日麗斷腸天。月明花暗消魂地。空
房深坐屏侍從。慢撚輕彈淒調縱。忽變流沙塞上聲。游魚棲
鳥俱悽慟。部曲夷歌久不聞。家山入破哀誰共。此時一怒碎
箜篌。剪斷鯤絃不復弄。可堪愁苦憶歡娛。往事悠悠來入夢。
夜夢天山獵。雪回龍堆火。照夜光杯。大王欲看波斯舞。笑酌
蒲萄擁膝催。三年日月但悽噉。太后哀憐召相見。中使催朝
長信宮。六飛已上祈年殿。溫語偏承任奴歡。淡妝不避尹邢
面。我見猶憐况至尊。雪膚花貌心冰霰。羅敷結髮有狂夫。國
破家亡白骨枯。臣罪當誅妾薄命。覆巢完卵古來無。肝腸慊
慨詞決絕。再拜從容完大節。含淚陳情含笑辭。六宮相顧俱
悽咽。金闕西廂深閉門。慈雲禍水兩無痕。全生不感君王意。

就死猶銜聖母恩。詔賜輶輳從蕃俗。返骨故鄉應瞑目。玉匣珠襦黃竹歌。哀琴細鼓蒼梧曲。舊臣遺老半生存。白馬素車爭迎哭。河山無改故宮平。夜夜啼鵑覓金粟。剪紙招魂度玉關。步虛環珮五更寒。斷無幽恨留青塚。月黑風高行路難。漢城西北回城畔。後人省識湘靈怨。終古冰山鎖墓門。眉痕猶似青峯亂。吳宮花草葬西施。故主相逢地下知。雨濕冬青攜麥飯。年年伏臘拜荒祠。返生無計採靈藥。官家惋惜復嗟愕。當時誅筆命詞臣。不賦哀蟬歌。黃鵠南內霜寒掩洞房。宮人垂淚掃空牀。五更長樂疎鐘盡。鸚鵡猶疑理曉妝。九重不豫多休暇。春色幽幽閒臺榭。羊車重過殿西頭。細雨無人落花下。碧雲無際想衣裳。繡幄經年聞蘭麝。塞上烟消寒食天。宮

中。火。冷。清。明。夜。邊。臣。衰。鄂。盡。酬。庸。紫。閣。圖。形。詔。畫。工。一。例。承。
恩。留。玉。貌。寶。刀。銀。甲。氣。如。虹。英。姿。颯。爽。驚。絕。代。物。換。星。移。今。
猶。在。明。璫。翠。羽。照。人。間。細。骨。輕。軀。來。絕。塞。故。教。奇。節。付。丹。青。
未。必。英。雄。非。粉。黛。聖。德。珠。還。古。未。聞。佳。人。玉。碎。今。難。再。乾。隆。
往。事。似。開。元。西。苑。重。遊。問。內。官。水。殿。雲。房。都。不。是。玉。人。何。處。
倚。欄。杆。五。步。一。樓。十。步。閣。太。液。秋。哀。涼。風。作。兩。鬢。烟。鬟。不。可。
尋。白。蘋。無。際。紅。蓮。落。猶。見。金。莖。承。露。盤。漢。時。宮。闕。晉。衣。冠。馬。
龍。車。水。千。門。晚。凝。碧。池。頭。一。例。看。省。中。吏。散。蓬。壺。靚。金。屋。啼。
痕。覓。香。徑。夕。殿。微。涼。鎖。洞。天。沉。沉。雲。海。煙。花。暝。此。時。月。浸。翠。
雲。裘。省。識。先。皇。照。夜。遊。寶。月。樓。南。圓。鏡。北。扁。舟。指。點。水。天。
秋。天。章。驚。拜。星。雲。麗。此。地。垂。裳。想。遭。際。聖。代。千。秋。文。藻。情。孤。

臣此日攀髯意。仙侶移舟舊跡空。繁華事散大明宮。少陵野
老。王摩詰。一代詩人。涕淚中。興亡到眼清。哀動石鯨。無恙銅
仙。重聖武。他年紀。裕陵冰心。萬古埋香塚。首著離宮信。有之
羌笳哀。亂怨龜茲。至今弱水悠悠。恨長向西流。無盡時。

以文作詩。以詩作史。氣體如長江大河。音節如鶉啼
猿嘯。明麗則秋水爲神。情韻則行雲無迹。一氣貫注。
達二千餘言。有詩以來。千餘年無此鉅製矣。諷誦一
過。如見古錦百端。明珠十斛。令人動色。以龍門之史
筆。太白之仙才。少陵之學力。溫李之藻豔。合爲一冶。
自成大家。復取摩詰畫中之神。以寫湘靈絃外之怨。
當使白傅梅村。一齊拜倒。絕代江山。夫豈過譽。

南海
君

詞上下千古橫絕四海題其江山夫長恨有歌太真不
朽劍器無詠公孫誰知從古英雄豪傑名士美人其
事業文采雖照耀一時必待乎有可歌可泣之歌詠
流傳而始遠有由然矣如事湮沒已久近復傳聞異
詞先生亟爲播之歌詩闡揚貞烈使幽壤生光抗節
勵俗豈如陳鴻香山但傳豔事無補大雅已哉從此
豔魄詩才並傳千古如而有知能不於九原下拜才
人之賜哉外傳考證詳覈而先朝武功之盛帝德之
隆令人神往其爲純廟錄實爲香妃辯誣斤斤於風
化名節之重則於世道人心尤見先生之孤詣矣文
章報國此之謂歟子明吳燾跋

附霞客題句

玉門萬里接流沙。東望幽州道路賒。關內桃花關外雪。不須回首兩無家。
郎君才調壓時流。日日新詩解我愁。修到江州司馬婦。何須萬戶喜封侯。

送南海先生

癸亥暮春之初。吳將軍五十壽。四方諸侯賓客會於洛陽者七百人。南海康先生先三日至。延上座。清辭雄辨冠冕羣倫。昕夕歡會者七日。極清醺之盛。當美景而值良辰。以名流而集勝地。於是轅門草綠。芝蓋成陰。芳樹着花。高談驚座。耆英九老而後。斯會獨千

秋矣。風日清明。將軍則偕先生遍歷龍門白馬北邙香山諸勝。同車出遊。望若神仙。十日先生將遊大梁。以將軍堅留乃止。於他處見余北遊諸詩。哀余之志。譽爲詩史。時賓客數百皆欲一見顏色。先生亦旣厭之。獨引余作清談。綿綿然若針芥之相投。書風流儒雅四字見贈。意殊愛我。余則以戊戌政變。先公與先生政見不合。彈劾先生至出亡。未敢作深談。且直告之。先生則笑曰。此往事耳。政見各行其是。何足介意。况君忠義士。何忍失之。願與君訂交。由是大加禮異。爲論天下大勢。至夜分握手惓惓。顧梁飲侯徐善伯曰。雲史國士也。其詩海內一人。我至愛之。至敬之。

是有緣焉。明日金谷送別。執手曰。洛遊得君。此行不虛。幸善。左右將軍致勳業。遂發。余感先生愛我之真摯。至不以怨家爲嫌。其氣度迥非常人所及。慨念今昔。紛憂斯集。乃賦詩以報其意。先生蓋傷心人也。

猶向人間識孔融。西遊河洛莽春風。雜花生樹迷金谷。殘照當樓指漢宮。自古浮雲連北極。至今驛路接關中。竭來百感都非是。不爲傷春怨道窮。

宇宙相逢盡一盃。風塵滿地此低徊。希夷踪跡人間少。鄧禹功名馬上來。一自流連成萬古。獨憐天地有奇才。驅車金谷走相送。別有傷心別有哀。

中郎倒屣恨何晚。王粲登樓鬢已蒼。痛哭狂歌今世界。黃河。

白日舊春光。十年瀟灑在江海。幾輩相逢向洛陽。庾信平生公識得。漫云詩史已傷神。

萬方多難傷春色。天末登樓賦遠遊。世事付諸一長歎。人生自我有千秋。河山莽莽中原晚。魏晉悠悠萬古愁。伊洛瀾灑終入海。却從禹跡想橫流。

洛陽宮闕有荒臺。春色蒼然萬里來。手把玉杯停不飲。背邙面洛一徘徊。

北邙草綠夕陽紅。漢寢唐陵指顧中。別有銷魂說不得。相看無語兩沉雄。

似聞東北一支離。更是西南戰伐時。滿眼風塵三萬里。更從何處着殘棋。

英雄名士盛清遊。今日風流動九州。一自香山人散後。中原寂寞已千秋。

贈梁飲侯用弧徐善伯良遊洛

花裏逢君百尺樓。百年此會獨風流。晚來煮酒洛陽社。春雨茫茫話九州。

同侍先皇二十春。掉頭江海出風塵。南州羣彥如相問。莫道中原無故人。余昔與飲侯同官戶部

吾道今何世。胡爲河洛間。夕陽滿天地。且看洛陽山。金谷雕輪動。春風柳接天。千門飛絮裏。猶憶故宮前。

春日遊伊闕香山詩

伊水欲入河。北趨行地上。茲山互百里。遮闕不肯讓。水怒欲

跨山澎湃溢而脹。鼉鼉與蛟龍。與人爭草莽。神禹荷鍤來。隻
手鏟其障。鞭撻叱石起。縱水任所放。鼉鼉與蛟龍。一夕徒溟
漲。舟楫人爭濟。桑柘綠無恙。始怒不可遏。得解氣則暢。始知
橫逆來。不在嚴隄防。我來值暮春。眼色落清曠。東風捲衣帶。
細雨鳴溪嶂。兩山本一山。石勢作驚浪。鑿壁朽其腹。風谷鳴
甕盎。想像得毫髮。刻劃出幽壯。魏晉唐宋人。於此作供養。萬
佛坐崖巔。招我笑相向。石也本非佛。肉眼重斤匠。一石一佛
可。何必肖態狀。相對一冥合。肉身與寶相。

贈張方巖參謀長佐民

風塵相賞豁霜眸。欲繡平原畫。鄴侯話到功名。天地窄。與君
沉醉看吳鉤。

自是英雄本色真。運籌帷幄壓羣倫。他年領袖凌煙閣。應憶江淮有故人。

遊伊川

春風吹綠黃河岸。白日清遊向晚回。伊洛人家春水漲。晉唐陵墓夕陽哀。孤僧閉戶松杉冷。樵子出山風雨來。策馬津橋千古恨。白雲猶繞漢雲臺。

四月初五日同張參議遊洛水登香山寺兼送別之

河北

鷄鳴山寺午。二客入田家。雨屋一鶯脆。風隄萬柳斜。躬耕慚牧豎。從政喜桑麻。今日登臨興。因君感歲華。
去年今日
戰事方酣

北望平原裏。旌旗動遠春。漁陽花絮暗。鞍馬向風塵。天地崎

嶇路。干戈。落寞身。登山懷萬古。來者亦何人。

首夏遊天津橋聞子規聲歸思不可耐請假一月

河上生春草。津橋飛柳絲。洛陽聞杜宇。催我還山期。忽憶楊梅熟。晶盤薦及時。今朝詩有喜。先報瘦妻知。

徐州逆旅

看到亂山趨。砮礮坐來落日暗。江湖路傍來去無人識。自向春風盡一壺。

東葉煥彬長沙

雲夢生春草。中原去獨遲。彈冠無舊識。傾蓋有新知。大老九州少。高文百世師。青天明月夜。江海憶君時。

未見思君子。瀟湘萬里春。卻因慕風節。重復憶君親。戊戌變君反政

對新政獲天下。幾名士。吾宗多直臣。原知同氣類。交道已通神。
宋吾宗本湖州葉氏與君同出石林公裔今已通譜矣

由津浦路南歸青徐道中作

時臨城土匪劫官吏外人數百人

午雨溪流活。春山藥氣醲。川原明似錦。盜賊密於蜂。縣僻無人跡。村荒有虎踪。如何談治理。不以計兵農。辛苦從天末。艱難過賊中。河山流恨滿。鼓角入詩雄。憶昔昇平世。安知覆載功。歸途休計日。道路未全通。

夫婦蕩舟至劍門寶岩下

綠滿平疇紅滿隄。輕舟淺水尚湖西。林花和雨一齊落。山鳥呼人到處啼。五盃佳肴非應客。一囊詩句但謀妻。筠籠採得楊梅熟。滿袖溪雲兩屐泥。

還家清夏卽事二首

草堂清夏。美花竹。夕紛紜。月下聞疏雨。江心生片雲。
黃昏山雨歇。水月漲西池。荷芰曲房密。捲簾清露時。

家居

鷄犬故鄉好。幽居別二年。功名非自誤。忠厚但妻憐。春雨花
滿屋。湖天酒上船。何須商出處。且數杖頭錢。

夏夕泊舟湖田

遠水似雲羅。微雲似水波。夜蟬近燈火。清雨響松蘿。萬事官
尤俗。今年詩更多。東南財賦地。五月吏催科。民國以來各省
歲出不足則徵
及次年有徵至十三年十四年者謂之預徵亦曰借漕夏清
堪命蘇督今亦借漕一年未知明年又何以度支耳首夏清
和已催科
如星火矣

仲春送人之湘粵

綠遍河陰柳。春光驚客心。十年紛寇盜。百戰罷登臨。江海從
軍遠。煙花送別深。爲人多涕淚。與爾一沉吟。

首夏飲吳將軍宅小園

半畝園林屋似舟。一匡於此合諸侯。中原四月見青杏。細雨
清樽侍豫州。

初秋之夕花竹夜涼與霞客話別

歲歲流光換。年年心事違。因君雲鬢改。驚我玉顏非。池閣水
容夕。星雲秋色微。竹窗燃畫燭。相對檢征衣。

霞客送別至滬暮雨舟過東湖荷花方盛

畫舸江湖上。涼宵話別離。芰荷無盡處。風雨欲來時。水淡秋

燈綠。衣涼江露滋。別來逢勝景。去後益清思。

南海招飲遊存廬同坐者季高一山積餘惟病山夫
子古微丈以事未至卽席

江海栖栖一把杯。風塵落落獨憐才。逢人譽我稱詩史。語自
心傷故國來。

儒雅曾聞動九州。風流許我共清遊。樽前未免魂消盡。天寶
公卿半白頭。先生書風流儒雅四字見贈

七月望夕泊大通江月殊佳霞客先以今夕同時看
月爲約因之不眠岸月自淒草虫吟露幽輝侵曉江
雨微涼矣

相約今宵都不睡。惟教兩地證相思。三更三點望明月。倚舵

開樓共此時。

月中過采石

斗柄橫江秋露微。山明烏鵲向西飛。漁翁夜起歌相答。太白祠前月滿磯。

江心燈火小山樓。一代風情萬古留。未必清才輸將相。詩人俎豆共千秋。

月夜過小姑娘山

玉壘蕭蕭雲木荒。小姑娘山水如霜。天青石出魚龍靜。江面山樓秋夜長。

絕壁凌霄一葉舟。荒祠寂寞對寒流。樓船橫海今何在。月曉風清蘆荻秋。

漢家楊僕事堪嗟。尚有漁翁閱歲華。話到楚人好身手。江風

吹語入蘆花。彭雪岑以水師攻賊湖口賊扼石鐘以巨礮樓我船公泣曰不渡此險終無生理鼓權以赴陸

軍繼之奪小姑山復彭澤遂克九江

楚江曉雨

楚江煙雨曉千里一帆直。細雨入天門。山青江鳥白。

曉雨過武穴

江山幽勝處。一水羣峯合。鳴棹入江流。孤舟荷篋立。

次安慶寄內

遠送了無益。甯辭萬里行。為貧尤惜別。將老未休兵。風水夕俱永。江山秋欲明。相憐在身世。不獨為離情。

立秋夕與霞客檢舊篋得南溟圖照因憶舊遊

披圖今夕暗驚秋。十六年前萬里遊。綠鬢朱顏風月夜。疎簾清簾海山樓。

嗇師重繕蘇來酒觴既成于七夕宴客泛濠上酣飲
張樂極清讌之盛時孝若公子奉使歐西行有日矣
父子賓客賦詩唱和郵寄見示并囑和章

爭拜眉山父子才。濠南清宴畫筵開。津橋夜半聞絲竹。爲有天風渡海來。

節旄前度指天津。博望歸來不計春。今日天孫含笑看。乘槎又見姓張人。

洞庭張樂移仙舫。南國爭傳盛事新。昨夜江淮虹貫月。中原愁殺未歸人。

銀浦流雲風浪清。斗牛西畔客星明。願君再到支機處。乞借天河洗甲兵。

關陵

洛陽縣志作關林然此實馬援墓關墓在義井鋪東南蓋漢魏洛陽城在今城東三十餘里也

不有三分勢。何勞百戰功。尋碑垂涕淚。挂劍拜英雄。樵牧春流外。風沙落日中。至今煙雨裏。花草沒吳宮。

哭張少軒忠武公

百世忠貞事。徒勞想像中。甯知逢喪亂。得以見英雄。大業多遺恨。斯人竟敗功。可憐移祚後。委曲法梁公。

仗劍趨行在。三年扈羽林。對揚驚數異。節鉞拜恩深。邈矣知人哲。蒼然報主心。解衣推食事。殊禮到而今。

江漢王師下。倉皇忽議和。六軍皆不發。九鼎竟如何。告廟一

家。哭。登。壇。四。面。歌。金。牌。星。火。急。雪。涕。誓。揮。戈。
獨。有。孤。城。在。金。陵。血。戰。中。八。方。催。草。詔。一。旅。尚。彎。弓。
鬚。髮。秋。霜。白。關。山。夜。火。紅。爭。傳。萬。人。敵。畫。像。滿。江。東。
形。勢。青。徐。扼。當。關。鎖。北。門。旗。旗。分。半。壁。桑。柘。滿。中。原。
不。以。操。兵。柄。何。由。奉。至。尊。漫。酬。知。己。感。爲。報。故。君。恩。
十。日。危。城。裏。君。臣。血。滿。衣。陣。雲。趨。北。極。落。日。墜。重。圍。
天。意。薄。忠。孝。人。心。輕。是。非。淮。徐。諸。將。士。劍。及。失。戎。機。
主。在。敢。先。死。馳。驅。及。此。時。李。陵。思。得。當。酈。况。早。前。知。
正。氣。古。多。敗。天。心。今。可。疑。孤。情。淹。日。月。洗。淚。復。何。辭。
飛。矢。入。青。瑣。宮。門。作。戰。場。外。人。皆。涕。淚。是。役。爲。綱。常。
大。醉。西。州。路。重。過。綠。野。堂。無。情。舊。槐。柳。憔悴。不。成。行。

地下天顏近。公留面目真。始知誠意事。何必讀書人。海內聞私祭。宮中哭老臣。魂來關塞黑。猶繞舊城闐。少與公爲友。交情念二春。肝腸盡一哭。忠義復何人。夢寐開天事。欷歔魏晉身。遙知龍袖濕。中夜起霑巾。

題霞客昔年宮裝鞞紅午臥圖

百草芳菲花氣肥。一身常護綵雲飛。鮫綃雲錦無顏色。滿袖春風一品衣。雲鬢星眸入畫身。少年夫婦太平春。兒孫不識朱顏老。笑指含章殿裏人。

遊李氏林亭

主人不衫履。邀我坐繩床。草雨上衣。綠松風吹鬢。涼用情多。

瀟洒。有語入蒼茫。此地忘炎夏。心清洗耳忙。

洛陽秋晚送南海先生西游關中

嶠函如畫裏。鞍馬向秦州。紅葉天風至。寒山水急流。似聞逢尹喜。他日記青牛。一宿仙人掌。清詩滿驛樓。

及關懷萬古。東望洛陽宮。河色暮來迥。邊聲秋更雄。二陵搖落外。六國有無中。一著戎衣日。荒哉戰伐功。潼關天下險。駐馬一沉吟。此地中原盡。况當秋色深。車箱落楓葉。驛路蒼山林。想像西巡狩。旌旗過華陰。

送何宇奇西游

一宿驪山感古今。長安道上費沉吟。遙知茅店關山月。夜半敲鞭過華陰。

紅葉聲中過華州。西征嶽翠上貂裘。今宵酒醒題詩處。月滿
千山一倚樓。

夾馬營秋望

宋太祖生于此生時赤光
香氣滿室人稱香孩兒

天命定征伐。中原付子孫。遊人尋故里。雲氣抱孤村。遠水流
清洛。秋原火陸渾。帝王甯有種。駐馬一消魂。

送鄧剛仲入關

鷄鳴度函谷。天險莽蒼中。人馬秋風裏。及關霜葉紅。亂山秦
古時。寒水漢離宮。王氣今消歇。誰知約法功。
西遊入潼洛。寒照滿關樓。秦漢今何在。無情渭水流。可憐形
勝地。自古帝王州。黃屋宸遊事。驪山草木秋。

潯陽夢李白附記

癸亥七月余乘江華船赴漢回洛陽。十七日停舟九江。登岸閒步。時匡廬出雲。曉雨微涼。歸臥舟中。望江色。得句云。坐看江生雨。閒隨雲出城。未就而寐。見一丈夫探首窗中。朗吟曰。坐看江生雨。閒隨雲出城。佳哉。然未若俯瞰海生日。仰從雲上天。爲尤佳。余方欲致辭。其人曰。君知此誰詩也。余謙遜曰。拙句耳。曰。非也。我詩而君竊之。余念既知余詩。必素諗。乃問姓氏。昂然曰。我李白。余驚喜。熟視之。微鬚衣絳衣。袒襟露半胸。恍惚念何得見古人。得非夢乎。其人似已知。笑曰。我知君詩。君與我語。何古今爲。餘數語不解。忽曰。船開矣。拱手而別。其聲甚大。余驚醒。語猶在耳。則舟

子催送客也。方其去時。余欲送之急。切不得出。亦於窗間拱手。見其背負一簑。簑觸余手。雨水着肌。寤後猶涼。此事至異也。默念此余前年登匡山詩。李語不知何解。意必亦有此句而不傳。余句偶與合。今詩句法又偶同。遂聞聲感召。欲一爲流傳耶。然何以能記余之舊作。又何以能知余腹稿於俄頃之間。豈才人英爽。猶在平生所愛山水間乎。是誠不可思議者矣。因嘆古人名篇佳什。湮沒不知凡幾。好名之心。仙鬼不免。白也如此。何況其餘。平生奇夢。此一而已。嗟乎。太白亦知人間有楊某耶。驚異嗟訝。不能已已。將作潯陽夢白圖。請詩人題詠。冀以流傳海內。無負仙靈。

相賞之雅。七月二十日。江東楊圻識於洛陽軍次。

癸亥秋七月。旣望夕五更。客到九江船。波心聞鐘鳴。夜氣月已落。曉光星猶橫。匡廬先見日。數峯中宵明。白露秋草寒。方舟繫亭亭。獨行楊柳岸。歸步風泠泠。坐看江生雨。閒隨雲出城。人來煙水間。綠縐不可平。水窗朝簟涼。隱几待揚舲。白也鬚眉古。有若歡生平。不着宮錦袍。飄然篔簹輕。開口誦我詩。彈指扣疏櫺。岸然道姓字。語落天風清。俄頃共千載。一詩古今情。古人何猶在。覲止良足驚。潯陽山水間。此老留神形。其形非人世。星宮應長庚。遊魂感其類。邂逅通精誠。甯知李太白。乃識楊圻名。吾從子美後。而聞警效聲。慨嘆不能已。悵望心怦怦。但見山寂寞。江杳冥。白鷗上下天。青青山高水長無。

窮極不知何處尋仙靈。

哀溥尚書良父子殉節事節張鴻撰記

辛酉春正月朔清禮部尚書愛新覺羅公溥良自
 殺於北京其子毓盛殉之先是辛亥冬清社既屋
 公於壬子元旦正衣冠北向拜操利錐自割其腹
 洞中血殷袍袴昏絕仆地家人救之適刺偏左得
 藥而甦乃強公遷易州傍文宗之陵以居居數年
 日痛飲與人談不及世事偶觸則淚涔涔下曰我
 惟缺一死耳庚申冬月公忽命回北京適歲盡於
 除夕祭先人禮畢合家聚飲公忽出酒徧酌盡於
 懷慨引數巨觥次于毓盛繼之家中人飲泣不忍
 視蓋已知其為鴻酒也次日辰毒發公與毓
 盛皆
 暴卒

壬子元旦門不開洞腹不殊聞者哀辛酉元旦門如市父子
 從容相抱死父忠臣子孝子東晉惟聞嵇侍中南朝但有李
 若水憶昔親貴據朝堂炙手可熱勢莫當坐引豺狼揖盜賊

囊珠抱玉乃走藏。但留六尺守祭器。哭廟何人北地王。臣死
何補死。奈何美人如花黃金多。高臺未傾愛妾在。別有人間
安樂窩。京闕烟花宮殿閉。海山樓閣笙歌細。莫向江頭哀王
孫。侯門如海桃源裏。庚申除夕烏夜呼。公拜家廟而後酺。晝
鳩自引滿。三爵笑起遍斟妻。與孥公子受爵跪。曰諾爺死兒
敢憐。髮膚家人繞哭。父子笑高帝子孫常人殊。東方既白日
不出朝衣朝冠。血糝糊嗚呼。黨家金帳羊羔酒。彼何其智公
何愚。

久欲遊嵩山以登封多盜賊不果

巍巍嵩嶽近。秋翠壓天空。登陟心尤切。艱難路未通。中原方
逐鹿。此輩亦哀鴻。率土王臣日。何勞剪伐功。

題潛之孤山草廬圖

孤山水清淺。八口寄雲岑。行到梅花裏。柴門風雪深。其人能絕俗。我句亦無心。省識隱者宅。何須問姓林。

壽孫師鄭平生不喜酬和尤不作壽詩以師鄭堅索偶破例為之

吾邑三百年。五擢南枝首。康乾全盛朝。王蕭並耆耆。景廟闢四門。陸孫同結綬。弱冠誦君文。追踪心不苟。我年二十七。學步亦豈偶。三人稱同時。陸君委畎畝。海田再見綠。與君交獨久。北闈鄉試例以第二名為南七省之首俗稱南元常熟三十九年甲午科蕭若欽光緒十四年戊子科陸震福師鄭為十九年癸巳恩科第二人余為壬寅補行庚子辛丑恩正併科第二人自戊子迄壬寅十五年中一邑明堂生蓬蒿天下同時有三人南元鄉里稱盛陸君今作古矣明堂生蓬蒿。天下。一袖手。我欲拔長劍。有鬼掣我肘。君獨本經術。撥亂閉戶牖。

讀經救大狂。其聲作獅吼。人生貴及物。已足活羣有。

時議廢孔君著

讀經救國論以正之

我以君爲師。君亦視我友。古哀繡其魂。清論海在

口。常造詩史閣。朗詠雜以酒。詩狂所不嚇。酒美強亦受。惟君

近婦人。則我笑而走。近年我從軍。宛洛紛塵垢。自慚三吳兒。

况居二陸後。愛聞吹角聲。入詩清可扣。童心猶未盡。人或呼

我叟。如龍如鳳姿。風華漸老醜。常恐素心人。欲以責不朽。平

生浩蕩心。此時尚否否。感君惠佳篇。高情動韋柳。長歌向莽

蒼。哀音接刁斗。煙塵塞八表。琴樽猶有耦。書生福不淺。得天

吾儕厚。嗇翁七十。一野王。四十。九約翁。五十八。鼎足龍虎狗。

江淮老桂多。同時三枝壽。

南通張耆老亦乙酉科第二近代蘇省南元惟君及圻并耆老而三

贈香山徐君勉

一自浮南極。真成去國思。干戈隨我老。江海識君遲。氣盛能降酒。心平不悔棋。風塵昏六合。攬轡欲何之。當代論方略。如君幾羽毛。河山非昨日。舟楫或吾曹。南國甲兵滿。才人光氣高。功名天地窄。我欲贈吳刀。

簡霖蒼長沙

青草湖邊無限情。瀟湘春暖江花明。洛陽客子遠相憶。愁聽杜鵑千百聲。

洛南送別

水滿黃河楊柳青。津橋送客雨溟溟。杜鵑聲裏洛陽晚。日落千山長短亭。

灑上郊居

薺麥綠無盡。夕暉紅未了。客來雲木邊。林上喧衆鳥。入林叩
荆扉。幽犬吠如豹。門前洛陽山。秀色媚昏曉。高齋位圖書。雲
卿一室小。妻子作鷄黍。餘閒事灑掃。靜晝庭無人。箕踞言懷
抱。願與素心人。餐霞以爲飽。

哀中原

河南由來多匪。近年裁兵變卒。嘯聚裹脅。動以千萬
計。進攻城池。敗入山谷。大縣名城。失守相繼。聲勢浩
大。已成流寇之勢。張國威。范明新。其尤著也。吳大將
軍。赫然震怒。癸亥秋。任馬志敏。田維勤。斬雲鶚。丁香
玲。爲四司令。分區兜勦。范張相繼授首。餘匪悉平。半
年而告肅清。民得安枕。先是。賊勢蔓延數千里。東接

魯皖南侵襄樊。西擾潼雒。惟河北僅免。其攻陷城邑。則擄富紳。令自贖。民約供給錢帛。則亦得少安。賊掠而徙他縣。官乃來殺賊。弗得。乃殺通賊者。於是仇怨告訐。綆繼載道。民恨不得從賊去矣。嗟乎。今而後其免矣。夫作哀中原。

賊來復官來。日夕命如絲。嗟乎大河南。手足將安施。近年盜如毛。數數攻城池。飄忽若風雨。流亡滿澤陂。大郡如臨敵。小縣聞聲馳。飽掠復他去。空城棄如遺。狐狸出。以晝。貔貅守。其雌。婦女走山谷。老弱化爲醜。千里絕炊烟。午夜無啼兒。大索良家子。猶笑令納貲。贖命妻子切。救子父母慈。置身刀俎上。悉索焉。避辭豈不惜。傾家求免虎口。呵平時聚斂才。驅雀惟。

恐遲此時官何往哀呼甯或知資賊在苟免猶得留銖銜忽
聞官已至民喜忘其饑官曰爾通賊結舌莫置詞喘息猶未
定俯就獄吏笞亂後四壁立賂贖將何資賊來官先去賊去
官殺之獻俘上大吏加爵功有差賊去已經年城中何伏尸
所望父母心後來乃若茲死官不死賊良民理如斯哀哀河
南民爾曷生今時爾生不如死死矣則莫悲

大風乘黃塵日色如青玉朝聞賊將至忽若無手足聞官雜
民間棄城竄山麓東隣富家兒輕車載錢粟貧民安得此仰
天但躑躅父病母復耄妻產兒方育何以竊負逃何以霜露
宿母甯死共守不忍生先脫出門復入門百計惟手束日昊
寇大至鷄犬驚升屋萬衆塞一塗跬步弗相屬呼號刀火間

狼顧尋骨肉。婦女啼以羣。推挽入山谷。就中遇故妻。掩面弗敢哭。稍望烟塵遠。歸來徒踏跼。飛鳥避空城。官舍宵無燭。百里化爲墟。誰能給饘粥。慘無妻孥累。僅有口腹欲。縱令存門戶。曷以處。惇獨不如從。賊去或免溝壑速。平生禮義心。不敵凍餒酷。懷刑有本性。無業或一奪。亦知同歸盡。哀哉不可贖。執賊得其情。無言但顰蹙。自云苟活多。涕泣就桎梏。

陪南海先生遊嵩嶽登絕頂共賦十二月十五日

碧落無人跡。其年不可記。先生飄然來。高詠出天地。太室五嶽長。諸峯兒孫位。飛鳥翻在下。星辰避其緯。六合平無山。莽蒼恣睥睨。南臨箕與潁。淵穆高風厲。北瞰京索間。蒼然思劉季。大風吹廣武。浩浩但雲氣。虎牢極峻函。東西東形勢。落日

墜關塞。丹黃邈。寒霽地形如波浪。鱗蹙甚微細。遂有憑陵心。
因之以爲利。荒哉寸土中。浩劫幾淪替。天險初何心。毋乃亦
人事。逐鹿走中原。今昔勢則異。中原如指掌。默默一俯視。自
昔河洛間。往往異人至。英雄已如塵。日月猶未睡。人類居土
地。含生無二致。如魚在天池。彼此何相制。獨富兼衆養。自雄
奪。彼貴才智禍。羣愚固拒復。深閉私心除。異己美名竊。共衛
一土國。萬千豈曰造物意。悠悠成終古。擾擾自今世。莫窮性
命源。何取運會義。悲歡殊多事。生殺亦何爲。千秋一螻蛄。萬
里一螻蟻。天命何不言。靜觀任自斃。搔首問真宰。開闢或非
計。逆溯盤古前。兩儀幾興廢。是知造物權。莫自窮其際。大造
本不造。其命受有自。虛羈生太昭。思之不可議。大悲從中來。

億萬審一二。氣化莫或逃。矧茲形色類。孤情弔宇宙。捫石但
獻歎。天風微有聲。肅肅吹清淚。

逍遙谷石室玩月呈南海先生

終日緣青冥。攀躋到中嶺。月出絕壁間。萬象森俄頃。黃昏谷
風盛。石上亂枝影。危梁尺有咫。蛇行不可竝。其右萬仞淵。其
左石壓頸。失足探微茫。破膽縋纖縷。勇退良獨難。苟免亦云
幸。先生顧我笑。腰健氣則猛。懸崖呀洞窟。上下絕援引。移時
恐懼已。反愛巖壑靚。暫解粉身憂。狂呼出酒茗。危坐仰山月。
夜久轉孤警。俯瞰身在天上視。身在井中宵。懸冰壺風息光。
更炯人影萬。石間松雪崩。衣領語罷萬籟寂。意與太古靜。俱
言碧落寒。朗詠空山迥。寒輝入石室。共茲清夕永。百里明野

火。悠。然。望。箕。穎。斯。遊。險。爲。貴。事。過。亦。遷。境。

遊緱山王子晉昇仙臺偃師縣城西南四十里

曉登轆轤關。遠見緱氏嶺。天下皆雲海。彩翠媚孤頂。日出水
山寒。人來松雪靜。計程四十里。烟霧亭午靚。山田冬已綠。絕
頂乃萬頃。徘徊伊洛間。形勢列井井。子晉與王喬。問之豈要
領。云有笙鶴聲。往往聞。夜引拾級登仙臺。敵峯壓四境。高高
與少室。其氣入關盡。寒輝不可數。壘嶂相與永。

投宿嵩山白鶴觀

行行青冥裏。暮叩翠微窟。柴門松蘿深。石上黃昏月。

嶽雪初霽。夜登嵩陽樓。在登封縣署孟浩然所遊也。

吾思孟浩然。夜靜清興發。積雪堆青天。開樓醉寒月。

嵩陽樓

山縣關城早。天寒入暮愁。夕暉千仞雪。吾愛嵩陽樓。月出松石上。詩清情復幽。後人今不見。應共憶斯遊。

登萬歲峯午憩嵩陽書院

行行積雪裏。漸入浮雲端。前路青天近。冷泠詩骨寒。三呼猶響谷。萬歲已無壇。古柏雙株在。將軍是漢官。古柏三株漢封將軍今存兩株

三將軍則燬於火枯幹猶在

夜宿逍遙谷石窟唐潘師正鍊師隱處

亂石青天裏。懸崖枕藉時。仙人原有宅。醉語亦成詩。夜靜聽崩雪。山空聞折枝。平明出谷口。險盡尚驚疑。

首陽山謁夷齊廟在偃師縣北孟津有扣馬鎮

宿昔稱慚德。崇朝告武成。獨夫臣億萬。二子意忠貞。想像從龍氣。淒涼扣馬情。卽今樵牧語。都識聖賢名。

遊少室山少林寺

寺昔有田五百頃。僧五百人。今但二頃。近年爲匪擾。人亦罕至也。

山寒日不出。積雪滿松枝。杳杳少林寺。僧房烟火遲。人歸兵去後。淚墜客來時。徒倚娑羅樹。留詩約後期。

夜宿白鶴觀嵩嶽萬歲峯西逍遙谷上

雲海蒼茫裏。星河出沒時。雪光侵野火。風力響春旗。夜靜心何在。詩寒骨可知。置身霄漢上。搔首欲何辭。

謁杜子美墓偃師縣北五里首陽山下

邈矣開天事。悲哉契稷臣。艱難生亂世。忠厚作詩人。得意洗兵馬。輸公見及身。壯年誇獻賦。今古一傷神。

公詩學者衆。幾輩似公詩。天性皆文字。平生但亂離。於今多寇盜。嗟我亦嶇崎。獨立情何極。青山滿偃師。

送徐錦濤之官遂平

轅門飛雪下。裘馬欲何之。寇盜今方急。招安詎可疑。饑寒真大計。根本在平時。握手風塵裏。休嗟及物遲。

初春南歸汜水車中作

虎牢天下壯。望古一逡巡。風雪詩中畫。關山夢裏人。天寒常被酒。路遠獨傷春。便欲覘形勢。甯能辭苦辛。

清明北郭登山春望

寒食清明候。還家景物幽。春光兵馬裏。佳節一登樓。白日烟花氣。東風江海流。未知故鄉樂。不道異鄉愁。

題程伯臧潘姬哀詞

一曲秦淮流水香。揚州扇墜冠羣芳。風華獨數侯公子。亂後
才人壯悔堂。

量珠不羨石崇家。長伴詩人隱若耶。嫁與東風猶薄命。飄茵
仍是斷腸花。

天判無靈寫韻稀。招魂門巷認烏衣。潯陽日夜桃花浪。盡向
金陵燕子磯。

淮水清。清江水。水渾。春潮來去載桃根。紀男身。世非秋柳絕調。
休教弔白門。

揚子江春望 甲子二月由洛假歸

舉目金陵渡。東風水滿津。大江流故郡。春色帶歸人。暢以烽

煙。淨。依。然。風。日。新。消。魂。故。鄉。樂。轉。爲。怨。芳。辰。

江山萬里樓詩鈔卷十二目錄

甲子乙丑曰強年集共一百十五首

八驪歌呈玉帥

大軍次盧龍 九月十二

山海關軍中聞雁是夕月色滿海
軍月秋夕

遼西戰場望月

石門寨秋望

九月十五日大軍雲集榆關寒沙

萬幕秋色無際夜半出營望月

秦皇島軍中寄家書

秦皇島軍中卽事

津沽之敗余與大軍相失乃航海

追隨由津而芝罘而滬而漢而

洛陽時東南亦大戰初罷江行

見虞山里門咫尺不禁淒絕

榆關紀痛詩序

山海關兵敗後間關至滬岳父李

公伯行賜飲于皇宮酒店其宮

室器物瑰製奇狀皆仿法皇路

易故宮體製其工不以土木磚

瓦而純以礬石琉璃金碧爲之

一柱之費價逾千萬離縷眩目

窮極壯麗想見百年前巴黎全

盛時物力觀之不勝黍黍之感

是夕西人仕女跳舞清樂如水

衣香如雲余歸從戰地烽火餘

生對影聞聲愴然出涕

十一月初七余由漢至鄭州而吳

將軍亦由洛至蓋陝軍愍玉琨

已于昨日據洛陽矣是夜南下

信陽間關入鷄公山從者余輩

數人殘軍千餘而已旣而胡景

翼逐愍玉琨據開封進逼信陽

天寒士卒凍饑一夕數驚風急

月寒山樓不寐賦慰將軍

山樓晚眺是日大風

鷄公山絕頂登斬將軍別野亭高臺

送入東歸

鷄公山絕頂侍吳公望落日

滎陽汜水道中

喜洛陽諸將漸至山中

鷄公山感懷詩一百韻並序

驅兵渡虎牢關南下信陽

信陽山中

喜僚友自洛陽來

再入鷄公山

送某顧閣出山

赤壁舟中翫月

初至黃州呈吳將軍

黃州見梅遂憶故園時江南齊盧

構兵遺途梗塞妻子皆避亂海

上

游武昌西山東坡九曲亭

殘兵

簡斬薦青將軍

登安國寺塔春望

寒夜作家書時奉軍南下蘇常齊

軍潰掠江南再亂寄婦霞客正

月初七黃州舟中

乙丑立春前一日吳公命舟泛江

同遊西山至寒溪口捨舟步行

入靈泉寺登試劍峯下山入陶

侃讀書處時紅梅半發雨雪初

霽奉和吳公

陶侃讀書處看梅

立春日鄂城紳商讌吳將軍于西

山靈泉寺即吳大帝避暑宮也

是日微雨將軍命予代往赴飲

下山從寒溪口尋舟渡江夜歸

赤壁

過寒溪山見牆裏梅花已放烟雲

離合春雨在衣不可復留亂流

而返

黃州早春登城奉和吳將軍

侍將軍登快哉亭

江岸閒步遊安國寺贈僧醉瘋寺

為唐時所建蘇長公有安國寺

尋春詩其東為韓魏公讀書堂

過楊守敬故居 園名隣蘇在黃岡城中東

北隅守敬字惺吾以書名鼎革後卒園今易主

矣陳荷波僦居之老梅合抱猶存春日發花往

訪荷波

黃州江上

陪吳將軍登西山之巔席地而坐

望樊口武昌之勝

登黃州城樓感春

二月初五晨起吳公遊牛頭灣之

馬橋村步行田壠與鄉民款語

具言江潮盛時水及其扉因勸

以種樹之益村人意甚敬恭風

俗敦樸歸途爭設香案拜迎於

平疇新綠間公顧我笑曰此真

民意也拱手謝之返舟走筆見

示奉和二首紀實事也 和詩次韻

為宋人惡習唐賢無和韻者平生未嘗為之

春陰陪吳公登月波樓

二月初八侍吳將軍至岳州岳人

喜將軍之重來也公宴于岳陽

樓上暢飲竟日秉燭繼夜冒雨

歸舟

君山春曉

岳州春雨公讌夜歸

洞庭風起城下帆檣如櫛胡畔多

秦吉了棲鳴桅檣終日可聽賦

呈吳公

二月既望夜登岳陽樓詠月

一春

聞婦霞客將至岳陽遣舟以詩訝

之

君山二妃墓

春日二喬墓偕霞客踏青

岳州江上送張子武之江南

三月七日公讌吳公壽岳人高會

三日賓客千人卽席呈賦

穀雨日高原春望時家室至岳主

易鳳傳家

岳陽樓送別徐良

贈崔祕書

聞胡慙之戰洛城往復三陷不復

有雞犬聲矣西宮牡丹二千株

今當花時不知無恙否也民無

子遺遑恤我花

春雨曉晴洞庭早起

春煦自漢來書告斷炊矣

岳州清明 是日侍吳公遊君山江中遇雨踏

青湖岸而返

和師鄭落葉詩

湘江上憶故園

岳陽送吳子明丈

岳陽贈夏大

岳陽樓送某將軍兵敗遠適海國

暮春將軍爲陳詒仲同年毅置酒

舟中日暮泛舟岳陽江上卽席



江山萬里樓詩鈔卷十二

甲子乙丑曰強年集

東吳楊 圻

八驪歌呈玉帥

爾雅馬純黑曰驪。禮記夏后氏尚黑。戎事乘驪。隴南
鎮守使孔繁錦。獻吳上將軍西陲馬八匹。純黑色。蓋
驪也。時大秋操。試之。殊衆愛其神駿。慶其得主。作八
驪歌。

吾聞天下非無馬。不逢伯樂材盡下。又聞伯樂不常有。馬也
虛生何爲者。孚威上將人中龍。相士相馬羣。爲空隴南孔公
獻。八駿騰驤萬里來。關東八匹純黑色。如鐵。顧視高秋氣橫。

絕。慘。淡。朝。騰。青。海。雲。分。明。夜。立。天。山。雪。中。原。蹀。躞。蒼。茫。注。意。滿。
志。躊。躇。來。天。地。洗。出。風。塵。澗。洛。清。踏。開。道。路。肴。函。翠。北。邙。百。
里。霜。天。高。十。月。農。隙。屯。旌。旄。將。軍。秋。獮。大。閱。武。千。乘。萬。騎。連。
雲。霄。令。下。傳。呼。開。堅。壁。平。原。飛。鞚。陣。容。列。靜。如。雲。垂。與。海。立。
動。如。長。蛇。變。化。疾。兩。軍。制。勝。在。先。鞭。壁。上。縱。觀。氣。屏。息。忽。看。
數。點。草。頭。飛。水。過。沙。平。不。見。跡。此。時。人。馬。俱。無。前。鼓。角。軒。昂。
壯。秋。色。將。軍。笑。顧。稱。龍。種。一。時。河。洛。聲。名。重。陣。前。壯。士。來。聚。
觀。帳。下。名。駒。皆。驚。悚。牽。來。轅。門。蕭。蕭。風。參。差。磊。落。殊。不。同。主。
人。奇。才。爾。奇。福。拔。爾。抑。塞。之。心。胸。昔。年。赤。兔。事。壯。繆。千。載。遇。
合。驚。婦。童。太。宗。東。平。劉。黑。闥。西。破。洛。陽。王。世。充。昭。陵。六。馬。垂。
萬。古。掃。清。八。荒。成。大。功。人。間。駿。骨。何。止。此。安。得。所。事。皆。英。雄。

驪兮得主。今誰薦西望長鳴。謝孔融放馬桃林。幾千秋眼前。
致用求驍。願隨鞭撻。草露布蹴踏烟雲。平九州。

大軍次盧龍九月十二

殺氣入雲霄。將軍帶寶刀。一心洗兵馬。四海仰英豪。落日當
營大。秋天出塞高。遙知後來者。籌筆想賢勞。

山海關軍中聞雁是夕月色滿海

一行新雁下連營。刁斗無聲塞水清。十萬控弦齊北向。高高
秋月照長城。

軍中秋夕

星急風高萬馬鳴。山頭一月照長城。仲宣欲製從軍曲。夜探
胡笳出塞聲。

遼西戰場望月

夜迴牙旗靜。秋高玉帳清。渡河雲出塞。照海火連營。一馬嘶寒月。參差萬馬鳴。家書多壯語。用以慰親情。

石門寨秋望

石門塞上山。接天鼓角聲。雄大海間獨立。高原看落日。戰餘放馬滿秋山。

九月十五日大軍雲集榆關寒沙萬幕秋色無際夜
半出營望月

牙旗玉帳接蒼茫。關下諸侯宿戰場。二十萬人齊帶甲。三更明月五更霜。

秦皇島軍中寄家書

仗劍從軍去。高歌向北行。涼秋兵出塞。大馬歸營樓。上星雲。夕軍中。鼓角清。遙知閨裏夢。夜夜怨長城。

秦皇島軍中卽事

榆關金鼓接胡天。夜夜將軍帶甲眠。沙上月明橫萬騎。殺聲都在五更前。

遼海雲深起暮笳。匈奴未滅若爲家。中軍夜半傳新令。萬幕天高月滿沙。

一夕班師戰壘空。他年猿鳥弔英雄。從今月小山高夜。都付詩人淚眼中。

行人垂淚說金牌。畢竟今哀勝古哀。昨夜盧龍城上月。五更猶照廢營來。

津沽之敗。余與大軍相失。乃航海追隨。由津而芝罘。而滬而漢。而洛陽。時東南亦大戰。初罷。江行見虞山。里門咫尺。不勝悽絕。

亂後家何在。寒山見里墟。孤城喧鼓角。大雪渡江湖。人物於今異。風光總不殊。中原隔雲水。西望一歎歔。

榆關紀痛詩序十首十月二十四黃海舟中作

甲子秋七月。浙督盧永祥兵敗。被逐於齊燮元。乃遣使乞援於奉天。張雨亭恥於辛酉之敗。思修怨於我者二年矣。於是蘇浙之戰方熄。而直奉之禍又作。八月舉兵十二萬。長驅犯山海關。彭壽莘與戰。互有勝負。上將軍吳公受朝命督師爲總司令。直魯豫副使

王承斌爲副司令。十九日。公自洛陽率三師之一旅至京師。設計逆軍總司令部於四照堂。全國諸侯咸願會師。榆關聽驅使。公編制調請。旬日而定。編正軍四軍。一軍總司令彭壽莘。以王維城董政國副之。二軍總司令王懷慶。以米振標副之。三軍總司令馮玉祥。無副。四軍總司令曹鏌。以殷本浩曹士傑副之。乃定行軍方略。一軍分三路進。一路司令彭壽莘。二路司令王維城。三路司令董政國。而以馮玉榮葛樹屏時全勝屬之。二軍分二路進。前敵總指揮劉富有副指揮龔漢治屬之。三軍分二路進。一路司令李鳴鐘。二路司令張之江屬之。四軍分二路進。二路司令曹

永祥屬之。乃編援軍十路。張福來爲援軍總司令。一路司令曹鏌。二路司令胡景翼。三路司令張席珍。四路司令楊清臣。五路司令靳雲鶚。六路司令閻治堂。七路司令張治功。八路司令李治雲。九路司令潘鴻鈞。十路司令譚慶林。而以曹士鏌、林起鵬、田維勤、馬燦林、吳長植、張金標等副之。海軍總司令杜錫珪、副司令溫樹德。當是時。各督入衛。傾國雲從。天下將士無不以得受吳將軍驅策爲榮。命使面請。率軍效命者。爭先恐後。坐爲之滿。文電日積盈尺。是役也。統計正軍九路。援軍十路。司令四十。而後防籌備各司令。不與焉。馬步砲輜工兵額共爲二十餘萬。而飛機海

軍不與焉。某將駐某地。某軍取某勢。則皆各受吳公之命。馮玉祥駐熱河。爲左翼。公知其不可恃。命胡景翼駐喜峯平泉。以監之。於時諸路諸司令期會而發。信宿而集。飛挽則依山。陸梁徵赴。則排虛縮地。萬軌一塗。昏曉無間。甲帳山積。戰馬雲逝。東西南北數千里。肩摩轂擊。途爲之塞。者累日。兼旬。田夫荷耒。以觀兵。紳商壺漿而犒士。出師之盛。近今無有焉。九月初十夕。上將軍督師發北京。纛車在前。幕府車次之。余以祕書兼機要參議。與聞戎機。隨纛車次乘。十二日。軍次秦皇島。時諸路軍雲集長城。戰稍却。先是馮玉榮失守九門口。敵軍得入關。公電令斬馮玉榮以徇。

自往督師。既至。軍威大震。公親指揮。衣不解帶。大戰十日。數奪要塞。惟時餉無的款。軍需告匱。公內憂之。初。財政總長王克敏數謀承認金佛郎案。以得大賄。公在洛。數電曹公。力持不可。痛斥其奸。事遂寢。克敏於是銜公。而思中傷以敗公功。軍事既興。王不任籌餉。嘗爭論於曹公前。公索之急。王曰。實無錢。無已。則承認金案。旦夕可得數百萬。公怒曰。君乃欲乘國家危急。脅劫賣國耶。我甯餓死沙場已耳。朝士咸勸殺克敏。輩以清側。爲曹公所解。至是全軍餉需。日必十萬。而兵站運輸。製造彈械。衣甲。醫藥。諜報。賞恤。舟車供給。一切雜支。實且兩倍其數。猶不與也。秋盡霜高。

邊海苦寒。士卒有無衣之嘆。有司興仰屋之嗟。公知不可以持久。利在速勝。乃思出奇兵。於是躬冒炮火。相度形勢。朝浮洲島。夕返大營。涉海踰嶺。日必數十里。歸則披閱文書。抉擇可否。目無停視。耳無輟聽。五官竝用。窮極夙夜。弗以爲勞。遂密定以海軍載兵暗截葫蘆島。出錦西。直達瀋陽之計。事待發矣。時奉軍轉戰經月。久困榆關。精銳死傷略盡。士無鬪志。僉怨用兵之非計。至驅貧民以充士卒。遼東豪傑羣焉思逞。以效順於吳公。而我以奇兵出間道臨之。直搗黃龍。此其時也。奉軍旣偵。公日游弋海面。知必有奇謀。顧關下諸軍攻之急。不可懈。弗得顧後防。於是大

懼。張雨亭知馮玉祥性好作亂。而貪財。方思報怨於吳將軍。乃急使至承德賂玉祥使倒戈。約券千萬爲壽。而先輦二百萬。玉祥果利其多金。許之。遣使約承斌孫岳共謀去曹吳結張。而據北方政權。懼景翼之監軍也。說之曰。吳公遇子厚乎。曰厚。曰以子之功。宜分茅矣。乃獵食順德。餉械往往不給。曾不得尺寸之土。且今茲之戰。君意何欲。曰立功得土耳。玉祥笑曰。豈不聞吳公面曹公之言乎。三省巡閱非子衡莫屬。三省各督。則懋宣子耕贊勳可。戰而勝。事內定。敗俱死而已。於是景翼怒。玉祥曰。烏盡弓藏。奉滅曹吳將。不可復制。我將以和平應民意。倡停戰以存奉。成奉。

必德我。而政自我出。不成則我得美名。亦足自給。一
舉兩得。君其從我遊乎。因述奉軍急求意。胡素貪而
貧。大悅。是夕先輦老頭票十萬至胡營。禍遂作。二十
一日。馮胡以其軍叛。倍道疾趨。夜半至德勝門。孫岳
開門納之。北京陷。玉祥以炮圍總統府。囚曹公於延
慶樓。承斌入逼曹公。下令停戰。褫吳將軍職。解其兵
柄。吳公方統大軍。苦戰山海關。聞變。命援軍總司令
張福來當榆關。自率衛隊一百人疾趨天津。電調長
江魯豫諸軍入衛。各軍未及發。而魯督鄭士琦與段
祺瑞通。先叛。陳兵濟南。斷津浦路。命胡翊儒據德州。
兵工廠毀鐵道。遏南軍。不得北上。惟潘鴻鈞旅先得

至。與馮玉祥戰於楊村張莊間。敗績。時山海關主客軍。猶十餘萬。受張福來指揮。居四日。不戰而遁。軍中莫知所措。則大潰。先津軍敗。張宗昌遂以騎兵下灤州矣。公以首尾皆敗。援路絕。知事不可爲。率殘部五千。退唐沽。乘海軍南渡。至烟臺。將假道入豫。士琦不許。乃入長江。由漢口趨洛陽焉。玉祥既據北京。自稱國民軍革命。自建攝政內閣。然意尤在得皇室財寶。命張壁鹿鍾麟勒兵入宮。露刃逐清帝后妃下殿。而籍其宮室財貨。於是元明以來三朝御府珍儲。十代帝后珠玉寶器。以至三代鼎彝圖書九洲百國方物。天府。娜嬛。宇宙。韞閱。希世之物。無慮幾千萬萬億。至

是盡載以出。荷戈斷行人於道路。六日夜不絕。蓋不知其紀極。夫浹旬之間。兩舉大逆。雖趙高之害蒙恬。董卓之劫洛陽宮。華歆之逼漢獻帝。不能專惡於前矣。方變初發。京津士民無不髮指。及公至津。猶冀一戰而反正也。敗耗既傳。咸傷吳公以忠正見欺。而國事將益不可問。無不相向扼腕。有痛哭者。有憤而癩癩者。外人會飲。言馮事則怒擲酒器於地。至粉碎。綜海內外士論。咸以吳公功敗垂成。與岳忠武班師同爲千古恨事。同聲驚痛。惋惜不能已已。余侍從帷幄。歷有年所。久安從軍之樂。數被戰勝之榮。今乃於千載不偶之事。天崩地拆。目擊而躬逢之。傷正義之不

伸慨天心之助長。慟尊親之憂辱。哀綱紀之淪亡。痛定紀痛。示不忘焉。

六合軍需動。安危仗令公。長驅二十萬。鼓角下遼東。不以兵車力。何由衽席功。執鞭吾所願。長揖事英雄。古今萬國無不以武力而能底

定者以殺止殺先哲蓋已言之不然者區區霸業之不以兵車何足多管仲之力而謂暴民大慙可空言而和

哉平

連營七百里。一夜下遼陽。鴻雁來明月。關山入大荒。用兵非得已。決策莫能當。指顧諸軍合。轅門馬萬行。是役也正軍三路援軍十路吳

公為全軍總司令統軍二十萬馮玉祥為正軍第三路總司令軍熱河吳公以九月十一日由京師出發自當

勁敵於山海關軍威大震連戰皆捷

吹角平原裏。青天萬馬鳴。關山秋月白。刁斗滿長城。豈不念

妻子其如輕死。生夕烽看未了。浩蕩意難平。廟九門石門二皆兩軍必爭

之險要公躬臨陣指揮直軍無不一當百秋盡霜高如挾纜焉

兵車接昏曉。飛挽動幽州。一雁下秋塞。千人登戍樓。連檣天盡處。萬幕月當頭。風定旌旗肅。山寒水急流。大軍既至榆關公親冒矢石出

入陣地十三日于秦皇島作大營海軍副之山高月小寒沙萬幕秋色無際

再見金牌恨。中原盡失聲。前軍當勁敵。大盜劫神京。舉國今

無主。何年見太平。班師萬家哭。功敗更成名。十九日馮玉祥承

德間道疾趨截北京二十一日夜半至得勝門孫岳納之遂圍公府逼下令停戰英人柯樂文問玉祥曰戰岳須

兩停止之柯笑曰是亦吳公之政而已何玉祥曰我必以武力

塞初玉祥怨吳公奪其豫督每欲甘心焉及出師知其事者咸為公危數言玉祥有異志叵測不可用公笑曰

我其以私害公哉至是禍果作天津報載奉賂千萬元玉祥獨得四百萬王承斌胡景翼孫岳分得六百萬其

金署券半之作霖既至津玉祥以券索作霖不與玉祥
 大恚恨數日開會議或於席諛玉祥功玉祥有德色方
 修言革命事作霖徐曰將軍非某所僱庸者耶烏得稱
 功發言前所付金共耗若干須冊報條核也玉祥羞憤
 自是有圖張之心夫敵人師當也若玉祥者人而禽己

禪讓輕天下。謳歌報德殊不聞。傳舜禹猶紀滅唐虞。盜玉書

陽虎。誅心有董狐。編年斷甲子。流恨滿寰區。清宮多寶物玉

鐘麟張壁率軍隊入宮威逼清帝立即出殿時瑾太妃
 新薨帝方居喪求面別瑜太妃不許布衣登車歸潛邸

皇后掩面從之路人無不掩泣玉祥即日查封各宮寶
 物以李煜瀛董其事中外皆不平李實高陽相國之子

事成于玉祥
 而謀始于李

海角孤軍寄。男兒涕淚中。天平非戰罪。行矣豈途窮。患難威
 逾重。艱危氣更雄。國人皆欲殺。監子敗全功。

繞樹飛三匝。崎嶇江海連。家山天未路。風雪夜行船。部曲中

原盛聲名絕域傳。虎牢天下壯笳鼓。洛陽邊。公乘海軍欲於

洋銀四萬及水米焉遂溯長江赴漢間關至洛

大難崇朝發奇功一簣看三軍齊下淚異族欲衝冠忠信行

無敵春秋義不寬梟雄羞與伍豎子膽應寒外國報紙痛詆

美尤憤駐豐台之英軍藉細故痛毆馮軍擊傷至千人并拘其旅長馮姓羣辱之僅以身免玉祥恥之而無如

何也張作霖入關謂人曰吳子玉忠信人我可與共事若馮之貪詐反覆小人我不屑見之時玉祥方與王承

斌至津詔迎張張令李景林立解徐馮津北軍之武裝及王之二十三師武裝并勒王解省長職王即逃入租

界承斌玉祥雖羞志無如何也南北人心大快

清剛岳忠武繼起世人驚當代稱師表同舟忌盛名一身憂

國淚萬口辨奸聲大任先勞苦天將降治平自馮胡倒戈奉

敗而義聲四布全國敬仰是蓋中國之不幸而非吳將軍之不幸也嗟夫

山海關兵敗後。間關至滬。岳父李公伯行。賜飲於皇宮酒店。其宮室器物瑰製奇狀。皆仿法皇路易故宮體製。其工不以土木磚瓦。而純以礬石琉璃金碧爲之。一柱之費。價逾千萬。雕鏤眩目。窮極壯麗。想見百年前巴黎全盛時物力。觀之不勝禾黍之感。是夕西人仕女跳舞。清樂如水。衣香如雲。余歸從戰地烽火餘生。對影聞聲。悽然出涕。

亂後清遊百事非。強來行樂總歡歎。隔江月上罷歌舞。清露無聲飛繡衣。

瓊樓玉宇詡神工。故事新豐漢帝宮。莫向樽前話興廢。令人垂淚憶乾隆。

繁華轉眼逐香塵。舊恨何如百感新。昨夜故宮仙掌冷。千門。

明月更無人。時馮玉祥逐清帝而籍其宮室寶物

淞濱戰地近繁華。白骨千村足怨嗟。莫向江頭聞野哭。可憐。

天子已無家。蘇浙之戰災民流離者九縣無家可歸者皆露宿江干

十一月初七余由漢至鄭州而吳將軍亦由洛至蓋

陝軍憨玉琨已於昨日據洛陽矣是夜南下信陽間

關入鷄公山從者余輩數人殘軍千餘而已既而胡

景翼逐憨玉琨據開封進逼信陽天寒士卒凍餓一

夕數驚風急月寒山樓不寐賦慰將軍

天險今何在。班師戰壘邊。秋笳哀似笛。塞水亂如絃。繞樹盧

龍戍。驅兵江海船。短歌行不得。此恨古今憐。

慷慨孤忠淚。崎嶇百戰功。人心洗兵馬。天意厄英雄。一雁長
雲外。千山落日中。願言從患難。風雪入鷄公。
當代論風義。嗟乎惟使君。將兵多益善。奔殿敗能軍。遼海關
山。月。中。原。日。暮。雲。上。秦。終。必。楚。餘。子。漫。紛。紜。

山中晚眺是日大風

亂山殘雪裏。多難此登樓。紅葉風俱至。青天水急流。諸侯皆
富貴。一將獨林邱。將老猶爲客。余生萬古愁。

鷄公山絕頂登靳將軍別墅高臺送人東歸

滿目傷心色。淒清畫不成。寒鷹蟠廢壘。落日照殘兵。百戰逢
佳節。孤城送遠行。一爲揮手去。雲海閉柴荆。

鷄公山絕頂侍吳公望落日

川原夕陽盡。西望一登臺。人意隨山亂。軍歌動地哀。大家何處去。今日偶然來。向晚起風雪。將軍且舉杯。

滎陽汜水道中

獨樹飛紅葉。蕭蕭霜滿林。人煙寒照寂。鼓角暮流深。魏晉今何世。山川可用心。驅車登廣武。萬古一沉吟。

喜洛陽諸將漸至山中

黃河直上上青天。日出鷄鳴度虎關。欲問洛陽舊親友。中原風雪萬千山。

鷄公山感懷詩一百韻并序

昔祿山反側。唐室幾墟。侯景犯闕。梁社遂屋。甚矣敵國外患之不足慮。而亂臣賊子之不容於天地也。慨

自禪讓迄今。干戈未息。然楚漢相爭。則劉項爲敵。理固宜。事可行也。至於四維滅絕。交以市道。仇必其主。而友必其敵。斯亂而已矣。洛陽旣陷。吳公南下。入信陽山中。山高天寒。多大風雪。士卒饑凍。無怨色。余間關相從。巖居期月。飲食不給。往往日落。登臺愴然。遠望暮雲。無盡亂山。萬千短歌。烏鵲長吟。黃竹不禁。失聲空山。悵家國之多難。念亂萌之有自。俯仰今昔。哀而作詩。甲子十二月朔。作於鷄公山中。

昔者中興稱同光。撥亂反正繼成康。胡曾左李讀書子。義軍突起淮與湘。書生報國豈好武。乃心王室謀則臧。其時文臣握兵柄。指揮褒鄂守四方。天下一家如指臂。委裘可治况垂

裳萬幾致理有成法。雖無治人由舊章。內有賢王外儒將。祥
麟威鳳在帝旁。亂臣十人亦已足。奇才豈必用斗量。恩詔數
頒紆疾苦。諫草白日進未央。內府水衡銅牡鑪。太倉紅腐流
脂薌。童叟相識守鄉井。縣官姓名久遺忘。鷄鳴犬吠滿小邑。
年豐歲暮婚嫁忙。東南羽書動江海。大河以北皆蔘桑。人心
得失賴維繫。正名定分嚴大防。自從闢門懋勤殿。爭言武備
救危亡。疆吏乘時植權勢。陽媚時論圖自强。廣廈萬間突兀
立。陰符萬本陳講堂。洪鑪大冶聚州鐵。江心鼓鑄鳴干將。鍊
將鍊兵歲萬億。糜貲遣學窮梯航。卽今割據諸雄傑。何非帝
力登序庠。牘涓同學師。鬼谷用求俊。又安廟郎。辛亥禪讓移
鼎祚。裂冠毀冕揚沸湯。盜竊名義鋤異己。標置曲學驅莠糧。

朝爲戍卒暮將帥。舉國輟耕荷戎裝。英雄皆自田間來。貪財
好色意飛揚。富貴逼人非始願。武學武器爛且良。連年七省
大水旱。農具在手淚在眶。徵兵遣役爲盜賊。室無丁男田無
秧。沙場醉臥壯夫盡。死於私鬪非國殤。自夷鄉里殺子弟。忍
使白骨堆邱岡。陷邑攻城非仇敵。南征北伐皆不遑。殺人最
多功第一。論賞我當爲假王。但聞能吏技百出。權算鈎距窮
毫芒。此時一將擁千萬名城。鉅室傾蓋藏黃金布地珠。走犢
樓觀飛驚歌舞行。萬錢米斗絲一尺。將門隸卒厭酒漿。妖姬
力不勝錦繡。奇服曠世懸。明璫飛車縮地逐。明月千金無人
求。驕驕自云逆取可順守。人拙我巧理無妨。王孫挾彈伺路
側。甯知黃雀爲螳螂。崇朝篡取發肘腋。覆轍繼軌相參商。辛

壬之際。稱無道。以視今日。猶紀綱。蓬來將軍浩然氣。允文允武。至大剛。鞭笞羣雄出六合。欲掃區宇恢一匡。東敗公孫清。渤海西蹴巴蜀平。子陽近年功業震華夏。南人不反安荆襄。涼秋九月兵出塞。長城高高山茫茫。關日落日照萬幕。轅門不見飛鳥翔。夜聞吹笳出帳立。仰視寒月衣滿霜。沙中戰馬騰萬匹。刀劍卓立銅鼓鏜。諸侯會師二十萬。動如波濤止如牆。將軍勞苦夜酣戰。殺氣入海天地黃。三師壯士一當百。奇兵日暮度陳倉。安史異志蓄已久。漁陽鞞鼓來倉皇。孤軍食盡寄海島。天風捲雪欺餘艎。功虧九仞天下慟。魑魅魍魎形踉蹌。宵來熒惑侵帝座。眼見鐘鼓移阿房。千門宮殿鎖寒月。銅仙登車鉛淚滂。叛將逆軍國法在。狐狸何以謀豺狼。今年

流血八千里。發之吳越。臧與楊。北自燕雲。及齊魯。東至江淮。
西大梁。洛陽殘破。豈無故。百姓涕泣。兵飽颺。關中小兒。新得。
志。兩河錦繡。化瘡瘡。兵車顛。項金帛。重前載。婦女後。刀槍月。
白。夜靜聞野哭。暗風斷續。遞哀吭。哀我江南。久苦戰。流離九。
縣。罹兵殃。天吳顛倒。委山谷。牛馬橫陳。猶羈韁。父死路隅。不。
能顧。一哭去之。走異鄉。連城天曉。鷄不叫。江湖滿地。啼寒蟹。
木棉如雪花。萬頃無人收。採登筥筐。大軍既去。官吏至。招撫。
流亡。歸鰥孀。爬搜瓦礫。尋門戶。縣官捉去。徵預糧。入門無人。
烟。在竈。女尸立井。男尸樑。鄭俠不生。董狐死。丹青筆。削誰擅。
場。誰非人類。無氣血。能不。一慟呼穹蒼。我從榆關。幸脫死。大。
軍相失。苦備嘗。棄家浮海。溯江漢。西入武關。走北邙。道出虎。

牢煙塵起。路逢將軍謁車箱。始知河南失數郡。將軍太息我
激昂。秦兵西逼有侯景。楚軍東阻無項莊。繞樹三匝行不得。
月明星稀道路長。天寒谷口雪花大。殘軍躑躅行且僵。鷄公
高臺平落日。亂山鬱磳寒雲荒。中原指顧猶可見。西望鞏洛
烟蒼涼。黃河雨雪公無渡。江漢風波不可杭。空谷俯仰獨嗟
嘆。英雄才大心神傷。部曲饑凍誓生死。幕府流落甘糲糠。手
煨榾柮仰列宿。山高風急搖光鋌。鄉關回首亂雲水。蘭成有
宅江梅香。故園萬里正花發。西樓雪暗鳴酒牀。瘦妻稚子伴
歲晚。高窗大几詩清狂。西依嚴武豈衣食。所恨大計無動勳。
自逢喪亂棲澗谷。樵掃紅葉炊黃梁。翠微寒籟到曉響。足繭
荒山哀桑滄。益思故君今安在。天邊泣血臣恐惶。丈夫事主

貴終始相從。患難吾願償。開元天寶如夢寐。三十年事悲莫當。太平君相我親見。當時不識謂尋常。願進後言貢當道。輕重文武事。彰彰橫流泛。濫不可挽。誰其致之。袁端張。

驅兵渡虎牢關南下信陽

驅車廣武間。茫茫千萬山。無窮今古事。寒水向人閒。落日吞雲夢。青天壓虎關。可憐征戰盡。猶自唱刀環。

信陽山中

信陽山色鬱嵯峨。日暮天寒感慨多。呼共殘兵同一醉。開門大雪下黃河。

喜僚友自洛陽來

戎馬君胡至。黃河雨雪寒。官貧能免劫。詩健爲加餐。亂世封

侯。易。中。原。行。路。難。青。燈。照。顏。色。莫。當。夢。中。看。

再入鷄公山

亂。後。音。書。絕。中。原。事。可。驚。琴。書。隨。劫。火。妻。子。在。孤。城。鼓。角。河。
聲。壯。關。山。雪。夜。明。甯。能。輕。去。就。束。手。不。成。行。

送某顧問出山來迎吳公往岳

衣。上。洞。庭。雪。因。君。一。把。杯。投。詩。入。江。去。送。客。出。雲。來。此。地。難。
爲。計。斯。人。大。可。哀。劇。憐。庾。信。宅。萬。里。發。寒。梅。

附吳將軍詩

初至黃州走筆示雲史

爲。謀。統。一。十。餘。秋。嘆。息。時。人。不。轉。頭。贏。得。扁。舟。堪。泛。宅。
飄。然。擊。楫。下。黃。州。時。僚。幕。星。散。惟。圻。侍。左。右。而。已。

赤壁舟中翫月

細浪無聲息。舟中生夕明。清江流萬里。山月照孤城。村酒獨成酌。風帆多夜行。殷勤遠相送。淒絕伏波營。
江月多於水。江風酒氣微。青天聞石出。赤壁有人歸。幾處漁歌起。三更烏鵲飛。水邊津吏散。岸語覺燈稀。

初至黃州呈吳將軍

如此人間臥謝安。梅花肥大酒杯寬。雲迷江樹黃州近。日落山田赤壁寒。願共英雄同患難。不須妻子問平安。卽今橫槊臨流處。付與他年指點看。

景物蕭蕭萬古情。朝來風雪暮來晴。眼前談笑自千古。到處江山垂大名。割據紛紛真細事。英雄落落豈虛生。不須淚洒

新亭酒。尚有中流擊楫聲。

附吳公詩

赤壁春夜書示雲史

戎馬生涯付水流。却將恩義反爲仇。與君釣雪黃州岸。
不管人間且自由。

黃州見梅遂憶故園時。江南齊盧構兵道途梗塞妻
子避亂海上

昔年風格首重回。雪滿園林酒滿杯。共擁翠裘坐寒月。自燒
紅燭照新梅。已聞兵馬及關止。尚有清詩渡海來。惆悵江南
煙水客。海將泉石換塵埃。

遊西山東坡九曲亭

日出。一峯。霽。千巖。明。綠。苔。酒。香。吹。細。雨。入。語。入。寒。梅。幽。寺。山。
中。曉。孤。僧。江。上。來。風。流。今。歇。絕。笠。屐。我。徘徊。

殘兵

日。落。滎。陽。渡。山。圍。廣。武。城。八。千。從。項。羽。五。百。送。田。橫。宿。昔。同。
甘。苦。追。隨。出。死。生。猶。能。輕。性。命。鄭。重。在。聲。名。
戍。鼓。遼。西。斷。天。風。折。大。旗。海。寒。天。欲。雪。軍。靜。夜。聞。棋。恩。重。於。
今。久。時。危。忍。獨。離。羯。來。無。正。義。舍。此。欲。何。之。

簡斬薦青將軍

百。戰。孤。軍。在。崎。嶇。江。漢。行。平。生。重。恩。義。於。此。見。交。情。萬。一。思。
王。猛。猶。能。用。孟。明。驅。車。過。京。索。悽。絕。說。功。名。

附吳將軍除夕見示

轉爲新年惜舊年。金戈鐵馬事茫然。近來省識閒中樂。
自注。清波洗水仙。

登安國寺塔春望

平明登古寺。鶯囀滿黃州。夜雨城中歇。春江山下流。烽烟迷
故郡。花鳥入扁舟。笠屐今何世。詩人自可愁。

寒夜作家書時奉軍南下蘇常齊軍潰掠江南再亂
寄婦霞客正月初七日黃州舟中

再報江南亂。家書未忍看。思鄉春夜短。別主寸心難。日出雪
亦霽。天明山更寒。故園甲兵滿。兩莫問平安。
送盡千人別。悽然憶故園。共憐逢喪亂。寄語倍溫存。將老夫
妻賤長貧兒。女婚異鄉風。雪夜下筆太消魂。

乙丑立春前一日。吳公命舟泛江。同遊西山。至寒溪口。捨舟步行。入靈泉寺。登試劍峯。下山入陶侃讀書處。時紅梅半發。雨雪初霽。奉和吳公。

路近寒溪口。如行七里灘。扁舟春浩渺。殘雪氣高寒。今日留名跡。斯遊接古歡。登臨陪謝傅。勝事後人看。陶公讀書處。雲木鳥關關。細雨梅間落。柴門松下閒。靜知前代事。遠看隔江山。宿昔風流盡。傷哉荆楚間。

陶侃讀書堂看梅

路入江村烟水長。春山深掩讀書堂。扁舟獨下寒溪口。細雨無人聞。澗香。

附吳將軍詩

樊口歸來赤壁磯。中流擊楫早忘機。黃州山水秀天下。
容我披簑脫戰衣。

便欲烟霞寄一廬。阮囊那得買山錢。眼前風物皆吾有。
兩岸樓臺萬頃田。渡江遊鄂西山二首

陶公高詠此山中。上有孫權避暑宮。尋箇漁樵說閒話。
晉朝名士漢英雄。

折得梅花香滿衣。溪雲山雨送將歸。一簑笠笠臨臯去。
十里春江明翠微。寒溪寺僧方巖雲史看梅花二首

立春日鄂城紳商讌 吳將軍於西山靈泉寺卽吳

大帝避暑宮也。是日微雨。將軍命余代往赴飲。下山

至寒溪口。尋舟渡江。夜歸赤壁。

細路侵雲澗。戶昏暮來烟。火亂江村。吳宮花草。今何在。春雨連山僧閉門。

客散山堂酒氣微。渡頭津吏醉扶歸。煙波十里黃州路。雨打春潮江火稀。

過寒溪寺見牆裏梅花已放烟雲離合春雨在衣不可復留亂流而返

犬吠春山上。村山僧相送。下雲根。白雲已沒寒溪寺。祇見梅花不見門。

附吳將軍和梅花詩

此君根骨本來清。寂寞空山更有情。修到梅花尚多事。爲誰辛苦去調羹。

黃州早春登城奉和吳將軍

朝來春色滿黃州。二月江潮帶雨流。醉裏不知兵馬恨。煙花無際獨登樓。

快哉亭子雲樹閒。戰伐休時詩酒閒。日暮東風上江寺。新鶯啼滿武昌山。

附吳將軍詩

兩字功名百戰哀。江山無改此登臺。舉杯獨酌看周易。樊口江魚下酒來。

赤壁春流飄酒旗。江村隔雨轉黃鸝。晚來獨背東風立。祇看江山不看棋。赤壁舟中

煙雨連江春水來。扁舟無事祇銜杯。吳頭楚尾三千里。

捲上風簾看一回。

水滿長江酒滿卮。春山如笑語如詩。東風吹綠黃州岸。
自起開窗畫竹枝。示雲史

侍將軍登快哉亭

桃花煙浪裏兵馬。此登樓落日山無盡。東風江自流。逢春驚
久客。多難惜清遊。不敢題詩句。蘇公在上頭。

江岸閒步遊安國寺贈僧醉瘋寺爲唐時所建蘇長
公有安國寺尋春詩其東爲韓魏公讀書堂

古寺臨閒岸。蘇公昔賦詩。說山能入畫。佞佛亦匡時。春水流
花慢。東風送鳥遲。軍中無野客。與爾補殘棋。

過楊守敬故居

園名隣蘇在黃岡城中東北隅守敬
字惺吾以書名鼎革後卒園名今易

主矣陳荷波儼居之老梅合
抱猶存春日發花往訪荷波

燈。火。雪。滿。屋。山。人。夜。讀。書。紅。梅。今。合。抱。不。見。子。孫。居。犬。吠。夕。
花。裏。澗。芳。清。雨。餘。襄。陽。耆。舊。少。鄭。重。孟。家。廬。

黃州江上

湖。海。元。龍。氣。未。銷。醉。聽。風。雨。醒。聽。潮。可。堪。才。盡。狂。猶。昔。一。騎。
江。天。看。射。鵬。

陪吳將軍登西山之巔席地而坐望樊口武昌之勝
武。昌。鬱。鬱。生。春。草。樊。口。悠。悠。落。日。閒。尚。有。清。狂。謝。希。逸。獨。無。
人。處。看。江。山。

登黃州城樓感春

雪。消。江。海。綠。腸。斷。鄂。州。樓。一。片。桃。花。水。東。南。日。夜。流。風。煙。生。

暮。色。鼓。笛。亂。春。愁。莫。道。他。鄉。好。中。原。戰。未。休。

二月初五晨起吳公遊牛頭灣之馬橋村步行田壠
與鄉民款語具言江潮盛時水及其扉因勸以種樹
之益村人意甚敬恭風俗敦樸歸途爭設香案拜迎
於平疇新綠閒公顧我笑曰此真民意也拱手謝之
返舟走筆見示奉和三首紀實事也

和韻者圻平生未嘗爲之

和詩次韻爲宋人惡習唐賢無

萬頃江田烟柳斜。春流十里抱人家。黃童白叟爭來看。踏碎
一川油菜花。

犬吠鷄鳴滿水濱。平疇對語意相親。羣兒拍手呼名姓。笑說
英雄是好人。

使君最愛話桑麻。步入江村野老家。爭揖將軍茅屋坐。殷勤笑勸吃杯茶。

春陰陪吳公登月波樓

萬方多難一身閒。笠屐尋春煙草間。日暮聽鶯江雨裏。去年簾捲洛陽山。

二月初八侍吳將軍至岳州。岳人喜將軍之重來也。公讌於岳陽樓上。暢飲竟日。秉燭繼夜。冒雨歸舟。

舳艫千里溯滄洲。謝傅圍棋且解憂。我醉欲眠人亦散。春燈風亂岳陽樓。

君山春曉

湘江春竹淚斑斑。日出煙消孤棹還。曉入洞庭人不見。但聞

幽。鳥。滿。君。山。

岳州春雨公讌夜歸

將軍秉燭飲巴邱。喜指煙波話舊遊。燈火滿湖春雨細。夜深人語岳陽樓。

洞庭風起城下帆檣如櫛。湖畔多秦吉了棲鳴梳檣。

終日可聽賦呈 吳公

岳陽樓下水連天。如此韶華但晝眠。盡日江豚吹白浪。守風愁殺洞庭船。

巴陵江上鷓鴣啼。啼滿千檣十里堤。縱有東風行不得。瀟湘還在洞庭西。

二月旣望夜登岳陽樓翫月

南來尋勝不知愁。把火乘潮促夜遊。月到君山人盡起。千燈上下。岳陽樓。

附吳將軍由黃州至岳陽詩

天風吹我過江城。萬戶無聲犬不驚。可惜清明平日氣。都從夢裏誤平生。黎明渡漢陽。

岳陽父老共杯壺。舉目江山總不殊。樓外東風吹細雨。酒香飛入洞庭湖。岳陽公讌留贈。

青草山前蘆葦肥。洞庭湖裏鷓鴣飛。春風春雨無窮盡。帝女仙人何處歸。洞庭春望。

一春

一春風雨總無憑。城上高樓怨不勝。開過桃花是消息。三湘。

春。水。下。巴。陵。

聞婦霞客將至岳陽遣舟以詩迂之

日。日。江。樓。聽。雨。眠。早。知。詩。句。到。愁。邊。洞。庭。三。尺。桃。花。浪。催。送。
湘。江。下。水。船。

一。春。白。日。去。堂。堂。千。里。迎。君。到。岳。陽。如。此。煙。花。三。月。半。畫。樓。
梳。洗。看。瀟。湘。

君山二妃墓

雲。水。相。逢。不。見。人。九。歌。一。曲。爲。迎。神。湘。君。祠。廟。不。知。處。細。雨。
東。風。吹。綠。蘋。

春日二喬墓偕霞客踏青

草。暗。花。濃。弔。綺。羅。岳。陽。風。土。有。詩。歌。君。山。相。對。二。妃。墓。此。地。

香魂姊妹多。

建業江東夫婿功。春深銅雀笑奸雄。而今草綠巴邱岸。滿眼青山似鄴中。

岳州江上送張子武之江南

談笑陳驚座。功名溫太真。奇才誰似爾。壯志我猶人。東郡猶戎馬。清湘及暮春。臨江相送別。千里草如茵。

三月七日公讌爲吳公壽岳人高會三日賓客千人

卽席呈賦

煙草洞庭綠。春城張樂清。湖天聞酒氣。江木有鶯聲。四海謳歌日。三湘愛戴情。非關爲公壽。用以壽蒼生。

穀雨日高原春望時家室至岳主易鳳傳家

門巷高原上。巴邱萬里情。青林呼煮酒。江閣坐聽鶯。細雨瀾成響。春流舟自橫。清遊思故郡。况復未休兵。

岳陽樓送別徐良

京邑故人至。共登雲夢臺。江湖白日暖。兵馬故人來。我意思公子。天心惜霸才。芳菲猶未歇。莫動仲宣哀。

附徐良詩

昔從南海論才子。共許楊公最絕塵。地角天涯頻夢見。湖波湘水又相親。結交道義兼師友。欲挽乾坤救庶民。行矣何時再握手。雲開日出是前津。

贈崔祕書

流落一相識。同舟轉可親。共爲湘水客。都是洛陽人。談笑慚。

長策烽煙自暮春。洞庭風水闊相與。話迷津。
不識從亡久。春遊喜欲狂。清詩滿荆楚。小獵出光黃。山郭見
魚市。江樓聞酒香。具區猶入九。捫蝨看蒼茫。

聞胡慙之戰洛城往復三陷不復有鷄犬聲矣西宮
牡丹二千株今當花時不知無恙否也民無孑遺惶

恤我花

洛陽殘破後。知爾亦無家。戎馬悲東晉。名園記永嘉。春光荆
棘裏。姚魏若爲花。眼見銅駝恨。生今共一嗟。

春雨曉晴洞庭早起

日日岳陽樓下過。朝朝打漿暮時還。洞庭日出開門巷。清雨
霏。霏。花。滿。山。

春煦自漢來書告斷炊矣

負米江村市軍中。一飯難知君無骨肉。惟我問平安。樊口魚盈尺。黃州筍滿盤。早知天下瘦。甯忍獨加餐。

岳州清明

是日待吳公遊山江中遇雨踏青湖岸而返

清明風色最消魂。煙雨霏霏花柳昏。永憶洛陽寒食路。日斜飛蓋上東門。

和師鄭落葉詩

長安萬戶對斜暉。木葉蕭森傍水飛。九月關河向盡五更風。雨曉來稀。花明閣道春何在。綠滿龍池事已非。回首故宮魂欲斷。渭橋微雨濕天衣。

又

津橋煙樹一林空。營壘蕭蕭過洛中。今日驅車上邛坂。寒鴉流水上陽宮。

猶記靈和欲斷魂。今年秋色不堪論。御溝猶自流紅葉。殘月清波神武門。

湘江上憶故園

湘水逢春色。巴陵送遠行。江湖聞戰伐。花鳥近清明。放馬天連草。聽鶯雨滿城。故園今萬里。佳節倍傷情。

岳陽送吳子明文

相見今何地。重逢傷客心。清言落雲夢。病眼喜春陰。細雨草花密。江流茅屋深。嘯歌良不易。行矣莫沉吟。

岳陽贈夏大

國破驚君在。淒然訴苦辛。亂山無去路。一月不逢人。涕淚依江表。遲徊及暮春。三湘愁鬢改。喜極忽沾巾。

岳陽樓送某將軍兵敗遠適海國

爲君吹笛上江樓。十萬征人盡淚流。春水方生煙草綠。可憐舉國怨封侯。

暮春將軍爲陳詒仲同年毅置酒舟中日暮泛舟岳

陽江上卽席賦贈二首

休矣平生事。重逢各斷腸。煙塵昏北極。風日暖清湘。春色太明。麗客心殊怨。傷悽涼。天寶恨。洗眼看滄桑。百尺元龍氣。相逢此賦才。煙花白日暖。江海遠春來。宇宙何多難。英雄有大哀。東風吹酒浪。且發洞庭杯。

江山萬里樓詩鈔十三卷錄目

悼亡詩

題降神記後

除夕遣悲

贈陳笑笑校書

丙寅入日漢上題襟和張亞農陳

漢元諸君子

正月豐祚貞祚兩兒南歸就學悲

感

上元夕畫梅花呈 吳公并題

笑笑請畫紅梅屏幃春雨徹夜為

繪四幅兼題八絕句

新新我友項子所眷也攜以見過

向余索詩為綴二絕

黃鶴樓修禊

春江送別

折柳曲

躑躅詞

無題

三月半阿美席上有感

春夜宴諸將於小迷樓聞河北諸

軍轉戰已克京師

清夏休沐日小斂贈阿美

雜詩四首

沉醉

留別笑笑

濱行笑笑再索畫梅為題四絕

九月十二之夕自漢脫險東歸諸

友餞飲於江樓阿美夜半至登

舟相送默然而已紀此為別

招魂詞

江路載骨東歸哭懷夫人

八月二十八夕作去歲今夕懷夫

人永訣唁我之期是日除婦服

九月十七還家清月相照秋花在

庭哭霞客於花木房櫳

還家哀祭懷夫人

九月十二諸友攜酒仗錢我於江

樓卽席留慰阿美

惆悵詞

過黃州

徐州早發

月夜發徐州

早行

鄭州柳

初至鄭州

書謝許侯諸君

題美美照片

自題五十二歲照片簡午詒

鄭州軍次書憤

乙丑冬。既編詩付刊。至今冬時逾一年。尚未成書。而一年中新詩。頗多來書抄閱者。遂輯爲十三卷。一併付印。去冬至今。兵馬窮年。國事翻覆。從軍嘆逝。人事彌苦。遂多生死別離之作。是有嘽嗷激越之音。無足觀也已。

江頭見雁見燕時武昌圍城急將

陷夏口隔江時望見之

鄭州

鄭州贈黃參議

鄭州贈楊髮堪

王子喬昇仙臺

送人之潼關

黑石關

長平公主曲 并序

丙寅冬至雲史識於鄭州軍次

雲 史 最 近 照



江山萬里樓詩鈔卷十三

乙丑丙寅之作曰強年集

江東楊 圻

悼亡詩

霞客夫人於三月來岳陽視余疾八月染疫晦日卒

殮畢余即從吳公起義軍江漢戎馬之間悼痛彌甚

私謚曰懷夫人撰謚妻記

樓船江下氣如雲。永訣聲淒不忍聞。戎馬書生真薄倖。蓋棺
明日便從軍。七省聯盟擁戴吳公再起夫人晦日卒九月初
二大殮初三余從吳公行蓋棺而別殆非人境
好春過盡又中秋。百日纏綿悔遠遊。從此瀟湘好煙月。一生
腸斷岳州樓。

頻年慚愧說匡時。入洛吳兒鬢有絲。一自從軍登廣武。步兵不解說相思。

門外湘江白露寒。夜涼相喚怯衣單。可堪萬古團圓月。今世今年末次看。中秋尚同玩月

客中幽恨在眉端。話到歸帆更不歡。秋水一江送船去。望夫

思子兩全難。

兩兒南歸夫人初計同去濱行不忍別余去乃止兒行又思子遂及於疫

赤壁江深山月高。義旗東下水蕭蕭。誰憐九月初三夜。死別生離第一宵。

岳陽回首不勝哀。繡柱珠簾踏浪開。同病有誰走相送。洞庭孤雁一聲來。

相逢父子語翻稀。滿地烽煙歸不歸。阿父而今權代母。霜前

雪後喚添衣。江路戒嚴始未迎殯至漢臯

故園客舍兩依依。要看旗開得勝歸。今日江淮齊醉舞。仲宣清淚滿征衣。日夫入垂危尚問何日起義師答以初三嘆我不及見矣今徐海皆下而夫入已卒

洞庭波浪接荆關。玉匣招魂載骨還。省識愁眉含淚眼。一江秋水浸君山。

豈有秦嘉賦悼亡。漫云荀令已神傷。求凰絕調休重理。此曲聞之我斷腸。

題降神記後

乙丑十二月初七日懷夫人降神于上海小慈航此壇自言前身今得佛祖提度賜名烟霞舊客今往落伽左山古洞靜修。三六後可證正果。并再三謝我情。

重。且勉慰殷殷。唏噓不已。凡數千言。余爲作降神記。紀其事。既訖。把卷三復。如觀音容。終日悲嘆。不忍釋手。默念落伽山乃在人間。今既得其蹤跡。將以明年渡海。尋之於千巖萬壑之中。冀或有所遇。未可知也。因賦詩爲約。

鴻都仙客術通神。夜醮空堂月半輪。燈燭有光帷帳寂。得無遙見李夫人。

萬語千言慰我心。安貧守道是知音。平生規勸尋常事。一字今朝抵萬金。

中年偕隱罷聽珂。荆布相從奈亂何。十四年來天下事。功名兩字負君多。

營齋營奠羽書忙。百日煎熬鬢已蒼。何得俸錢過十萬。自傷風雪典衣裳。

來時不易別時難。保重叮嚀佛也酸。差幸死生通一點。共知人鬼兩平安。

勸言此別莫悲傷。見性明心得久長。今日相形慚見拙。薰香荀令是皮囊。

廿年盟誓兩心知。慚愧年年枉費辭。不願長生不怕死。只須同盡莫參差。

一聲去也兩心酸。臨別殷勤見肺肝。夜半送君南渡去。一身風雪步虛寒。

從今踪跡隔仙寰。此別音容去不還。我欲相從迷處所。一聲

清。磬。落。伽。山。

彩鸞一去隨簫史。可許他年眷屬情。長與君身伴仙骨。海山深處洞天清。

落伽猶自在。人間萬壑千巖閉。翠鬟他日刺船滄海上。爲君踏遍望夫山。

除夕遣悲

東蜀船山是我師。平生風調在深閨。而今輸與才人福。但祭梅花不祭詩。

贈陳美美校書丙寅正月

美。美。越。之。諸。暨。人。深。情。玉。貌。接。之。溫。溫。自。言。所。遇。艱。苦。再。墮。平。康。緬。訴。身。世。令。我。意。消。丙

寅客漢臯軍次。上元之夕。張飲酒樓。坐客逾
百人。羣繩其美。乃召之來。他日向余求詩。爲
賦四絕。

苧蘿山下。水流花。郎愛從軍妾。浣紗君問前身。歌舞地。館娃
臺殿。是儂家。

五銖衣薄。試東風。樓館飛驚舞袖紅。艷色如卿。猶未嫁。三千
粉黛。入吳宮。

自言不解說相思。今日逢君。怨見遲生長。苧蘿山色裏。還從
蘇小。問西施。

皓齒明眸。怨未休。共憐身世不勝愁。獨眠人。睡無消息。一夜
春風吹畫樓。

丙寅人日漢上題襟和張亞農陳漢元諸君子

相逢戎馬裏佳節意如何海內詩人少將軍揖客多萬方聞
涕淚一氣熄干戈昨夜吟成後前軍已渡河

河北諸州郡烽烟驚上春樽前江海客衣上洛陽塵舟楫連
天末鶯花近逐臣異鄉思弟妹未暇爲他人

諸君把酒向風塵勝日題詩漢水濱莫笑西川高節度擁兵
顧盼亦詩人

新年旁午捷書多昨夜中原萬馬過第一登樓先北顧東風
吹語渡黃河

正月豐祚貞祚兩兒南歸就學悲感

大江夜流急風雪送歸人憐爾今無母嗟余多病身獨留成

久客此去太傷神。况復干戈際，登樓見遠春。

上元夕畫梅花一幅呈 吳公并題

得意春風動地來。上元清月近蓬萊。天公著意留韶景，尚有最高枝未開。

南枝開後北枝香。有脚陽春被八荒。看到英雄真事業，狀元宰相太尋常。

笑笑請畫紅梅屏幃。春雨徹夜爲繪四幅兼題八絕句

雲護屏山吹雨絲。玉人相並弄胭脂。江郎彩筆狂猶昔，畫了長眉畫折枝。

折得寒香煙滿湖。孤山蘇小伴林逋。羊羔兒酒銷金帳，抵得

清。狂。小。宋。無。

迷香洞裏春如海。猩色屏前見綠華。看慣上陽高格調。一生悲喜爲梅花。

王恭步雪儘風流。姑射仙人下十洲。昨夜春寒眠不得。自披鶴氅擁貂裘。

太虛詩骨似冰清。雨雪春燈憶玉京。蠟炬兩行歸院去。衣香花氣不分明。

睡醒羅浮三兩枝。看花最好未開時。總教堪折不須折。留與東風好護持。

春來心事惜芳菲。花滿江城酒滿衣。一自新詩傳萬口。家家紅粉說楊圻。

湖海元龍萬里身。掉頭四顧出風塵。近來英氣消磨盡。只畫梅花贈美人。

新新我友項子所眷也攜以見過向余索詩爲綴二絕贈之

明眸粲粲搵紅綃。雲母屏前翠袖飄。一曲清歌花雨裏。項王霸氣爲卿消。
酒光花氣夜氤氳。欲向樽前索紫雲。紅粉兩行齊俯首。前身我是杜司勳。

黃鶴樓修禊

帶甲滿地風雅久熄。丙寅上巳亞農漢元兩君煮酒。禊飲於黃鶴樓。夫婦兄妹同入坐。拈韻分詩。堅約過

江與會。卽席賦呈諸公。時大軍收京。捷書旁午。

頻年佳節。悵天涯。未滅匈奴。何以家。今日春光。戎馬裏。江城
吹笛醉烟花。

長安似奕。向風塵。談笑相逢。海內親。漫捲詩書。還縱酒。新江
山對舊詞人。

坐中名士。知多少。擊楫中流。洵快哉。風景不殊。君莫笑。爲君
載酒。過江來。

水滿汀洲。草滿湖。鄂州樓上聽鶯呼。諸君痛飲。莫辭醉。如此
江山。狂得無。

春江送別

閒。斲。香。輪。駐。馬。蹄。送。君。南。浦。正。鶯。啼。愁。心。似。此。春。江。水。只。向。

東流不向西。

儘日春陰黃鶴樓。美人東去海西頭。江潭折盡千條柳。不及桃花共水流。

送過長亭。又短亭。江頭烟柳雨冥冥。勸君快快登程去。早早歸來好踏青。

折柳曲

鸚鵡洲邊折柳枝。奈何無奈何。萬千絲。美人一去。風光晚。啼亂黃鶯。春不知。

水柳青青草滿堤。子規聲急盡情啼。門前萬里桃花水。送到江南又海西。

玉樹歌殘更漏寒。更從別後憶清歡。春江花月知多少。放下。

珠簾不忍看。

十里銅街夜可憐。每聞絃索意茫然。繁華一刻知何價。拚與花枝笑獨眠。

戎馬頻年閱歲華。烽煙滿眼雜鶯花。仲宣別有登樓恨。不怨從軍不憶家。

三月煙花萬戶侯。繁華散了便成愁。楚江風水吳江浪。何日相逢海盡頭。

躑躅詞

金屋無人燕子斜。井闌重過薛濤家。艷陽如此閒庭院。付與春深閉落花。

綠楊臺榭碧欄干。躑躅能無憶昔歡。夜半入門人已醉。手扶

花影下雕鞍。

畫樓如水坐調笙。燈火殘時月自明。酒後春寒行不得。軍中
刁斗已三更。

一樹東風開碧桃。江城月小管絃高。夜深簾外春寒重。親爲
青蓮著錦袍。

波上乘流鳴櫓枝。斑駁蹀躞柳絲絲。春江來去船多少。滿載
離愁水不知。

絃索淒清見淚痕。江花小宴別王孫。潯陽東下無消息。決絕
溫存兩斷魂。

無題

錦繡韶華足怨嗟。玉人踪跡在天涯。將離開後當歸發。三月

中。句。已。著。花。

穠。妝。明。艷。淡。妝。清。漫。怨。王。孫。薄。倖。名。療。妒。不。須。教。避。面。自。開。
綵。網。放。倉。庚。

花。外。銅。龍。一。滴。遲。芙。蓉。雙。枕。印。胭。脂。夜。來。中。酒。思。清。飲。手。拭。
晶。盤。擘。荔。枝。

明。璫。翠。羽。猶。嫌。重。舞。罷。平。陽。氣。力。微。不。御。扶。風。新。樣。錦。漢。宮。
曠。世。五。銖。衣。

爲。經。小。別。轉。溫。存。各。訴。相。思。兩。斷。魂。我。醉。欲。眠。君。莫。去。滿。樓。
江。月。不。開。門。

薔。薇。時。節。試。單。衣。織。指。親。裁。比。瘦。肥。別。後。沈。腰。量。不。得。爲。誰。
憔悴。不。勝。圍。

別時非易見時難。昨夜星辰帶笑看。見說江南好風色。櫻桃
入市尚春寒。

良宵苦短易天明。夏始春餘枕簟清。濃睡覺來江岸午。樓陰
驚夢數聲鶯。

吳鹽堆雪水精盤。梅子青青軟齒酸。不脫江南名士氣。玉人
纖手煮雲團。

三月半阿美席上有感

去年今日迎霞
客夫人到岳州

處處新詩籠碧紗。自傷哀樂換生涯。閒眠繡榻聽春雨。共捲
珠簾看落花。幸有玉人同在客。爲憐遊子已無家。去年今日
迎梳洗。曉涉湘江去採茶。

春夜宴諸將於小迷樓聞河北諸軍轉戰已克京師

南國佳人曳繡裾。江關絲竹好春初。官軍夜報收京闕。紅袖擎燈草捷書。

荆襄幕府自清華。掃盡千軍更掃花。贏得詩名滿吳楚。一春紙貴爲陳家。

百戰中原萬馬趨。當筵諸將醉中呼。相公已縛淮西賊。博得紅妝一笑無。

清夏休沐日小飲贈阿美

夜光杯子鷺鷥刀。小宴藤陰畫燭高。四月江城清令美。綠芭蕉裏赤櫻桃。半是天涯半是家。胡麻飯後雨前茶。吟成擲筆共欣賞。繡榻無聲坐落花。

怨。別。何。須。問。罪。師。自。將。歡。笑。抵。相。思。何。因。軟。語。甜。如。蜜。皓。齒。
無。聲。嚼。荔。枝。

雜詩四首

玉臂橫陳午睡狂。龍鬚篔簹滑夢清涼。外邊進扇無人覺。水館
薰風初晝長。

刺桐花底酒如澆。酒數家家力不勝。醉倒玉人推不醒。醒來
公子已調冰。

掃開紅雪試羅裳。綵綵聲中露氣涼。風裏一肩花片落。不須
絲繡勝薰香。

冰肌無汗白羅裳。分得華清豈惹湯。月浸鮫綃見深坐。替他
身上。一。清。涼。

沉醉

羅帳香濃夜氣清。儘教沉睡且休驚。今宵被酒須將息。不脫春衫坐到明。

白袷衣單覺漏殘。酒痕狼藉雨闌珊。自移銀燭西樓下。夜半無人看牡丹。

留別美美八月望日陷敵中作

去歲從義軍起江夏。軍事繁蹟。值喪耦寡歡。眠食俱廢。悒悒若失。今春美美侍我晨夕。得二百日。療愁勸酒亦足爲歡。無裨離化之悲。稍解羈旅之苦。是可念也。今別矣。能無黯然而乎。重來崔護。未必桃花。從此蕭郎頓成陌路。美兮美兮。幸善自愛。毋念薄倖司勳爲

也。

忙裏匆匆惜別情。前軍烽火逼孤城。陳琳馬上頻回顧。磨盾
千言草不成。

鈿約殷勤兩不差。明朝門外是天涯。蕭娘十日無梳洗。開過
西樓木末花。

休送登程無定踪。縱教相送也匆匆。不如託與西風便。江柳
絲絲盡向東。

紅蓼花開辭鄂州。青峯點點水悠悠。江山最亂離人意。別後
秋涼莫倚樓。

健飯加餐早早眠。自家珍重勝人憐。江頭昨夜西風緊。翠被
雲裘放手邊。

幾番去住不成行。江漢風波亦可驚。此際微雲帶疎雨。妾身如月未分明。

年來海內盡知卿。慚愧風流小杜名。醉不成歡行不得。畫樓秋雨到天明。

刁斗連營霜露高。清歌夢斷鬱輪袍。獨眠人起沙場裏。關月無聲照大刀。

濱行阿美再索畫梅爲題四絕

原知歡蒂是愁苗。悔把溫柔慰寂寥。枉負才名傾粉黛。風流兩字太魂銷。

戎馬經年衣滿塵。強歡暫醉暗傷神。平生熱淚黃金價。只贈英雄與美人。

照眼枝枝紅雪堆。胭脂難買好春回。羅浮以外非春色。從此
楊圻不畫梅。

舊夢新盟兩不真。臨歧再贈一枝春。他年綠葉成陰後。陌路
應憐畫裏人。

九月十二之夕自漢脫險東歸諸友餞飲於江樓阿
美夜半至登舟相送默然而已紀此爲別

金樽酒盡出離筵。江月茫茫客在船。此別莫須身世恨。感時
淚濺玉人前。

幾回留送不成行。烽火難爲去住情。辛苦賊中來。獨後未妨
入道爲傾城。

別後莫忘多保重。到時先報一平安。清秋幕府沙場月。共此

天邊翠袖寒。

招魂詞

吳公倉猝西行。余陷敵中經月。九月十二日。攜霞客夫人靈櫬。自漢脫險南歸。蓋旅殯一年矣。時湖廣帶甲滿地。爲作招魂之章。投之楚江之曲。祝其共還故鄉。毋迷留瀟湘間也。

魂來魂去長。沙遠秋水連。江日暮。雲太白。年來成懶病。更無歌曲弔湘君。

歸去來兮不可停。巴邱烽火失峯青。湘妃祠外行人絕。日落風生翻洞庭。

三匝梅花濺淚痕。精靈知我爲招魂。張絃一鼓湘江操。夜半

無。人。雨。打。門。

環珮歸來慰我思。江風山雨費支持。招魂不上青詞句。但抱梅花讀楚辭。

江路載骨東歸哭懷夫人

帶甲滿吳楚。從亡更悼亡。死前惟亂世。身後尚他鄉。貧裏經年久。兵間畏路長。仲宣猶健在。辛苦向沙場。

遠路共爲命。故鄉今獨歸。撫棺千萬里。猶得暫相依。此後我仍客。今年兒寄衣。小園松菊美。物是慟人非。

異日誰收骨。因君更自悲。半生爲客久。九死獨歸遲。詩爲招魂瘦。家因乞米辭。兩河秋已盡。忽念搗衣時。

賢名滿京洛。死所得瀟湘。當代稱徐淑。將軍誅孟光。太平今

不見逝者亦何傷。忍看前生子。思君淚萬行。
三年卿諱病百戰。獨從軍。上將憐孫楚。諸侯唁子雲。感時誰
共我。避世已無君。便欲投詩去。秋聽不可聞。
亂世壽非福。其如生者悲。思君不可見。嗟我獨何之。家近翻
疑夢。天寒苦憶兒。自憐烽火裏。倚馬草哀辭。

八月二十八夕作去歲今夕懷夫人永訣唁我之期
是日除婦服

結髮爲夫婦。同心如弟兄。萬言先唁我。一夢未逢卿。此後多
憂患。何能等死生。去年今月夕。永訣一聲聲。

九月十七還家清月相照秋花在庭哭霞客於花木

房櫳

還家人不見。嗚咽獨歸來。鄰犬似相識。庭花猶自開。一年生
白髮。百戰老紅梅。夜月悽相照。悠悠上鏡臺。
昨夜隨天末。今宵見故園。入門淚如雨。相照失黃昏。明鏡無
顏色。秋花不共言。悽涼倚虛幌。對影失溫存。

還家哀祭懷夫人

辛苦君長往。間關我獨歸。入門花似舊。清淚滿征衣。粉壁留
遺掛。餘香在繡幃。獨眠聞自哭。夢裏覺人非。
壯歲共居處。近年多遠離。卽今思別日。猶復是歡時。哀誅軍
中滿。賢名海內知。白頭今獨在。何以慰相思。
如兄復如弟。憂樂久同羣。將老成知己。餘生但憶君。歸來成
一哭。此去再從軍。明日中原路。鄉關有斷雲。

九月十二諸友攜酒伎餞我於江樓卽席留慰阿美
鵝兒酒色似江波。秋柳旗亭送客多。此別今朝誰最惜。玉人
含淚唱黃河。

畫簾明瑟捲秋烟。淚滿金樽語滿絃。更盡一杯君莫笑。江山
都在美人前。
手酌葡萄勸一觴。多情我惜杜韋娘。銷魂天氣重陽後。秋雨
無聲。江柳黃。
年來范蠡久無家。西塞山前似若耶。君問歸期載西子。春風
流水碧桃花。

惆悵詞

海上得阿美來書詞意殊怨誦之悵然道出徐州逆

旅孤寂言拾墮歡寄慰而已

十里銅街絃索清。江山文藻麗人行。紫雲捧出驚初面。青鳥
啣來憶定情。鳳脰燈烘花漱灑。蝦鬚簾盪月分明。韋娘豔譽
春城滿。慚愧風流小杜名。

狂名虛竝艷名豪。從此人間話薛濤。顧曲泥翻金絡索。療愁
親酌綠葡萄。九華語罷鷄香迸。七步吟成羯鼓高。今日征西
車馬裏。收將鈿盒出弓刀。

分明開到海棠時。南部烟花第一枝。拾翠春驕紅叱發。燒燈
火暖玉參差。房中初製閒情賦。海內爭傳薄倖詩。樓外綠楊
風滿樹。龍煤鎮日繫西池。

羽書夜達楚王臺。驚破回波鐵鎖開。帳上聞歌諸將醉。江頭

躍馬異軍來。元戎小隊關山遠。幕府書生事業哀。從此妝樓
罷梳洗。清秋寶鏡獨徘徊。

當時去住兩無家。露冷千門別館娃。爲有狂名重淮海。忍教
情死累瑯琊。洞天仙約胡麻飯。烽火南朝玉樹花。若問蕭郎
無恙否。關山明月走兵車。

十幅蠻箋送北征。開緘聲淚不分明。江關詞賦能憐我。芻狗
功名半爲卿。解佩緣深逢舊地。飛花句滿在前生。章臺自是
無攀折。好傍靈和萬縷情。

玉怨珠愁語萬千。春香羅薦意綿綿。郎恩似海深於昔。妾貌
如花瘦比前。亂後憐卿身在客。別來奈我夜爲年。天涯燒燭
雕梁寂。燕子雙棲窺獨眠。

人道微之與牧之悼亡詞賦狹邪詩庸知錦瑟華年恨併入
青樓落拓時儘有風情酬小玉斷無消息載西施千愁自縛
蠶成繭纔到從頭祇一絲

過黃州時大軍敗績隻身脫險東下

亂山吹角使人愁斷岸江聲湧月流風景不殊能省識滿城
紅葉是黃州

徐州早發

秋盡江淮一客愁亂山孤燭五更頭今宵斷夢明朝續擁上
雕鞍過汴州

月夜發徐州十月十五

關山風冷驢驪裘西望中原萬古愁夜半兵來人語起滿車

明月過徐州。

早行

野月窺人紅葉間。一肩行李出柴關。誰憐馬背雕鞍重。愁夢多於淮上山。

鄭州柳時大軍退此

道傍楊柳猶相識。馬上參軍萬里愁。一別銷魂漢南樹。西風瘦盡鄭州樓。

初至鄭州

西征將帥太匆匆。昭義軍符驛路通。戍角一城斜照裏。兵車千里月明中。寢門畫戟傳新令。山枕楓陰臥晚風。辛苦十年猶落拓。未妨成敗論英雄。

書謝許侯諸君

相。逢。載。酒。細。腰。宮。半。壁。江。山。百。戰。中。博。得。美。人。心。肯。死。書。生。
未。必。異。英。雄。
自。憐。書。劍。惜。歌。裙。何。必。相。逢。爲。峽。雲。我。亦。飄。零。同。粉。黛。丁。年。
奉。使。老。參。軍。

題長門君照片

可。堪。對。酒。更。聞。歌。銷。得。愁。予。奈。爾。何。一。自。楚。天。成。賦。後。至。今。
江。上。雨。雲。多。

羽。衣。驚。破。管。絃。哀。笳。鼓。東。行。鐵。騎。來。從。此。江。山。罷。歌。舞。爲。誰。
梳。洗。傍。琴。臺。

漢。皇。重。色。失。驚。鴻。羞。澀。黃。金。買。畫。工。一。例。霸。才。難。得。主。年。年。

沉○醉○過○新○豐○

年○年○落○魄○又○今○年○典○盡○春○衣○買○醉○眠○天○未○生○涯○差○強○意○將○軍○
厚○我○玉○人○憐○

自題五十二歲照片簡午詒

開○元○天○寶○事○匆○匆○都○在○詞○人○淚○眼○中○莫○笑○元○龍○今○漸○老○猶○能○
煑○酒○論○英○雄○

北○極○星○辰○涕○淚○哀○中○原○莽○莽○問○雲○臺○可○憐○名○字○人○間○滿○祇○道○
楊○雄○是○賦○才○

鄭州軍次書憤

長○揖○諸○侯○溫○太○真○丈○夫○肝○胆○最○傷○神○三○分○一○統○休○饒○舌○公○子○
年○來○近○婦○人○

雪壓山河入虎牢。蒼生知己等鴻毛。平生恩怨關天下，不惜傾家買寶刀。
楚歌聲裏北風多。如此人間將奈何。左抱傾城右舉酒，捲簾斟酌看黃河。

江頭見雁見燕時，武昌圍城急將陷。夏口隔江時望見之。

可憐漢口夕陽斜。燕子飛飛秋草花。莫向烏衣問王謝，尋常百姓已無家。
高臺可望最傷情。兵氣秋高搖落清。滿眼風波翻落日，一行新雁過圍城。

鄭州

西風搖落日。吹角閉孤城。舉國催籌餉。諸侯但擁兵。亂山圍客夢。殘月帶鷄聲。道路皆歸計。蕭蕭我北征。

鄭州贈黃參議

爾我同蕭瑟。詩人亦可哀。艱難猶戀主。歌哭一登臺。落日營中大。孤城雪裏開。干戈攜八口。妻子賊邊來。

鄭州贈楊髮堪

嗟爾家何在。瀟湘戰壘邊。却從勳舊後。共話中興年。亡命心猶壯。還鄉夢不前。異哉兒女恨。同病一相憐。君爲勇毅公岳斌姪孫武愍公

玉科之子

王子喬昇仙臺

秋山伊洛上。蒼翠水之濱。紅葉落滿地。詩成不見人。

送人之潼關

秋山紅樹見潼關。一曲黃河立馬看。此際置身天險裏。滿衣落日覺詩寒。

黑石關

黑石關前有戰壕。秋山邈迤入嵩高。獨來馬背尋詩畫。萬點寒鴉渡虎牢。

長平公主曲并序

明崇禎十七年甲申。春二月。流賊李自成直逼都城。十八日。自成頓兵城外。遣人入見帝。議禪位。帝震怒叱出之。乃命酒痛飲。命內監王承恩召太子及永王定王至御前。太子二王年皆幼穉。誨諭肫肫。命分送

外戚周氏田氏及朱純臣家。卽起至壽甯宮。時周皇后方夜坐。袁貴妃侍。上命皇后自裁。少頃皇后承旨縊殉。復以劍賜袁妃死。袁妃自刎。帝長女長平公主。率妹昭仁公主至帝前起居。長平牽帝衣哭。帝太息曰。汝何苦生我家。乃以劍揮斫兩公主。昭仁殪。長平傷頰左臂斫斷。亦絕。帝手刃兩公主後。復命酒痛飲。高吟古樂府數章。悲壯蒼涼。哀不自勝。復以殊諭內閣。命朱純臣輔太子。卽日間道幸南京監國。且詔天下勤王援京師。天明。帝步行出宮。登煤山之紅閣。王承恩侍焉。時春暮海棠盛開。帝被髮覆面。以御巾縊於西偏第七株海棠樹上。承恩侍縊帝旁。時三月十

九昧爽也。其時自成由彰義門入。入宮大索帝后。帝
殉國。人無知者。二日後始於煤山得尸。以門板與周
皇后俱停尸東華門外茶棚內。以柳木棺大殮。自成
命昇至天壽山西陵殯葬。於是昌平州吏民恭啓田
貴妃園寢。於四月初五草草合葬之。五月朔。清兵入
關。驅自成。定鼎京師。爲帝發喪。命天下臣民持服三
日。上尊諡曰莊烈愍皇帝。后曰孝節皇后。詔以禮改
葬。於是再啓擴行奉安禮。恭修地宮如典制。明樓享
殿。一律修建。命名曰思陵。一依前明舊制。置陵戶守
護至今。世祖章皇帝躬謁思陵。拈香酌酒。行三揖禮。
御製碑文表陵上。至今完好。考清代優待有明典禮。

崇渥。超越百代。凡大典禮。皆遣官致祭。昭告。封遼王。後爲延恩侯。春露秋霜。歲時節序。皆頒上方祭品。香楮。命侯馳驛。赴十三陵承祀。三百年來。未嘗或替。卽世所稱爲朱侯者也。一論帝在位十七年。孜孜求治。誅旅客魏。昭雪東林。仁孝儉勤。愛民如子。明主也。惜景運告終。天祿不佑。雖精心圖治。而自卽位卽連歲饑饉。四海困窮。盈廷諸臣。悉委靡不振。陝西山西河南湖北四川荒歉尤甚。於是盜賊紛起。李自成蹂躪山陝河洛。張獻忠紛擾川鄂湘粵。竟至亡於流寇之手。時則清運方隆。東事又日棘。宰臣皆知自計。無與帝同心者。帝環顧廷臣。自知無可倚任。嘗自嗟嘆曰。

朕非亡國之君。諸臣皆亡國之臣。亦可悲矣。先是帝寵愛田貴妃。生四子。尤憐悼靈王。十三年。王殤。帝傷之甚。妃以思子久病。遂篤。於十五年亦薨。帝悼念殊苦。時中原多故。萬幾宵旰。自是內顧多憂。鬱鬱不愉。以至殉國。蓋日在憂勞中矣。袁妃伏劍未殊。養疾別宮。順治末年始薨。太子投周奎家。奎懼禍不納。永王定王亦不能匿。先後擁至賊所。皆不屈。自成以帝殉國。亦知敬禮。封太子爲宋王。四月晦日。自成西去。挾太子二王俱。不知所終。長平公主爲帝長女。周皇后所生。名徽妃。甲申歲年十五。初帝命羣臣妙選良家。議具婚禮。選聘周太僕之公子周世顯。爲駙馬都尉。

尚主將婚。以寇警暫停。至是斷臂而絕。自成命賊將
劉宗敏療治。旋命授尸周晷。周奎以自成命不敢不
受。乃覆以錦茵。昇歸外戚。越五晝夜而復甦。考帝六
女。昭仁旣殊。坤儀及他公主皆先殤。莊烈帝骨血惟
餘長平一人而已。公主於順治二年。上書清世祖。言
九死臣妾。跼蹐高天。願髡緇空門。稍伸罔極。世祖不
許。詔求元配。命周世顯仍尚公主。於是土田邸第。金
錢車馬。錫予有加。恩禮綦備。公主涕泣感愴。然神傷
故國。意切攀髯。竟以不樂殞年。下嫁踰年。卽病薨。先
朝復賜墓田。於順治三年三月。詔葬於彰義門外之
賜莊。留像於黃村之保明寺中。俗呼皇姑寺。可謂恩

至義備矣。煤山今爲景山。遜國後。余嘗登山憑弔。慨
念興廢。悲思陵求治之勤。失國之慘。殉國之烈。徘徊
俯仰。久之不忍去。今讀明史。輒爲流涕。作數日惡。至
先朝待遇之優。恩禮之渥。所以慰其英靈而安其子
孫者。有過湯武之待夏殷。凡茲典禮。皆出先朝之本
心。非由明室之求請。且其時福王梗化南疆。方勞討
伐。初未嘗因此遷怒。而薄其恩禮。嗚呼。可法萬世矣。
俯觀今事。金匱書在。鐵券盟寒。益嘆先朝盛德宏量。
爲不可及。廢書三歎。作長平公主曲。丙寅除夕楊圻
識於鄭州軍中。

景山樓殿鎖春光。紅閣年年發海棠。一代君臣亡國恨。兩朝

兒女返生香。放勳二女英皇體。長平阿姊昭仁弟。教養宮中

有大家。紅牌家法敦詩體。永樂定宮中制謂之紅牌家法終明之世宮壺肅清超軼漢唐崇禎

元年正月重申祖制雖皇后非奉旨不得出禁門違者照紅牌治罪太液春濃玩物華。兩宮傳

語召香車。龍樓問寢家人禮。鳳輦陪遊帝女花。百花風底妝

初靚。並立瓊軒去定省。萬方多難不知愁。愛日綿綿蓬壺靜。

一六龍御宇萬民權。昭雪忠良罪不寬。一意平遼思頗牧。用

心弭盜恤饑寒。帝入承大統月餘盡得客魏罪狀用申顯戮客魏流毒凡七年至是皇網始振天下人心

大快復詔恩卹楊左諸臣分別贈官蔭聖明天子治安切。一

日萬幾勵憂惕。有君如此嘆才難。十七年中五十易。帝求治

位十七年屢易閣臣先後除拜五十餘人之多尤以周延金

儒溫體仁薛國觀輩柔佞奸險卒皆誅戮斥逐不安其位金

牀玉几隱痾瘵。寇盜紛紛事大難。三峽烽烟橫劍閣。二陵風

雨。下。潼。關。孫傅廷善戰得士心賊甚畏之十六年冬起爲潼關總督十月與賊戰遇雨敗績傅廷死之賊遂長
驅河西南鼓角連湖廣。平臺召對求忠讜。各道疆臣盡苟安。
更番宰輔猶朋黨。督師慷慨枕金戈。飲馬長城喋血多。一出
國門成萬里。蒙恬王翦恨如何。清師數窺邊要直逼京師平拜袁崇煥督師遼薊上御平
臺召對面議方略崇煥忠義奮發慷慨上五年平遼之策帝賜尚方劍假以便宜旋殺毛文龍三年又磔崇煥士論冤之
是蓋急切失刑官家從此心懷惡。憔悴深宮慘不樂。滿地江湖鴻雁
來。中原野哭連河朔。一貴妃顰笑解憂勞。小閣薰香侍退朝。
爲有溫存承雨露。轉將歡笑慰嬌嬈。中原寇亂日甚帝日夕惟田妃明慧工書畫最得寵能解上意妃揚州人器什牀簟皆采自江南頻年憂國勤宵旰今年
再報河南亂。此日重尋盧象昇。當時錯殺袁崇煥。君王內顧
復吞聲。玉樹彫傷憶悼靈。每爲望思傳減膳。更憐多病惜傾

城。膳。於。宮。中。大。作。齋。醮。靈。王。薨。田。妃。遂。茹。素。焚。修。上。亦。為。之。減。
 亂。聞。福。王。被。害。大。慟。袍。袖。盡。溼。槍。念。骨。肉。傷。懷。自。是。皇。情。抑。
 鬱。不。樂。○。妃。生。永。王。悼。靈。王。及。悼。懷。王。皇。七。子。悼。懷。七。子。皆。
 幼。殤。帝。與。妃。皆。最。愛。悼。靈。十。三。年。悼。靈。方。五。歲。病。痢。傾。城。思。
 薨。帝。痛。之。妃。以。思。子。遂。久。病。帝。日。數。臨。妃。宮。慰。視。之。傾。城。思。
 子。啼。羅。綺。玉。骨。支。離。扶。不。起。擁。膝。恩。深。問。暖。寒。捧。心。愁。絕。慵。
 梳。洗。雪。衣。慘。澹。咒。離。魂。鈿。盒。悽。涼。誓。連。理。日。妃。薨。於。承。乾。宮。
 帝。傷。悼。殊。甚。既。思。愛。子。復。追。念。妃。內。顧。多。中。元。風。露。最。淒。清。
 憂。外。寇。雲。擾。懼。惓。惓。不。懌。後。二。年。遂。殉。國。

夕。殿。衾。寒。聖。主。情。三。十。六。宮。都。見。月。甘。泉。夜。醮。到。天。明。上。陽。
 花。草。千。門。鎖。寒。食。清。明。憶。燈。火。日。暖。長。楊。侍。輦。遊。風。明。絮。閣。
 吹。笙。坐。雲。鬢。不。覩。像。生。花。晶。盤。誰。進。江。南。果。田。妃。宮。婢。戴。新。
 皇。后。宮。婢。向。帝。叩。頭。乞。賜。帝。使。中。官。採。辨。數。百。里。不。能。得。帝。
 以。問。妃。妃。曰。此。像。生。花。出。嘉。興。有。吳。吏。部。家。人。攜。來。而。妾。買。
 之。帝。不。悅。○。又。妃。性。喜。甘。果。亦。以。非。時。進。帝。帝。兵。馬。悠。悠。意。
 每。幸。承。乾。宮。日。夕。供。設。多。江。南。器。玩。命。罷。之。

惘然玉環如在若為憐君王莫自歌長恨死別無多祇二年

一桑乾河上鬼夜哭甯武關頭烏啄肉大星如月落前軍西

路烟塵如破竹時東事日棘天下土崩乃設總理總督分總

昇終戰死桑乾河○甯武關總兵周遇吉忠勇善戰李自成

團甯武月餘城中食盡仍力戰殺賊萬餘賊掘地道城陷猶

巷戰賊為膽落其妻女婢媪皆守城矢如雨下力竭死合

家自焚時十七年二月也甯武關既破遂長驅入都矣中

宮進饌慘無歡相對天顏淚不乾皇帝比來何太瘦敬獻舉

箸勸加餐帝以寇亂焦憂遂茹素周皇后見帝體瘁具饌以

帝瘁而泣且曰為我語帝食無過苦云云帝性

孝追念孝純且感皇后意舉七箸相向而泣廣甯門外昏

塵霧南內驚聞漁陽鼓臨朝不見一人來九廟沉沉哭太祖

十七日帝召文武百官於乾清宮暖閣問計帝泣下羣臣亦

相向泣束手無策帝書案上文臣箇箇可殺密示左右旋即

抹去○十八日城外陷朝臣無一人夜呼皇子換衣裳慘對

髻齡教出亡。此去明知成死別。撫摩憐惜斷肝腸。上命傳皇太子及承

王定王至猶盛服入上曰此何時而不易服乎亟命持敝衣

來上為解其衣換之且手繫其帶告之曰汝今日為太子明

日便為平人在亂離之中匿形迹藏姓名見年老者呼之以

翁年少者呼之以伯叔萬一得全報父母仇無忘我今日戒

也左右皆哭失聲周后擁皇子出宮狂呼酒只有承恩依左

太子及二王痛哭不止皇子出宮狂呼酒只有承恩依左

右此時神鬼盡呼號三尺龍泉提在手一酒酣起入壽甯宮

宮門月黑蕭蕭風可憐皇帝憂勤事都在椒房涕淚中椒房

涕淚問朝事今日何須庇妻子我家半壁有陪京事尚可為

胡留此初寇氛日逼朝士安土重遷無建議南遷者帝意亦

皇后嘗從容進曰我家尚有一家居可先令修

理以備緩急帝不答惟以國君死社稷為辭君王回顧淚

潛然骨肉今當速自全自古國君殉社稷我行在後卿請先

皇后逡巡起承旨袁妃再拜謝賜死此時兩主入宮門痛絕

驚魂不能視。三月十八日。城破。帝泣下。語后曰。大事去矣。后頓首曰。妾事陛下十有八年。卒不聽一語。至

有今日。帝令后自裁。后入宮。先帝縊死。生兒殺兒。兒莫嗟。奈何生我帝。王家何

如從母。全家死地下。相隨伴阿爹。兒生從父死。從母國破家。

士敢獨後他。生不到貴人家。來世願爲太平狗。君王拔劍淚

如線。欲斫不斫。走繞殿后妃。浴血在一旁。姊妹牽衣齊掩面。

雪膚花貌化遊魂。珠簾玉砌殷紅濺。此時鐘鼓報黎明。棄劍

擲地酒亦醒。草草出宮一回首。宮中白骨堆。縱橫昭陽恩愛

一朝絕。錦繡山河不獨生。一步上煤山紅閣裏。四顧宮城烽

火起。兆民何罪在朕躬。遺詔書襟猶罪已。帝登煤山。望見烽火。徹天嘆曰。苦我

民矣。散髮被面。書短詔於襟上。曰。自朕失國。無面目見祖宗於地下。故散髮覆面云。花裏君臣畢。命時

閣西第七海棠枝。鼎湖波靜騎龍去。三日人間盡不知。皇子

難容外家第。長平五日還魂異。倉皇扶入武安家。血肉模糊
埋玉臂。滿座王侯狗尾新。茶棚哭臨但平民。公卿認賊呼天
子。不及黃門一寺人。凝碧池頭齊拜舞。金甌已破何人補。貂
蟬朝士盡從龍。袍袴宮人能刺虎。「宮人費氏親妝懷利刀
襲公主衣自稱長公主
思近自成刺殺之爲帝復仇自成得之審知其僞以賜一三
隻虎劉宗敏費氏於是夕刺殺宗敏從容作書自縊死」

桂回軍赴杏山。遼東廷哭乞師還。八旗壯士風雲會。王氣東
來。山海關。王氣東來賊西走。掃蕩豺狼定九有。兩朝禪壇非
戰爭。天下得之流寇手。甲申三月大明亡。甲申五月清祚昌。
弔民伐罪上尊謚。詔令天下皆持喪。草間穿塚餘父老。百姓
哀思皇帝好。非如輿櫬李重光。豈是降幡陳叔寶。四海欣看
迎梓宮。長陵左纛制何崇。大哉周室封箕子。邈矣炎劉祀魯

公。有詔封侯世奉祭。賜爵延恩同帶礪。似聞公主在民間。
早選清才似王濟。流離皇子在泥塗。如此風霜定有無。萬里
死生斷消息。思皇骨血此遺孤。上書削髮詔不許。此是吳王
偏憐女。便爲蕭郎築鳳臺。好教弄玉隨仙侶。犢車魚笏勝乘
鸞。駙馬威儀是漢官。看到樂昌圓破鏡。高皇龍種盡平安。鍾
陵天判雲中下。人間猶看天孫嫁。沁水園田內府錢。叢鈴碎
珮銀潢夜。周郎才調復溫存。夜擁春寒話返魂。九死未能酬
故國。再生猶得荷新恩。金根玉勒紫駝釜。新築平陽公主府。
夫婿青春比翼歡。哀家方寸攀髯苦。國破山河滿眼中。朝朝
啼淚唾壺紅。妝樓猶見含章樹。腸斷新恩出故宮。春風秋雨
愁惻獨。翠袖單寒臥金屋。都尉明年賦悼亡。吹簫鶴市哀相

續靈藥難教再返。生舊臣遺老俱。顰蹙紫玉魂來。陰火紅窮
泉應見先皇哭。溫明祕器下東園。新賜墓田鄠杜。曲招魂猶
上樂遊原。紅葉無情溝水綠。桃花開到殯宮深。落日牛羊辨
陵谷。一本朝開國際明。良武帝旌旗捲入荒。收拾人心功第
一。六軍縞素祭懷王。當時盛德邁湯武。三百年來置陵戶。銀
海沉沉金雁飛。行人爭拜昭陵土。金粟堆前松柏哀。淒涼弓
劍已塵埃。熊羆夜守翠微靜。玉馬晨趨風雨來。一煤山花發
鶯啼曉。城闕陰陰閉煙草。野史方嗟明故宮。遊人又說唐天
寶。神武門前春水流。玉河車馬去悠悠。衣冠文物都消歇。尚
有詩人一二留。前朝興廢悲異代。後人憑弔前人再。莫問王
孫事。已非可憐帝子家。何在。天壽山高萬壑深。杜鵑啼遍十

三。陵。人。間。誰。詠。長。平。曲。萬。歲。千。秋。望。帝。心。

先生此篇殆爲取消清皇室優待條件而作語讚清室待明之厚意譏今代待清之薄詩哀明社心哀清室也通篇祇王孫帝子二語點明作意而其憂傷念亂慨歎興亡令人不忍卒讀此其所以爲詩史乎至此詩之剛健婀娜餘音悽惋在先生詩名滿天下海內崇拜無待愚之諛頌矣丁卯正月退思齋主人謹識

近人撰清代小說謂公主卽斷臂老尼善劍術授其術於呂晚村之女以刺雍正帝云齊東野語最易訛傳是不可不辨乃取國初張宸誄文附刊於後宸蓋曾親見公主且躬自送葬者此文代駙馬周士顯誄輓而作可證公主早薨非老尼矣雲史註

長平公主誄

長平公主者。明崇禎皇帝女。周皇后產也。甲申之歲。淑齡一
十有五。皇帝命掌禮之官。詔司儀之監。妙選良家。議將降主。
時有太僕公子都尉周君名世顯者。將築平陽以館之。開沁
水以宅之。貳室天家。行有日矣。夫何蛾賊鴟張。逆臣不誠。天
子志殉宗社。國母嬪嬙。慷慨死焉。公主時在穉齡。御劍親揮。
傷頰斷腕。頽然玉折。霞矣蘭摧。賊以貴主既殞。投屍國戚。覆
以錦茵。載歸椒里。越五宵旦。宛轉復生。泉途已宮。龍髯脫而
劍遠。蘭薰罷殿。蕙性折而神枯。順治二年。上書今皇帝。九死
臣妾。踟躕高天。願髡緇空門。庶申罔極。上不許。詔求元配。命
吾周君。故劍是合。土田邸第。金錢牛車。錫予有加。稱備物焉。
嗟夫。乘鳳扇引。定情於改朔之朝。金犢車來。降禮於故侯之
第。人非鶴市。慨紫玉之重生。鏡異鸞臺。看樂昌之再合。金枝
秀發。玉質含章。逢德曜于皇家。迂桓若於帝女。然而心戀宮
闈。神傷輦路。重雲畢陌。何心金榜之門。飛霜穀林。無意玉簫
之館。弱不勝悲。溘焉薨逝。當扶桑上仙之日。距鸞李下嫁之
年。星燧初周。芳華未歇。嗚乎悲哉。都尉君悼去鳳之不留。嗟

沉珠之在殯。銀臺竊藥。想奔月以何年。金殿煎香。思反魂而無術。越明年三月之吉。葬於彰義門之賜莊。禮也。宸薄游京輦。式覩儀容。京兆雖阡。誰披柘鏡。祁連像塚。祇叩松關。擬傷逝於子荆。朗香空設。代悼亡於潘岳。遺挂猶存。敢再拜爲之誄云。

江山萬里詩鈔十三首終

絕代江山

疆邨



江山萬里樓詞鈔序

天生鳥獸。有自然之語言聲歌。何況人也。文言者。語言聲歌之精。故雅而有韻。大地萬國。語文皆用拼音。惟中國語文。雖有諧聲。而用單文。故有屬對。夫一陰一陽之謂道。中國文詞。窮奇偶駢儷之工。整齊綺麗之極。萬國無比焉。六朝人稱文筆。以無韻者爲筆。有韻者爲文。歌謠也。自古有之。韻文之最先者。耶。和聲依永。演而爲詩。調而爲律。於是有高下抗墜清濁平仄長短之音。有一言二言三言四言五言六言七言八言九言之句。至於唐末。詩之道變化極矣。長短句之詞。乃出焉。詞者。文言之有分寸。節奏寫情之尤要。眇者。耶。其聲綿渺而哀厲。其氣芬芳而馨遠。其情娟嫻而悱惻。其詞綺靡而瑰。

麗。文。言。至。五。代。宋。人。詞。觀。止。矣。蔑。以。加。矣。元。人。增。長。爲。曲。鋪。排。廣。博。而。已。於。其。聲。調。分。毫。未。之。能。加。也。故。詞。人。皆。師。法。南。北。宋。若。美。成。之。跌。蕩。悠。揚。蘇。辛。之。儻。宕。邁。上。夢。窗。之。七。寶。樓。臺。姜。張。之。清。新。俊。逸。亦。各。窮。工。極。妍。矣。然。韻。味。之。隽。含。蓄。之。深。神。情。之。遠。詞。句。之。逸。未。有。若。二。李。者。結。唐。詩。之。終。局。開。宋。詞。之。先。聲。實。詞。家。元。始。之。音。中。正。之。聲。若。文。辭。之。有。屈。宋。書。法。之。有。羲。獻。莫。能。尚。之。元。人。未。有。專。之。者。明。人。於。詞。不。足。道。國。朝。最。盛。然。朱。厲。以。來。皆。組。越。甲。以。爲。工。誇。晉。郊。以。炫。富。夫。詞。以。紓。情。非。與。波。斯。胡。競。賈。也。奚。取。於。斯。納。蘭。性。德。之。飲。水。側。帽。其。庶。幾。乎。清。水。出。芙。蓉。矣。然。雜。於。宋。元。焉。吾。門。人。楊。圻。雲。史。生。世。于。京。師。華。腴。之。地。游。宦。乎。南。溟。詭。異。之。俗。遭。遘。國。

難。朝市變遷。感激既多。鬱而爲詞。蓋與李中後主之身世亦
近焉。其旨遠而微。其情深而文。其聲逸而哀。迴腸蕩氣。感入
頑艷。清詞麗句。自成馨逸。而肌膚若冰雪。天然去雕飾。左搃
浮邱。右拍洪崖。超絕埃塵。若藐姑射仙人焉。蓋三李之芳躅
復見于今。而非餘子所能望見者也。雲史爲詩。雄麗似少陵。
名騰海內。而詞則度世飛升。世鮮知者。癸亥之臘。風雪中。吾
與雲史登嵩嶽之頂。宿於太極峯下。息於嵩陽書院。遊於石
淙。踞巨石。臨清淵。雲史請吾序發明之。世之善爲詞者。其必
有賞音而不河漢吾言也。甲子夏日南海康有爲序。

江山萬里樓詞鈔序

陳臥子論詞旨。有曰以沈摯之思。而出之必淺近。使讀者驟遇之。如在耳目之前。久誦之。而得雋永之趣。則用意難也。以儂利之詞。而製之必工鍊。使篇無累句。句無累字。圓潤明密。言如貫珠。則鑄詞難也。其爲體也纖弱。明珠翠羽。猶嫌其重。何況龍鸞。必有鮮妍之姿。而不藉粉澤。則設色難也。其爲境也婉媚。雖以驚露取妍。實貴含蓄不盡。時在低徊唱歎之餘。則命篇難也。嘗持此意質之當世。惟吾友雲史庶幾通斯旨已。雲史少時卽負雋才。與翁澤芝。王義門。章曼仙。曹君直。張璠。隱有聲京師。爭以詞鳴。題襟結社。雅音遠姚。荏苒二十年。友好星散。雲史轉展江湖。跌宕文史。以名公子而具隱德。慕

海山之勝。隱居南溟。種樹將老。濯足滄海。行吟大澤。蛻遺榮利。若幼安之居遼左。憂生念亂。寓有深思。而詞乃益工。駸駸直奪古人之席。憶甲辰同客大梁。曾讀其詞。請錄副而去。近年以來。增益尤繁。不以震爲舛陋。命預刪定之役。雲史爲詞。不尚餽飭。不事艱澀。自然高朗。一洗凡音。用古入化。其實也。若虛出語。必圓。其清也。則厚。所存詞稿。海內詞人轉展鈔寫。有絕代江山之譽。方諸南唐。小令脫胎李氏二主。衡諸宋人。近小晏秦七。旁逮石帚玉田。若清真夢窗之取徑。纖仄。遣詞堆累。並屏焉不屑。可謂挾詞之心矣。毛馳黃論宋詞之盛。其妙處不在豪快。而在高健。不在豔冶。而在幽咽。豪快可以氣取。豔冶可以言工。高健幽咽。則關乎神理。骨性難可強也。雲

史詩文不徇世好。風氣推移。矚然無滓。獨行孤往。自起拔戟。別成一隊。昔張文達公稱其詩二十年後。江東獨步。今王晉卿先生謂其魄力沈雄。直追少陵。洵非虛語。而詞之高健幽咽。神理骨性。又爲人所難到之境。雲史旣寫定回首詞樓下。詞海山詞望帝詞各一卷。都若干篇。付之鉛槧。以詔海內聲家。俾知詞雖小道。自有真諦。而歧趨外道。推陷廓清。他日論詞苑中。興之功。雲史其首也。雖然。固賢於仕宦遠矣。甲寅冬至江陰何震彝撰。

自敘

回首詞樓下詞兩卷。少年作也。海山詞望帝詞兩卷。壯年作也。弱冠時君父之政。國家禔福。當如錦之年華。際方盛之日。月。裘馬清狂。流連光景。有樂無苦。其心熙熙。其聲和年齒。既長。憂患遂來。天時人事之故。與夫物我之際。蓋有不可以告人者。爲有昔歡能無。今感知天下事。惟往者爲佳耳。秋蟲春鳥。聲同而音異矣。何子暢威爲我錄存四卷。海內君子。譽我者曰。近年詩如工部。詞如後主。嗟乎。是豈我所樂聞者哉。丙辰花朝野王自敘。

江山萬里樓詞鈔

自敘

江山萬里樓詞鈔目錄

回首詞卷一 六十三闕

菩薩蠻 紀別

清平樂

更漏子

搗練子

浣溪紗

浣溪紗 卽景和內子道清

長相思 閨思

江城子

相見歡

浣溪紗 乙未借道清避暑竹

臨江仙 丁酉儼居秦淮郭氏水閣歌舞闌珊時

烟月方可觀也

江南好 清溪秋思

臨江仙 憶金陵示慵菴

浣溪紗 京邸南院春夜卽事

桂殿秋 春晝

浣溪紗

浣溪紗

琴調相思引

眼兒媚 感春

浪淘沙 春雨徹夜思在廣陵

虞美人 將渡江南別揚州諸友

菩薩蠻

菩薩蠻

菩薩蠻 殘荷

相見歡

鷓鴣天 己亥三月別會舍人

昭君怨

搗練子

臨江仙 怨意

虞美人 乙未八月借道清泛遊西湖曲院聞波

清露冷紅藕已稀畫船蕩月殘荷三兩煮小雲

團賞之

憶王孫

臨江仙 己亥自江南歸京邸

浣溪紗 夜起納涼已有秋意與道清各填一闕

蝶戀花

胡搗練子 秋夜 仙呂宮引

眼兒媚 以下十二闕悼亡 庚子清明李夫人

道清亡二十六日矣為招魂於西郊山明草媚

遊人如雲對景思人愴然涕下

蝶戀花 病臥風篁館半月起來綠肥紅瘦矣時

道清亡四十二日

青玉案 五月十五夜遣悲

醉太平

清平樂

畫堂春

醉落魄 庚子七月重遊西冷曲院荷風長夜幽

絕回憶乙未偕道清畫船穿藕之樂不覺愴然

青衫溼 是秋七夕星月瑩然陳瓜果祭而哭之

浣溪沙

山花子 寒食

荊州亭 九月六日遣悲

虞美人 庚子中秋遣悲

虞美人 江亭筵上書贈孟茹時烏啼花落青春

欲晚

菩薩蠻 庚子感秋

青玉案 庚子重陽羈留上海

憶江南 宮門口

破陣子 題霞客醉芍圖照

醉花陰 石泉縣宿十二嶺

江山萬里樓詞鈔

回首詞卷一

東吳楊

圻號雲史
字野王

菩薩蠻

紀別

香衾重疊春雲熱。梨花澹澹團香雪。燒燭不成眠。吹笳風月天。
玉屏燈影薄。雲髻頰香膊。簾外起東風。殘鶯啼落紅。
鳳凰絃上聞愁語。淅淅風裏淅淅雨。含淚出離筵。蓬鬆雲雨肩。
夜寒深閉閣。沁透鴛衾薄。南浦五更潮。錦帆風正高。
玉簫吹碎梨花夢。曉風殘月郎珍重。相送過欄杆。小山花雨寒。
黃鸝枝上語。語語關情緒。樓上正相思。江風吹柳絲。

狐裘馬上春寒重。胡笳幾處吹烟隴。斜月轉荒溪。子規山上啼。征鴻千里去。遊子傷行路。寒雨下。衡陽瑤琴。春夜長。鴛鴦瓦上霜華瀉。夢魂悄近西廊下。紅燭水晶簾。玉人對雨眠。相逢驚又問。直爲啼紅損。疑是夢中逢。夢中知夢中。碧蕪狼藉春烟薄。蜻蜓輕蹴鞦韆索。人影柳絲扶。畫橋紅雨疎。別來春已半。消息江帆斷。獨自倚雕欄。夕陽千萬山。小廊曲曲屏山摺。薔薇月亂黃鸝咽。醉酒出重門。黃昏天起雲。烏絲鸞鳳曲。深院鳴蝙蝠。明鏡暗。星天瀟湘春浪寒。洞房睡覺調鸚鵡。畫廊花暝聞人語。日晚上紅橋。紅橋春水高。柳絲新月蕩。無限愁心想。虛閣閉。春寒薰籠細細燃。羅巾蹙。壘愁紅溼。江帆過盡無消息。無限夕陽山。桃花春水。

寒。黃昏紅撲籖。翠羽香階啄。斜月挂山頭。小樓人自愁。
海棠結束紅星小。博山烟澀香燈悄。風起暗花飛。開門寶馬嘶。
夢長春夜短。翠被熏香煖。門外草連空。亂山殘月中。

清平樂

最無憑據。相憶銷魂處。青瑣裁衣深夜語。一樹梨花疎雨。
天涯芳草初酣。客中送客何堪。簾外一天春水。杜鵑聲裏江
南。

更漏子

漏無聲。人初定。月裏楊花無影。風欲起。掌燈歸。彩雲深院飛。
西樓下。春寒夜。碧玉參差吹罷。銀燭照。捲簾時。一欄紅雪堆。

搗練子

無限怨。倚簾櫳。屏外鶯聲細雨中。故國桃花開落盡。閑隨流水。出吳宮。

浣溪沙

烟外江樓漏點殘。黃昏風裏倚欄干。一庭春雪小窗寒。愁
夢欲歸金谷去。胡笳低繞玉門還。梅花流水月中看。

浣溪紗

卽景和內子道清

春月團圓小院空。一更人定二更風。楊花亂舞暗塵中。酒
欲清時如夢醒。愁來深處覺寒重。海棠疎影小簾櫳。

長相思

閨思

月又彎。人未還。無限離情強自瞞。自瞞終是難。太無端。不
堪看。金鎖門兒一半關。落花風正寒。

江城子

玉簫聲歇粉牆東。畫堂空。小屏紅。一天花絮。狼藉月明中。直
是不來來。又醉黃昏後。起東風。

相見歡

落花如夢悠悠。逐春流。無限斜陽淡淡下紅樓。江南地。長
安事。莫回頭。又是去年時節。去年愁。

浣溪紗

乙未偕道清避暑竹西

池上雲涼午夢消。起來疎雨打花梢。綠陰深處赤欄橋。水榭香流紅藕亂。長廊風約畫簾高。玉人清晝坐吹簫。

臨江仙

丁酉秋僦居秦淮郭氏水閣歌舞闌珊時烟月方可觀也

最愛笙歌都散了。雲房風榭涼生。小窗秋水月華清。悠悠流影。瓊戶啓無聲。王氣銷沉烟月好。等閒未解傷情。石頭城下已三更。獨眠人起。閒坐到天明。

江南好

青溪秋思

蕭蕭也。風起更潮生。獨宿江城聞雁過。數星鐙火暗金陵。秋

笛。雨。中。聽。

臨江仙

憶金陵示慵菴

山外春江潮欲漲。可堪酒後心懷。落紅悽惻下庭階。五更流水和夢繞天涯。春去偏從人去後。離情愁對蒼苔。桃花細雨暗秦淮。閒人不管鐙火上樓臺。

浣溪紗

京邸南院春夜卽事

醉後春寒玉骨侵。鳳笙聲在畫樓陰。紅梅庭院徑深深。數片雪花飄又住。水雲來去月昏沉。無言有恨小庭心。

桂殿秋

春晝

春晝靜。困無聊。鞦紅雨暖日輪高。輕擡皓腕。撩雲鬢微潤。朱唇就玉簫。

浣溪紗

春色零星夜雨收。彩雲清露兩悠悠。下簾聲在柳梢頭。鸚鵡夢閑花自落。黃鶯聲住水東流。香車歷碌過西樓。

浣溪紗

燕子歸來香雨中。二更天氣燭搖紅。玉奴扶醉下花驄。月鎖亭臺人散後。花留環佩覺春濃。瓊樓玉宇正東風。

琴調相思引

畫燭烟明照露叢。金鈴斷續起東風。落花滿地閒坐。月明中。

鐘。

一爲多情留後約。未曾成恨已前踪。笙歌散了直是五更。

眼兒媚

感春

欄干六曲閉閒門。沈水鴨鑪溫。梨花細雨。桃花斜月。又是黃昏。
江南舊事休重問。舊事不堪論。青山向背。黃鶯斷續。銷盡春魂。

浪淘沙

春雨徹夜思在廣陵之新城

酒後意如雲。斜掩重門。落花和雨踏黃昏。二十五絃彈夜怨。深院無人。天末憶王孫。獨酌清樽。半牀愁夢自溫存。一夜。

春江流不住。萬里銷魂。

虞美人

將渡江南別揚州諸友

江山冷落今猶在。往事千秋改。鷄臺春去最關情。殘月落花時候。聽流鶯。小樓寒擁銀缸坐。獨院愁深鎖。安排柔櫓送王孫。明日桃花流水滿江城。

菩薩蠻

鴨鑪烟澀衣香潤。畫樓無路天涯近。故國夢闌珊。春江枕上寒。夢殘還復夢。蠟冷蘭膏凍。風暗曉花稀。流鶯帶月飛。

菩薩蠻

春流滾滾催帆去。鷓鴣聲裏長亭路。春恨在花枝。玉簫背雨。

吹。東風愁渺渺。吹上長安道。酒後怯春寒。江南無限山。

菩薩蠻

殘荷

涼波不動蓮歌靜。蕭蕭驚覺鴛鴦醒。相對泣香紅。野塘風露中。
興亡多少話。水月閒臺榭。妃子不知愁。華清宮裏秋。

相見歡

月鉤挂上江樓。捉簾鉤。六曲屏風扇扇。畫滄洲。來時候。三
更後。水悠悠。吹盡芙蓉零亂。一身秋。

鷓鴣天

己亥三月別曾舍人

纔退春寒已暮春。滿川烟草送王孫。別時還是相逢處。玉笛

吹殘酒尚溫。吹玉笛。不堪聞。桃花流水繞孤村。何堪斜日。
青山晚。杜宇聲中人。閉門。

昭君怨

雲母空窗六扇。吹笛誰家庭院。人醉玉樓前。倚青天。
金屋深深簾靜。夜色亂花流影。斜月照三更。子規聲。

搗練子

偎綠醉。倚紅眠。別院亭臺聞管絃。蝙蝠飛來春月暗。落花無
影。過鞦韆。

臨江仙

怨意

飛絮游絲無定意。芳菲欲問無由。吹簫人在小紅樓。珠簾玉。

砌。滿。眼。是。春。愁。
雨。後。風。前。憐。別。夜。
一。床。閒。夢。悠。悠。
桃。花。春。水。下。揚。州。
江。南。江。北。還。在。海。西。頭。

虞美人

乙未八月偕道清泛游西湖曲院間波清露冷紅藕已稀畫船蕩月殘荷三兩煮小雲團賞之

玉人睡起愁何在。只覺流光改。江蓮開盡野塘中。冷露無聲暗裏泣。秋紅捲簾燒燭船來去。香滿西湖。雨月明如水。浸雲房。何處冰肌玉骨自清涼。

憶王孫

滿階花雨濕重門。沈水香兒細細焚。錦帳春濃酒氣薰。坐黃昏。雲鎖瀟湘人不聞。

臨江仙

己亥自江南歸京邸

波閣管絃猶急。山寒簾幕輕垂。去年江岸醉扶歸。燒鐙紅萼。
裏。雨。雪。滿。幽。枝。人去春歸花滿。人歸春去花稀。更番惆悵
有誰知。月明銀燭暗。酒力欲消時。

浣溪紗

夜起納涼已有秋意與道清各填一闋

水閣風飄江漏殘。夢回人起展屏山。夜涼細語氣如蘭。曲
院。船。來。紅。藕。裏。月。明。水。靜。露。華。寒。暗。香。飛。上。玉。欄。干。

蝶戀花

露冷珠簾雲暗樹。破曉吹來。幾點花梢雨。妝鏡清寒添眉嫵。

綠楊風滿樓。高處樓外千帆留意數。雲母窗中。極目渾無語。一帶傷心淮上路。春山遠入春江去。

胡搗練子仙呂宮引

秋夜

天淡淡。意悠悠。夜花清影露華流。滿院月明空悵望。玉簫聲在。近江樓。

眼兒媚以下十二闋悼亡

庚子清明李夫人道清亡三十六日矣爲招魂於西郊山明草媚游人如雲對景思人愴然涕下

日暖風和春草生。何處不傷情。前朝上巳。昨宵寒食。今日清明。斷腸往事何堪說。回首百無憑。斜陽無影。落花無力。飛

絮無聲。

蝶戀花

病臥風篁館。半月起來綠肥紅瘦矣。時道清亡四

十二日

睡起聽鶯啼不定。換了單衣。薰地芳心警。幾日不來紅滿徑。
落花天氣人扶病。舊日雕欄誰共凭。自去開簾又怯烟。花
暝。一夜風狂兼雨橫。朝來更比黃昏冷。

青玉案

五月十五夜遣悲

玉階露響芭蕉葉。聽點點聲淒切。地下多情愁共絕。早應知
我。小紅橋畔。獨歎黃昏月。銷魂真箇魂銷歇。夢裏相逢更

相說不怨長離悲獨活。傷心只有新愁舊恨。零落難收拾。

醉太平

歡成恨成。鍾情薄情。算來都是飄零。真不分不明。酒醒夢醒。風聲雨聲。一更聽到三更。又四更五更。

清平樂

酒濃寒薄。百計難推託。小院黃昏人寂寞。風起月明花落。開奩細把花鈿。夜長直怎如年。零亂一床閒夢。吹來飄去如烟。

畫堂春

算來一語最心驚。今生同死同生。八年說了萬千聲。一一應承。一一都成。辜負教儂。若可爲情。人間天上未分明。幽恨

難平。

醉落魄

庚子七月重遊西泠曲院荷風長夜幽絕回憶乙未偕道清畫船穿藕之樂不覺愴然

夢回涼澈。早眠情味誰關切。藕風香冷吹秋骨。怕捲珠簾不忍見秋月。西泠舊夢彈瑤瑟。幽情欲向寒花說。鴛鴦容易啼秋別。烟水瀟瀟幽恨幾時歇。

青衫溼

是秋七夕星月瑩然陳瓜果祭而哭之

尋常爲著天涯事。兩箇一堆癡而今思想傷離怨別總是歡時。早知如此還甯拚著兩地相思輸他牛女年年離恨歲

歲佳期。

浣溪紗

默憶神情事事真。一時歡笑一時嗔。而今如見又如聞。就
臥胸前消。怒意強拉手背。拭啼痕。分明記得那黃昏。

山花子

寒食

日暖重門閉不開。百花無力杜鵑哀。腸斷豔陽天氣盡。下樓
臺。芳草綠深關小院。梨花紅薄蓋閒階。終日笙歌流水外。
沒人來。

荊州亭

九月六日遣悲

腸斷無人無酒。人共殘秋消瘦。秋雨有時晴。淚眼有時晴。否。
樓外笙歌依舊。薄暮空房獨守。小婢拭銀釭。又是點燈時。
候。

虞美人

庚子中秋遣悲

碧梧明燭秋如畫。風露瀟瀟下。小山金粟落閒階。清月不知。
人恨又飛來。海南一握愁難盡。但願來生準。博山鑪冷夜。
如年香死成灰。灰死不成烟。

虞美人

江亭筵上書贈孟茹時烏啼花落青春欲晚

柳烟深處凝絲竹。簾外春波綠。此心如水只長流。如許瀟湘。

能放幾多愁。眉頭惆悵還依舊。往事人前後。畫樓燈火。月明中。酒後春寒。玉樹夜來風。

菩薩蠻

庚子感秋

胡笳微動西風起。鳳城渺渺人千里。回首望長安。月明馬上看。秦關尋夜驛。往事還堪憶。涼雁下幽州。故宮花正秋。

青玉案

庚子重陽羈留海上

題餞又是重陽節。正雨過西風歇。木葉飛飛江水闊。危樓獨上。秋高人去。雁外斜陽沒。龍山愁對金樽熱。浩蕩烽烟憶宮闕。看到黃花離恨切。餐花蒸酒。蕭條心事。欲向殘秋說。

憶江南

宮門口

金鋪靜。露濕彩雲寒。幾點旌旂天際出。夜來明月滿驪山。一雁過潼關。

宮門口。流水雜松風。樓殿無人丹桂落。五更風裏景陽鐘。秋月滿離宮。

破陣子

題霞客醉芍圖照

芍藥和人都醉。日長偏惹情思。窗裏玉人春睡美。窗外鶯啼。驚夢時。起來花滿枝。約住彩雲三尺。圍來絳雪參差。紅粉不隨春色老。簾捲風前。花亂飛。銷魂花不知。

醉花陰

石泉縣宿十二嶺

客舍桃花開似雪。一樹東風急。疎雨過峯來。馬上黃昏。山上鶯啼月。思鄉無奈歸心切。况是經年別。何處最銷魂。白露橫空。夢冷春衾熱。

江山萬里樓詞鈔目錄

樓下詞卷二一三十七闕

賀新郎 馬

賀新涼 藍橋圖追悼

疎影 茉莉

醉落魄 許昌曠發寄新婦霞客廣陵時甲辰三月

臨江仙 庚子西狩頤和園為聯軍居住遊宴之所辛丑秋和議成寇退余入排雲殿見龍床不

整酒具狼藉悲從中來其何能已感豐康申聯

軍焚圓明園四十年中再見浩劫矣

相見歡 病後寄內子霞客時客汴城林氏園林

相見歡 聽李芝儀吹笛

采桑子 梁園臥病愁困已深時甲辰三月也

蝶戀花

相見歡 梁園踏青尋玉津園故趾忽憶廣陵春

遊之樂霞客書寄此詞誦之黯然

菩薩蠻 暮春登汴城望京樓

菩薩蠻 七月二日歸廣陵

柳梢青 乞巧後三日渡江入吳

謁金門 曾氏池夜起

長相思

蝶戀花 別意

西江月 春夜

浣溪紗 廣陵初秋偕霞客泛舟虹橋載月而歸

臨江仙

三字令 乙巳春居曾氏池閣卽景示霞客

一翦梅 趙州

疎影 月鉤

念奴嬌 萬生園安南象化去傷而誅之時余將

遊南溟

浣溪紗

霓裳中序 唐宮鏡

臨江仙 乙巳偕新婦里居一春回憶乙未偕亡

婦回里忽忽十年風景不殊人事有異矣

八聲甘州 金陵

齊天樂 秋鴈

暗香疎影 史閣部墓在揚州梅花嶺下殘臘

初春老梅二百株紅白相間開拆香雪成海清

絕愁絕不能遽去甲辰春遊賦此

唐多令 京口

沁園春 蠡磯靈澤夫人廟題壁

暗香 蜀崗古梅成林癸卯秋余既續娶徐氏婦

於廣陵居二載暇輒出城作清遊著花時獨往

雖風雪弗止花外數武即雷塘為賦暗香

蝶戀花

鷓鴣天 禪智寺本場帝故宮在江都北五里幽

花荒草基趾略存癸卯重遊廣陵感賦

浣溪紗 亂後入京贈孟姑

浣溪紗 題仇十州摩訶避暑圖

江山萬里樓詞鈔

樓下詞卷二

東吳楊

圻號雲史
字野王

賀新郎

馬

共爾人間世。莽蕭蕭、眼前空闊。悠悠天地。所向無人。清愁滿。未必相逢容易。算多少、英雄老死。彈到琵琶邊。月暗有孤鴻。閒。傍雕鞍起。浩蕩事。淒涼思。河山一寸千行淚。猛回頭。玉關秋勁。金門春麗。躑躅生雲。幽燕遠。誰把離愁遠寄。嘆此恨。古今一例。黃竹歌殘。雙成老。牘空窗風冷。生瑤水。休怨抑。但牢記。

賀新涼

藍橋圖追悼

百事成今昔。竟沉沉黃泉碧落。斷無踪跡。不忍思量。今昔事。縱是思量。何益待真。不思量。怎得。莫道長河流不盡。便長河流盡。愁難息。在天上。羨靈匹。畫圖省識難尋覓。虛飄飄藍橋水散。彩雲澹夕。人鬼零丁。攜手處。相顧都無人。色說不盡。從前今日。但願他生真。可必便。今生死。別休。悽惻。誓滄海。無相失。

疎影

茉莉

悄無人地。是小欄風靜。夕容添媚。點點繁英。采入冰盤。綺魂

零亂無寐。空床輾轉。重尋覓。怎忍見。隔年殘。蕾起來驚露流
光。猶似替人垂淚。還記房櫳私語。瑤簪初卸了。冰簟涼膩。
夜已三更。一點銀蟾。窺見那人酣睡。水精枕角涼雲散。有幾
片幽香拋墜。更憐他玉臂清寒。秋夢做來如水。

醉落魄

許昌曉發寄新婦霞客廣陵時甲辰三月

者番真別。心頭蘸上愁如結。畫梁燕子和儂說。來日窗前含
淚坐。紅雪。江南拾翠芳菲節。小屏花睡香雲熱。五更風裏
流鶯咽。馬上關山和夢擁。殘月。

臨江仙

庚子西狩頤和園爲聯軍居住游宴之所辛丑秋

議和成寇退。余入排雲殿。見龍床不整。酒具狼藉。
悲從中來。其何能已。咸豐庚申。聯軍焚圓明園。四
十年中。再見浩劫矣。

一夜西風吹不住。彫殘太液芙蓉雲房水。殿浸寒空。夷歌數
處零落。怨秋紅。凝碧池頭人散後。寂寥水際簾櫳。青娥相
向。月明中。夜闌深坐。含淚說文宗。

相見歡

病後寄內子霞客時客汴城林氏園林

愁來只是貪眠。日如年。問甚遊絲飛絮。落花天。
閒臺榭。揚州夜鎖紅樓。腸斷暮春時候。似新秋。

相見歡

聽李芝儀吹笛

桃花細雨紛紛打黃昏。幾點西樓燈火未眠人。
聲如斷愁如亂更無聞踏碎一階花影不開門。

采桑子

梁園臥病愁因已深時甲辰三月也

綠窗朱戶無人見。春日炎炎。午睡淹淹。滿樹花開不捲簾。
醒來一晌慵開眼。蜂自喃喃。蝶自纖纖。滿樹花飛不捲簾。

蝶戀花

閒數飛花消永晝。人替花愁。花替人愁。否。十里鶯啼江岸柳。
誰家院落春如酒。雨橫風狂。燈火後。獨向深宵。含倦拋殘繡。
打箇睡呵。舒翠袖。輕擡玉腕。交肩瘦。

相見歡

梁園踏青尋玉津園故址忽憶廣陵春遊之樂霞
客書寄此詞誦之黯然

滿庭芍藥堆霞起遲些來日香車寶馬看瓊花
珠簾捲春如亂奈何他如此烟花三月不還家

菩薩蠻

暮春登汴城望京塵

滿庭芍藥紅霞潑水精山枕春眠足昨夜夢揚州花明人倚
樓相思烟草裏遲睡還遲起落日萬千山可憐西北天

菩薩蠻

七月二日歸廣陵

綠揚暗了閑庭院。圓荷香入輕羅扇。出浴傍花枝。平林新月時。那時攜素手。夜半無人久。冰簟溜釵聲。天邊河鼓明。

柳梢青

乞巧後三日渡江入吳

扁舟淮甸。季膺身世。幾多閒散。提起相思。白萍紅蓼。和秋零亂。夕陽盡處孤帆遠。客裏銷魂誰見。數點青山。一江秋水。兩行新雁。

謁金門

曾氏池夜起

香篝滅。睡起一天秋月。荷氣暗飄清夢徹。隔江人怨別。獨望長河愁絕。玉露金風吹骨。欲採芙蓉烟水闊。相思相見說。

長相思

帶也鬆。鬢也鬆。雙燕飛來陣陣風。相思山萬重。酒也濃。香也濃。小院人歸燈火紅。馬嘶春月中。

蝶戀花

別意

驀聽黃鶯鳴翠柳。知道歸期。誤也今年。又開到。酴醾春似酒。豔陽天氣閒長晝。過了。清明花似繡。花已開。成人已妝成。否。妝罷憑欄。飄翠袖。花兒怎及人消瘦。

西江月

春夜

醉裏笙歌猶在夢。殘江漏。淒清綠楊疎影子。規聲酒醒更闌。

人靜。樓下一庭斜月。照來珠箔飄燈。梨花院落。不分明。風定。落紅未定。

浣溪紗

廣陵初秋偕霞客泛舟虹橋載月而歸聯句

點點飛螢照水幽。悠悠涼夜更無愁。下簾聲在四更頭。玉
笛吹開雲外月。銀河低挂水西樓。思量無計奈何秋。

臨江仙

酒欲消時人欲散。新涼怕近雕欄。一天風皺碎雲開。滿身簾
影。秋月小廊寒。記得前年秋後別。今年又是秋殘。別時容
易見。時難如今。思想還是別時難。

三字令

乙巳春居曾氏池閣卽景示霞客

風片片。雨絲絲。燕飛飛。人未起。侍兒催。去年情。今歲事。費沈思。妝欲罷。倚廊歸。望春漪。眉黛淺。試春衣。草如茵。花如繡。豔陽時。

一剪梅

趙州

何事年年往復還。一過邯鄲。再過邯鄲。馬頭萬點太行山。日落柴關。月落柴關。煙草荒荒流水殘。昨夜雕欄。今夜雕鞍。桃花如雪。月中看。金屋春寒。茅屋春寒。

疎影

月鈞

可憐。新月只一箇團圓。如許磨折。漸上西樓。來伴幽人。清絕
還更愁絕。一年十二。憐光滿。有廿四更。番殘缺。暗斷腸。香徑
悠悠。九月初三風色。遙想那時。深拜是穿鍼處。所瓜果時
節。金鴨香濃。細語花間。素手捲簾。幾摺瓊鉤。微動窺人。睡似
舊日。蛾眉消息。留一片破鏡。清寒照見也。潘郎華髮。

念奴嬌

萬生園安南象化去傷而誅之時余將遊南溟

家山何在。看紫雲紅樹。炎方天隔。絡繹明駝。同飲恨。俯仰胡
沙邊色。榕島春荒。柳洲水暖。遠夢迷南國。千花百草。雕欄愁
臥。岑寂。花裏鸚鵡。淒涼天涯。相伴躑躅。猶相識。能說飄零
身世事。同向空王臺側。上苑笙歌。長楊車騎。一晌人間。別南

溟帆影。載回天上消息。

浣溪紗

寶鼎飄烟沉水溫。南園舊事總銷魂。艱難過得幾黃昏。
一樹梅花明月地。玉樓人醉不開門。馬蹄踏雪過前村。

霓裳中序

唐宮鏡

淒涼唐宮物。照見那人玉爲骨。想睡起曉寒微怯。正漏斷鐘
稀。疎星殘月。搓香搵雪。羨團圓相對。親切。又幾處翠華恩幸。
獨伴晚妝側。今昔。苔痕磨滅。見多番。傾城傾國。興亡有誰
能說。只檐角涼蟾似曾相識。猶來照顏色。欲借問。嬋娟消息。
小樓暝。海天塵淨。清影拭秋碧。

臨江仙

乙巳偕新婦里居一春回憶乙未偕亡婦回里忽
忽十年風景不殊人事有異矣

幾樹桃花飛盡園林暗暗陰清小窗風日快新晴淺山濃綠
水萬柳一聲鶯自有春來愁到何曾春去愁輕十年前事
暗傷情青梅如豆小無處覓殘英

八聲甘州

金陵

聽何人吹笛向秋天酒酣上高樓見霜林落葉危城殘照江
水寒流檻外千帆過盡名利幾時休百戰江山在往事悠悠
此地何來王氣算古今亡國幾度樵謳枉十年金鼓猿鳥

動清愁。數湘淮。中興人物。話興亡。一。二。尚。生。留。青。山。外。滿。溪。風。雨。一。箇。歸。舟。

齊天樂

秋雁

晚來塞雁橫空去。天邊幾聲悽惻。水亂蘋洲。沙翻蓼敘。都是異鄉風色。無邊蕭瑟。聽帶起秋聲。淮南江北。殘月空林。行人一宿愁暗絕。年年此時浪跡。慣連營。戍鼓長城。秋笛一樣天涯。何堪送爾。滿地江湖。風急高樓寂寂。正酒醒殘更。夢回江國。露冷燈昏。聽胡笳怨拍。

暗香疎影

史閣部墓在揚州梅花嶺下。殘臘初春。老梅百株。

紅白相間開拆香雪成海清絕愁絕不能遽去甲

辰春遊賦此

斜陽淡絕照寒梅。開到墓門深。沒冷影橫苔。老幹年年自花
發。幾點譙樓畫角。怨一夜空枝吹徹。賸滿徑片片幽香。飛上
杜鵑血。寂寞鼎湖春去。亂山野水。裏葬詩無骨。何處傷心
暗了。黃昏直是五更風雪。江頭魂返。關山黑。不見也。故宮殘
月。抱孤城流水無言。還解替人嗚咽。

唐多令

京口

楊柳暗江樓。年華如水流。十年前五月下揚州。還向江深吹
玉笛。弄明月。不知愁。閒坐暗低頭。今遊思昔遊。舊江山新

恨悠悠。雁外一絲殘。照歎更風雨。打歸舟。

沁園春

蟻磯靈澤夫人廟題壁

一片江山。斜陽萬里。眼底都收。看沙上潮平。扁舟來去。洲邊樹冷。廟貌常留。處處峯青。驚魂零亂。道是荊州。是益州。珠簾外。恨長江。終古不肯西流。花冠玉佩。悠悠是望。帝春心。杜宇愁。嘆思蜀銜悲。吞吳遺恨。英雄何在。戰伐都休。峽裏帆來。劉郎消息。白帝城邊。古木秋。誰憑弔。贖漁翁一箇。坐釣磯頭。

暗香

蜀崗古梅成林。癸卯秋。余旣續娶徐氏婦於廣陵。居二載。暇輒出城作清遊。著花時。獨往。雖風雪弗

止花外數武卽雷塘爲賦暗香

水聲。嗚咽。蕩亂紅流去。冷清清絕。年少何郎。數載揚州凍詩骨。前度扁舟。都在看風底。酒壺猶熱。林盡處。半畝雷塘。魂斷故宮闕。今夕。是何夕。料昭陵一例。幽枝花發。雞臺春色。夢裏相逢共亡國。惟有孤城殘雪暗了也。空江殘月。滿徑裏。開落盡。何人收拾。

蝶蠻花

過了清明春欲暮。日暖風寒。天也無情緒。濃睡覺來鶯亂語。杏花深院人歸去。一陣蕭蕭吹細雨。點滴聲中。金鴨香濃炷。屏上春江多少路。銷魂都在樓高處。

鷓鴣天

禪智寺本煬帝故宮在江都北五里幽花荒草基
址略存癸卯重遊廣陵感賦

三月江南浪拍天。一灘疎雨打溪船。無言閒看楊花起。亂舞
低飛過小川。斜日裏。晚風前。薄寒中。酒似當年。桃花春水
無尋處。門外青山啼杜鵑。

浣溪紗

亂後入京見孟茹

靜對西簾抱月看。落花風裏舞衣寒。惜紅心事太爲難。寶
劍淒涼人落寞。年年載酒向長安。德功坊裏又春殘。

浣溪紗

題仇十洲摩訶避暑圖爲瑤青作

冷露飄香墜。粉紅清涼。無汗小簾櫳。蜀王臺殿起秋風。玉
笛一聲烟月外。漁歌數處水雲中。畫圖省識舊離宮。
夜渚悠悠開白蓮。洞房推枕不成眠。摩訶池上已涼天。
水流光驚暗換。金風玉露又今年。趙家宮裏祭張仙。
如

江山萬里樓詞鈔目錄

海山詞卷三六十六闕

相見歡

如夢令 戊申季冬冒風雪浮家南渡星洲氣候

和濕花木如春夏家居山中遂疑世外雜興二

闕記家室之樂

好事近 海島樓居曉妝詞和內

南柯子 重陽 時客星洲遊商人余草凡山園

青玉案 寄意

祝英臺近

蝶戀花 春別

浣溪紗 望月追憶

八聲甘州 己酉正月二十九夢得句閒殺流

鶯外雨樹風樓是日爲亡婦道清忌日日月如

流忽忽十年矣倚甘州一闕

賀新郎 題馮熙東隣巧笑圖時同客南渚

金縷曲 二月十八醉夢得句樓外江山風月裏

小欄干 消盡英雄淚有觸斯感爲倚金縷曲

好事近 梅花

好事近 黃鸝

高陽臺 見燕時客南渚

聲聲慢 星洲白薔薇感開感賦

長亭怨慢 秋柳

南浦 梅花

清平樂 海島酒樓題壁

六醜 己酉春感

憶江南 己酉秋夜起坐萬緣軒

憶江南 月夜歸東陵山居

水調歌頭 庚戌之春回國兩月默祭天下將

有事乃於六月攜圖書載妻子再遊海外居南

渚之星洲

南鄉子 五代李珣有南鄉子數闕紀炎方風景

其詞甚美余居南渚久樂之爲填二十四闕以

繼其聲

浣溪紗 庚戌重遊星洲

浣溪紗 上元寄家書

相見歡 月夜登東陵舊居時霞客返國獨客南

溟

好事近 江行舟中寄婦霞客

金縷曲 送孟龍從弟北行

賀新郎 題內子霞客晴雪樓臺小照是照爲乙

未春間事行十年矣辛亥長夏題於南溟之萬

木山房

暗香

浣溪紗

長相思

長相思 元宵感書星洲旅壁

水調歌頭 辛亥中秋夕遊海上望月他島山

樓有吹笛者清光滿秋哀音動空際愀然生故

國之思後十日東裝歸國

滿江紅 壬子二月初覺和暖韶華已過半矣綠

肥紅瘦春光奈何

好事近 漁父

好事近 樵夫

破陣子 辛亥回國避亂淋北人事變遷除夕憶

星洲風景頗念異鄉之樂

浣溪紗 星洲春日偕霞客海上看潮夜至歐羅

巴酒樓飲酒望月

江山萬里樓詞鈔

海山詞卷三

東吳楊

圻

號雲史
字野王

相見歡

井梧瑟瑟微寒。入簾間。如此江城秋色。不堪看。思舊夢。有誰共。倚雕欄。惟有五更殘。月照江山。

如夢令

戊申季冬冒風雪浮家南渡星洲氣候温和花木如春夏家居山中遂疑世外雜興二闋記家室清暇之樂

簾外一階花靜。簾裏一鑪香燼。午睡覺來時。烈日烘烘深徑。

蘇醒。蘇醒。玉腕雙抬。撩鬢。

一片清涼池館。更把湘簾低捲。新浴嫩晴時。紅藕綠楊涼滿。
天晚。天晚。月上小橋人散。

好事近

海島樓居曉妝詞和內

烟海盪春空。幾點疎星殘月。正是玉人夢醒。催起來時節。
安排妝鏡綉簾間。簾捲散雲髮。樓外海山深處。飛一輪紅日。

南柯子

重陽時客星洲遊商人余卓凡山園

地向天邊盡。人尋客裏歡。山溪新菊未知寒。開到十分時節。
不堪看。雁外飄零久。樽前醒醉難。百蠻烟火夕雲間。十度。

重陽風雨念家山。

青玉案

寄意

垂楊夾道飛塵妥。但寶馬香車夥。幽徑無人暗花鎖。上山星月下山燈火。挨得黃昏過。臨歧躑躅真無那。真箇銷魂遮莫可。豈惹花開紅瑣。瑣捲簾獨立。關窗閑坐。若箇愁城大。

祝英臺近

燭花明。錦幃煖。薄醉罷瑤席。說道春寒。今夜早將息。待儂喚了。紅兒掌燈送去。怕門外黃昏天黑。流雲碧。幾點疎雨飄來。月斜落花濕。翠被香濃。禁得曉風急。如今流盡春江。載回愁夢也。都在斷紅南國。

蝶戀花

春別

燭影搖紅。憐昨夜。美景良辰。真箇黃金價。腸斷。薔薇開滿架。
綠鸚。自響迴廊下。報道一聲人去也。樓上紅妝。樓下青驄。
馬。腸斷。薔薇風底。謝豔陽烘暖。閑臺榭。

浣紗溪

望月追憶

疎柳淒清舊苑前。西風秋水總無邊。夜來流影照涓涓。容
易。清。容。易。暗。十。分。殘。缺。十。分。圓。枉。教。江。閣。望。年。年。

八聲甘州

己酉正月二十九夢得句閑殺流鶯外雨榭風樓

是日爲亡婦道清忌日。日月如流，忽忽十年矣。倚

甘州一闋

一。回。頭。往。事。總。悠。悠。閑。來。費。追。求。算。眼。穿。腸。斷。花。開。花。落。十
度。春。休。故。國。春。寒。萬。里。昨。夜。五。更。頭。閑。殺。流。鶯。外。雨。榭。風。樓。
舊。日。潘。郎。蹤。跡。問。人。間。消。息。依。舊。飄。流。只。年。年。寒。食。海。上。
寄。遙。愁。正。傷。心。單。衣。試。酒。看。銅。街。歌。舞。不。知。愁。家。何。在。怕。聽。
歸。去。又。怕。淹。留。

賀新郎

題馮熙東隣巧笑圖時同客南溟

紅豆枝枝發。種相思。年年南國。王孫採擷。月照西樓紅袖冷。
誰倚雕欄如雪。看樓外行雲千疊。一曲箏篴公無渡。正畫屏

銀燭憐輕別。曲終盡。怨難歇。才人生就相思骨。也明知花難解。語對花還說。絕域春歸人又去。一例芳菲怨澈。算滿眼風塵愁絕。紅粉青衫知己感。爲他人我。亦能嗚咽。墜歡事誰收拾。

金縷曲

二月十八醉夢得句樓外江山風月裏小欄干消盡英雄淚有觸斯感爲倚金縷曲

富貴非吾意。且由他飄飄身世。悠悠天地。自古清狂能飲酒。問甚人間閑事。拚十日登高大醉樓外江山風月裏小欄干。消盡英雄淚。烟柳恨何時已。偶然掩卷閑凝睇。忽驚心鶯花三月。風雲萬里。不合時宜。休挂齒。微笑拂衣而起。都道是。

少年意氣別具。清愁人不解。夢魂中醒也。何曾睡。還咄咄書空字。

好事近

梅花

月照水涓涓。枝上幾堆殘雪。如此溪山來去。無幽人踪跡。清宵愁伴鶴無眠。步盡翠苔濕。又恐那人知道。怨江南江北。

好事近

黃鶯

寂寂對黃昏。一樹海棠如雪。十二雕窗都閉。道玉人眠熱。五更驚起。却移枝花影。亂殘月。馬上春寒。萬里正關山。風急。

高陽臺

閑夢暗傷南國。珠簾更垂繡戶。付何人深尋細覓。算只有社燕去。相寄怨憶。

長亭怨慢

秋柳

最清。楚長亭。官道十里西風。一鞭殘照。容易天涯。來時南浦。暗芳草。如今攀折。更一半霜推掉。黃到不成。絲能挂得。斜陽多少。潦到。記聽鶯築館。烟雨暗堤春老。妝樓夢斷。正新雁一聲。過了。千萬點。馬上關山帶殘月。開門行早。空寫盡江潭。獨自相思人杳。

南浦

梅花

梅花開了。倚雕欄相對酒初醒。幾點小山寒翠。寂寂鎖閑庭。
翠被安排睡也。聽玉龍吹澈。怨江城。但如今不管。暗香陣陣。
疎影更輕輕。斜月半明半暗。到窗前。夜已過三更。故國空
江。殘雪歸夢不勝情。爲問水邊風底。立黃昏。幾度冷清清。料
一番消瘦。畫樓如水。點銀鐙。

清平樂

海島酒樓題壁

水隨山轉。山外青天澹。落日烘雲千萬片。愁比青天更遠。
無言獨下高樓。風生石冷潮流。暗裏忽生明月。照人飛出滄
洲。

六醜

己酉春感

總年年寒食。怎便是今年恨切。一聲兩聲。無情是錦鴛。夢裏啼徹。西北長安遠。有時回首。但滄波空闊。殘陽還向離宮沒。水冷昆明。石鯨愁絕。如今辜負芳節。空花陂柳浪。遙恨天未。繁華都歇。有青娥。細說紅杏還依舊。誰省識。夜來暗裏花發。看枝枝弄影。五更風刮。明明是玉階。殘月終不似。湖上春寒舞罷。捲簾紅雪。芳菲事都付。摧折怕斷紅。流向人間去。更成。嗚咽。

憶江南

己酉秋夜起坐萬綠軒

憑欄久。滅燭露華清。月上蕉涼移暗綠。語來無寐已三更。處

處。下。簾。聲。

憶江南

月夜歸東陵山居

歸來晚。露濕一山花。海上醉歸三十里。滿身明月下。飛車織手。淪新茶。

水調歌頭

庚戌之春回國兩月默察天下將有事乃於六月

攜圖書載妻子再遊南溟所居曰海山房櫺

大好佳山水。天外有人間。惜哉如此烟景。都付與誰看。自古詩人未到。一任峯青江碧。寂寞幾千年。搔首向天問。我亦是詩仙。載妻孥。攜書劍。到南天。故宮何處。人道范蠡五湖船。

欲向海天長。嘯又恐魚龍都起。呼月出秋天。碧海涼風至。我醉欲清眠。

南鄉子

五代李珣有南鄉子數闋紀炎方風景其詞甚美
余居南溟久樂之爲填二十二闋以繼其聲

花滿路。是嘉東。沙登宮殿浪花中。海上豔陽三月裏。車如水。
十萬綠椰青草地。

殘照下。倚樓看。珍珠簾子玉欄干。寂寂水榕花落盡。香成陣。
紅雪晚來深一寸。

巖壑畔。有樓臺。家家笑語翠微間。萬綠陰中紅閣子。秋如水。
夜半卸妝山月裏。

秋夜好。踞胡床。客來坐處綠蕉涼。島裏畫樓燈似雪。誰吹笛。
繡幕外邊烟海月。

開繡戶。豔陽遲。美人晴晝出門時。寂寂香車花下立。花如雪。
落滿錦茵。廐吏拂。

連戶竹。上階苔。穿簾綠幹拂妝臺。風定日移春晝靜。午眠醒。
人共玫瑰都在鏡。

何處宿。向山家。亂峯茅屋白雲遮。十萬松杉春澗裏。月輪起。
人馬夜聞爭渡水。

烈日下。晚晴闌。花光鳥韻令人歡。平綠芊綿開繡戶。相逢處。
花塢夕陽人坐語。

芳甸晚。蹴球天。萬人齊坐綠陰邊。蹙口一聲人盡散。衣香亂。

海面夕陽潮上岸。

跳舞夜盡狂歡吹笳擊鼓萬人看。衆裏乍逢無計隱。袞籠冷。月上長橋人散盡。

相見處。水榕花巖頭木屋是儂家。濃碧燈明山澗裏。郎須記。花亂夜橋流暗水。

芳草岸送涼風。飛濤線線捲秋空。碧海樓高明月蕩。人來上。雪藕冰瓜堆玉盞。

幽徑細繞岩阿。雨晴月出水雲拖。若有人兮如月美。重來此。落盡玫瑰春澗水。

男擊鼓女彈琴。張屏跪飲綠莎陰。澗樹懸燈明夜色。歌聲歇。花覆小亭人散月。

茅屋小。遠人烟。閉門燃燭不成眠。月照白猿啼樹裏。南風起。山果夜聞拋。澗水。

垂釣女。醉如泥。觀潮看月坐長隄。草際暗聞釵鈿響。人三兩。月午潮來魚滿網。

冰雪液。碧筒杯。翠峯深處納涼回。峽綠深濃難見月。行相失。暗裏相尋升木末。

風雨過。滿山涼。海雲來去過長廊。暗水流花春澗急。山堂夕。捲幔玫瑰燃夜月。

羅扇小。縠衣輕。六街烟火隔峯明。水際紅蓮風露瀉。元宵夜。公子調冰明月下。

印度會。比龍華。金鑊銅鼓雜鳴笳。草際千燈花亂影。暗相引。

一逕深深鋪滿錦。

膚似漆鬢如雲。山間躑躅意紛紜。雨橫風狂花滿徑。衣香迸雲破。月來羞見影。

峯過雨。樹含煙。小山樓閣上燈天。綠髮美人花裏隔。停車立皓素。一身和月白。

涼宵好。望長河。碧峯樓閣起夷歌。峽裏彈琴秋。月出聽琴客。暗捲山簾花雨溼。

浣溪紗

庚戌重遊星洲

百草千花送馬蹄。重來門巷綠陰肥。夕陽依舊小簾西。莫是繁華生客感。果然寂寞動鄉思。夜深風露自添衣。

浣溪紗

上元寄家書

閑夢江南小院幽。綠梅紅萼滿枝頭。試燈風裏有人愁。醉
後愁聽花外笛。客邊怕上月中樓。春寒料峭似深秋。

相見歡

月夜過東陵舊居時家室返國獨客南溟

雨殘花暝。西樓怨清秋。絃索聲中煙月滿。滄洲。相思事。家
山遠。暗低頭。多少尋常遊子。不知愁。

好事近

江行舟中寄婦霞客

客裏不知愁。過了元宵時節。料得綠梅如豆。伴晚妝燈側。

昨宵雪後看江山。天地滿明月。太白樓前經過，似有人吹笛。
金縷曲

送孟龍從弟北行

不盡淒涼意。更那堪數峯荒翠。霜林如醉。送我歸京曾幾日。
令又送君去矣。算人世別離而已。客去樓空千里目。正一江
秋水斜陽底。搖落恨空相對。年來我亦風雲氣。寄閑情金
樽低酌。危欄孤倚。都道新絲容易買。脫手何從繡起。誰識得
馬周心事。自古英雄無長策。縱因人成事。終非計。天下事銷
魂耳。

賀新郎

題內子霞客晴雪樓臺小照是照爲乙未春間事

行十年矣辛亥長夏題於南溟之萬木山房

舊事堪彈指。看依然貂裘鶴氅。亭亭雲水。白雪紅梅春如海。雪色花光相媚。更人坐花邊。雪裏琪樹瑤林。黃昏月照樓臺。白玉堆成。地似圖畫。畫圖似。而今彩筆儂須記。破清寒。玉人睡覺。妝成扶起。青瑣薰香開繡幕。銀海數峯寒翠。人稱是江南仙子。新嫁揚州何水部。算題詩索笑。餘無事。臥遊樂動芳思。

暗香

十年風雪。歎鏡中換了朱顏消息。事事休提。約略當時舊春色。帶醉扶人歸去。閑庭院深深。燈黑正雨打滿地。梨花雲吐。一階月。分別怨深絕。算萬里關山。閑夢飛越。瘴江寂寂。南

海明珠寄休說。飛燕來時去。候。又却似。蕭郎蹤跡。還怕是烟浪裏。春船催發。

浣溪紗

曉起梳妝清潤天。一分風露二分烟。鏡中眉嬾見春山。獨向朝陽開繡戶。更依春水捲珠簾。曉池新放幾枝蓮。

長相思

星不明。月不明。暗裏人來一點鐙。蒼苔深處行。來得成。去不成。城上醮樓打五更。花間春雨聲。

長相思

元宵感書星洲旅壁

打四更。打五更。萬戶千門月裏鐙。高樓催酒聲。醉不成。睡不成。

不成天上。人間憶玉京。沈香燒到明。

水調歌頭

辛亥中秋夕游海上望月他島山樓有吹笛者清
光滿秋哀音動空際愀然生故國之思後十日束
裝歸國

明月飛天水。蒼莽海雲間。長風吹送秋思。絕域夜如年。一片
山河舊影。清簟疎簾深照。病骨覺新寒。故國七千里。腸斷畫
樓前。嘆清狂。吹玉笛。總堪憐。海天深處。今夕何夕。念家山
舊日清光。猶在多少雲房水殿。驚起不成眠。一夜人隨月。扶
夢上長安。

滿江紅

壬子二月初覺和暖韶華已過半矣綠肥紅瘦春

光奈何

乍暖輕寒。原來是清明時節。但一例繁華過了。便成消歇。蓋地梨花幽巷。晚漫天新柳紅樓。月最苦是恨極憶前歡。難收拾。年來事。心頭切。人間恨。無時絕。道春殘一半。花還堪折。莫惜芳菲。留不住。明年暗祝空枝發。恐怕是未敢向人啼背人說。

好事近

漁父四首擬朱希真

一做釣魚翁。不似紅塵時節。隨意一篙撐去。斷人間事業。晚來江岸醉歸時。風冷酒壺熱。雪壓蘆花深處。却滿船明月。

一片好斜陽。都是黃昏風色。眼底山川無恙。却暗傷亡國。
雲橫北固。亂潮平。獨坐釣江碧。斟盡半壺殘酒。有魚兒聲息。
曉起坐江頭。水際烟銷日出。昨夜似聞風雨。無桃花蹤跡。
一聲款乃綠波間。驚起鷺鷥白。明日無錢沽酒。但今朝醉得。
煮酒敵江寒。水上梅花清寂。一個漁翁爲主。衆漁翁爲客。
夜深雪後。過江來。天地月光白。采石磯頭舊事。問飛流絕壁。

好事近

樵夫二首

落日一肩明。處處山寒水寂。若問江頭宮殿。是尋常巷陌。
晚來紅葉打柴門。人語青山隔。歸去江村燒火。有孝陵松柏。
踏破舊芒鞋。都是寒烟落日。行過雨花臺畔。看前朝山色。

晚來烟。火點江村。門外大風雪。尋箇漁翁。閑話把興亡細說。
破陣子

辛亥回國避亂淞北人事變遷除夕憶星洲風景
頗念異鄉之樂

冰簟銀床除夕。家家醉後歌聲。池上新荷三兩點。十二珠簾。
千盞鐙燒香。坐到明。水殿雲房都在。閑愁萬里堪驚。畫舸。
載詩烟。浪裏爲夢梅花。故國清過江。風雪橫。

浣溪紗

星洲暑夕偕霞客海上看潮夜至歐羅巴酒樓飲
冰望月

春水悠悠白鷺閑。香車寶馬夕陽間。萬家煙火上樓臺。昨

夜。月。明。滄。海。上。玉。人。相。並。看。潮。來。水。晶。簾。子。夜。光。杯。

江山萬里樓詞鈔目錄

望帝詞卷四 五十七闕

好事近 江雪

長相思

念奴嬌 壬子春感

夢江南 金陵

長相思 南溪山居池興

菩薩蠻 新加坡暑夜山園即事

湘春夜月 昆明湖殘荷

虞美人 月下過北海

憶江南 過萬壽山

浣溪紗 上香曲為勞山上清宮作

清平樂

浣溪紗 洞庭開雁圖 辛丑為友人題

浣溪紗 金陵感舊二首

好事近 北山

浣溪紗 登彭城霸王樓

浣溪紗 甲寅十月謁張定武將軍徐州軍次暇

日登燕子樓作將軍將以明年重建斯樓

浣溪紗 江南秋詞十首 乙卯九月金陵題壁

謁金門 宿泰安客舍

臨江仙 徐州

臨江仙 客彭城張定武留宿池閣

眼兒媚 江上

浣溪紗 七夕遊什刹海

浣溪紗 太白樓望江雪

虞美人 春夜

相見歡 丁巳三月三日什刹海修禊

蝶戀花 展上巳江亭宴集

前調 頤和園

清平樂 春夜憶竹西泛月

蝶戀花 武昌感懷

蘇幕遮 風雪中過黃州

蝶戀花 狼山江中望虞山

江山萬里樓詞鈔卷四 目錄

蘇幕遮 夏口江岸夕望

翠樓吟 武昌見秋燕

疎影 漢陽門江岸老柳數株為張文襄開府武

昌時所植人呼張公柳辛酉十月余重遊黃鶴

樓低回樹下不能遽去憶桓大司馬依依漢南

之語不圖目覩其事余亦非張緒當年矣

菩薩蠻 得家書知梅花如豆矣

八歸 辛酉冬至夕漢皋旅樓感懷

疎影 題友人詞

好事近 偕憲卿飲蛇山輿暇樓晚眺

踏莎行 醉白樓晚眺

江山萬里樓詞鈔

望帝詞卷四

東吳楊

圻號野史

好事近

江雪

江暗月光明。林表數峯高雪。且去村中沽酒。賞今宵風色。
黃昏扶醉上歸船。搖動一江月。幾片灘前蘆葉。做蕭蕭聲息。

長相思

爆竹聲。笑語聲。水殿燒香風露清。荷花天欲明。去歲情。今
歲情。雪裏紅梅風裏燈。翠雲裘子輕。

念奴嬌

壬子春感

江岸飛滿流鶯甚催春歸去。些兒容易都是尋常。閑院落日
暖昏沉沉地。春已無蹤。玉人不管。一枕春眠膩。空階蝴蝶。兩
三飛過深翠。正是故國歸來。男兒也有幾點傷心淚。曾與
寒梅期後約。辜負月中霜裏。記得深閨。那時簾底。悄影扶輕
醉。小欄紅燭。照人愁坐無寐。

夢江南

金陵

僧樓外。寂寂水天閑。樵子也知亡國恨。夕陽猶上雨花臺。含
淚看江山。
三更後。麝薰起連營。玉露橫江人。不見青山幾處打刀聲。秋

月滿空城。

長相思

南溟山居池興

柳暗堤。水拍籬。小小房櫳淺淺池。荷花二兩枝。簾捲遲燭照時。一片斜風細雨吹。茶烟高下移。

菩薩蠻

新加坡暑夜山園卽事

蓮房露冷開殘半。星河淡點銀屏亂。燈影水西樓。冰肌玉骨秋。秋情人不見。花影和簾捲。中有捲簾人。梳頭月滿身。

湘春夜月 昆明湖殘荷

冷清。清雲房水殿人稀。細語波心驚盪。鷗夢皺依稀。月下千

門鎖了。儘黃昏。清曉藕香飛。指點暗傷亡國。風光太液。舊事都非。仙侶移舟。離宮製曲。往事多時。西風吹到。祇銅仙暗承鉛淚。清露如絲。玉妃何在水天。落盡紅衣。有誰見也。秋星不曙。夜夜相思。

虞美人

月下過北海

雕牆曲院涼風裏。水上歌聲起。尋常野老不知愁。蕩入月明深處採雞頭。朝元閣上承平事。恍惚猶堪記。一番亡國恨悠悠。紅藕花殘夕殿閉。清秋。

憶江南

過萬壽山

雕牆裏。樓殿倚寒空。立馬回頭人不見。千門萬戶。月明中。掩
面。過離宮。

繁華歇。白鷺下青天。太液波涼。紅藕老。秋光如水。夜如年。淚
墜。故宮前。

浣溪紗

上香曲爲勞山上清宮作

鶴背風輕掃碧苔。香烟飄渺見蓬萊。仙山春色上幽臺。松

影千階雲破後。洞天金鎖月中開。落花滿地不歸來。

春露悠悠濕玉盤。篆烟輕上彩雲端。一聲清磬海天寬。金

鴨香濃。山氣夕。鳳笙吹破。月華寒。桃花流水滿人間。

松下抽簪叩玉扉。翠微宮殿碧雲西。滿身花雨濕仙衣。擊

鼓。敲。鐘。香。欲。散。月。明。風。靜。步。虛。歸。海。山。深。處。鶴。聲。稀。

清平樂

良宵如水。燒燭留人睡。雙髻催歸扶不起。醉擁紅衾花底。
綠窗金鴨香殘。小庭月黑更闌。暗裏飛花落絮。小樓一夜春寒。

浣溪紗

洞庭聞雁圖 辛亥爲友人題

酌酒君山怨玉龍。何人吹笛倚征篷。故園兵馬大江東。涼
雁一聲人盡起。洞庭千舫水連空。一時回首月明中。

浣溪紗

金陵感舊

太白樓中笛一聲。桃花流水送王孫。少年踪跡最銷魂。絕
代江山人半老。十年往事不堪論。烟花萬里暗江城。
一片青山孫楚樓。夕陽無盡送孤舟。桃花春水下揚州。
風景不殊消酒力。江山無改覺詩愁。雞臺烟月後人遊。
風

好事近

北山

雨溼一山雲。洞裏亂松煙落。不辨仙源何處。但飛花千壑。
閑禽三兩隔峯峒。來去自知樂。行到碧苔深處。有幽人驚覺。

浣溪紗

登彭城霸王樓

莽莽風雲眼底收。秋光萬里霸王樓。楚歌聲裏盡封侯。
立

馬千山橫落日。黃河一曲問寒流。古來用武是徐州。

浣溪紗

甲寅十月謁張定武將軍徐州軍次暇日登燕子樓作將軍將以明年重建斯樓

城上飄飄燕子樓。美人名將儘風流。當時歌舞不知愁。十
萬貔貅開重鎮。無邊烟月鎖簾鉤。綠珠紅玉共千秋。
燕子樓空燕子留。可憐樓外水悠悠。南徐萬點亂山愁。晝
棟淒涼烟月好。玉人清節比高秋。我來豈獨惜風流。

浣溪紗

江南秋詞十首 乙卯九月金陵題壁

兵馬悠悠霸業空。千門燈火月明中。孤城歌舞大江東。

片興亡尋不得。夜深簫鼓度江風。十年人事問漁翁。
露冷蓮房水國幽。一聲檀板海西頭。幾家歌舞萬家愁。玉
檻珠簾都寂寞。夜來烟月照寒流。獨無人處暗驚秋。
淮水清清江水深。秦時明月在樓陰。幾回來去到如今。
樓下馬嘶銀燭暗。那堪玉骨夢秋衾。烟花如此太傷心。
秋雨瀟瀟紅板橋。暗傷亡國可憐宵。不知何處管絃高。
太白樓中橫玉笛。前年踪跡是前朝。一番回首一魂銷。
數盡殘更夢未成。小樓鐙火雨中明。玉人吹笛怨江城。
門巷依稀人事改。重來何處不淒清。當時祇道是歡情。
曲院吹笙玉樹開。月明深處小樓臺。太平時節少年才。
聽盡清歌漁唱起。孤舟一客水天來。昔歡那道是今哀。

紅藕香殘桂蕊清。今時池閣舊時情。五更風裏暗潮生。
王
氣化爲花。月夜教人哀樂不分明。臥聽江雨打空城。
月照秦淮賣酒家。烟籠寒水聽琵琶。秋來容易怨天涯。
波
上清歌樓上舞。何人夜半倚窗紗。隔江暗裏看繁華。
亂後清遊百時非。秦宮雲鬢漢宮衣。歌場一例舊人稀。
珠
箔飄鐙烟水寂。雨中人語畫舫歸。繁華事散酒醒時。
獨酌空樓思渺然。寒潮吞吐晚風前。江頭宮殿問漁船。
山
到臺城秋更綠。夕陽如此斷腸天。朱顏白髮自流年。

謁金門

宿泰安客舍

山寂寂。馬上黃昏行色。犬吠春雲迎遠客。孤村流水急。
幾

度南歸踪跡。一雁飛來今夕。石上青青松影直。太山風。月白。

臨江仙

徐州

如此江城烟草綠。山庭燕子飛飛。英雄也怯暮春時。落花風底。含淚對空枝。一自臺城春去後。年年幽恨誰知。無由相見。但相思。覺來窗暗。惆悵綠陰肥。

臨江仙

客彭城張定武留宿池閣十日

腸斷繁華留不得。笙歌夢裏依稀。一庭春月夜鶯啼。東風無氣力。猶是打花飛。最是高唐成賦後。畫樓雲雨堪疑。人前未敢說相思。月明人散後。燈暗酒醒時。

眼兒媚

江上

石頭城畔酒家寒。不忍倚雕欄。僧樓殘照，女牆新月，如此江山。
向人話到蒼茫事。心事與秋殘。幾家歌舞，萬家烟火，猶是人間。

浣溪紗

七夕遊什刹海

瑟瑟星河露未收。畫屏無睡看牽牛。南城歌舞北城愁。
水殿雲房人寂寂。冰肌玉骨夜悠悠。暗傷亡國暗驚秋。

浣溪紗

太白樓望江雪

山外江流江外山。天寒煮酒上瑤臺。數行獵騎雪中來。水
上孤城如斗大。黃昏鼓角怒潮間。千營醉舞共銜杯。

虞美人

春夜

黃鶯聲在閑臺榭。月暖薔薇夜。捲簾風起落花飛。無奈催歸
雙髻點鐙時。良宵一刻千金價。燒燭西樓下。銷魂時節是
單衣。便到春深人瘦綠陰肥。

相見歡

丁巳三月三日什剎海修禊樊山老人主席得思
字

畫樓煙柳絲絲動。芳思玉勒金隄。猶似去年時。飛花亂春

將半。總銷魂。日落千山。把酒話中原。

蝶戀花

丁巳三月展上已春雨徹夜同社招飲集陶然亭
以事未赴拈簡近字

百計留春春已困。如此烟花消息無人問。舊日亭臺今日恨。
故人大半非玄鬢。燕子歸期還未准。怕上層樓怕見春光。
盡中酒。風前花絮緊。可憐人遠天涯近。

蝶戀花

游頤和園

水殿聽鶯風日滿。百草千花玉砌雕欄畔。日暮春陰飛絮亂。
尋常巷陌閑庭院。無奈遊人都不管。怕捲珠簾早晚天寒。

暖十里香輪新月岸紅牆深鎖驪山晚

清平樂 春夜憶竹西泛月

別時臺榭燈火揚州夜波上畫船堤上馬暗裏落花飛下
十年身世悠悠溪山依舊無愁前度旗亭深處綠楊暗了春
流

蝶戀花 武昌感懷

自有雄愁營九塞滿地江湖幾箇漁樵在鴻雁一聲沈暮靄
襄樊水亂山橫翠殘照當樓拚一醉酒力消時怎敵西風
脆搖落萬方都一槩捲簾人在江山外
樓上天風吹滿袖頭上青天欲問頻搔首贏得江湖來載酒
山寒水冷詩魂瘦一片煙波都似舊醉也扶歸風雪黃昏

後。月。上。江。潭。人。醒。否。秋。聲。都。在。張。公。柳。
水。碧。沙。明。飛。白。鷺。最。愛。登。樓。最。怕。登。樓。去。極。目。中。原。紅。盡。處。
斜。陽。直。上。長。安。路。看。盡。斜。陽。新。月。吐。西。塞。山。前。前。度。扁。舟。
住。獨。樹。臨。江。秋。自。語。西。風。黃。葉。如。相。訴。

蘇幕遮

風雪中過黃州

爲。天。涯。空。愁。損。沒。計。安。排。獨。酌。深。深。引。千。古。英。雄。淘。浪。盡。耳。
熱。詩。寒。一。箇。扁。舟。穩。白。鷗。飢。殘。照。隱。亂。後。江。村。酒。價。無。平。
準。斷。岸。江。流。風。雪。緊。潮。打。山。圍。燈。火。黃。州。近。

蝶戀花

舟行狼山江中望南岸虞山夕陽殘雪林巒可辨
其東小峰有亭渺如巖風即辛亭也是亭在城中

極目力可見余家峯下里許中
途忽見里門山色能不消魂

乍見烟鬟橫晚翠。一半斜陽。一半寒江。水總是天憐遊子意。
故教江路紆千里。妝點山容眉色喜。千遍回頭。萬遍憑欄。
倚。莫道銷魂銷不易。今宵酒醒看人醉。

蘇幕遮 夏口江岸夕望

楚天高。襄路迥。水碧沙明。萬點寒鴉浸。西北川原烟樹暝。放
下珠簾。莫使魂銷盡。買村醪。還獨飲。莫問英雄。且向漁樵
問。一陣西風吹酒醒。牛背江山無限斜陽冷。

翠樓吟

武昌見秋燕

一樣飄流。兩般身世。商量至今未穩。寄誰家華屋。算輸爾雕

樑身分關山。休問道江上。黃昏風波無盡。何人省。修椽萬里。天涯夢冷。記否那日來時。伴綠窗繡戶。柳長花靜。玉人扶起也。怕簾捲。東風猶勁。亂紅堆徑。正烘暖。臙脂海棠初醒。還窺見。軟語深深。枝頭棲竝。

疎影

漢陽門江岸老柳數株為張文襄公開府武昌時所植人呼張公柳辛酉十月余重遊黃鶴樓低徊樹下不能遽去憶桓大司馬依依漢南之語不圖日覩其事余亦非張緒當年矣

斜陽萬井。又楚天燈火。黃昏時近。如此山川。如此年華。合付蒲仙酌。酹長空萬里。橫秋雁。帶倦眼。撐開一逞。看何人雲水。圖成洞庭瀟湘都盡。幾樹漢南衰柳。正江潭人散。月上烟暝。閱盡繁華。老大徒傷張緒。而今霜髮。三杯兩盞。澆殘酒。被

江岸西風吹醒聽秋聲。都在空枝寂寞沙洲寒影。

菩薩蠻

得家書知梅花如豆矣

故園報道梅開早。今年人健花俱好。紅萼翠雲裘。山寒人倚樓。酒樓人語定。江岸疎燈靜。一雁下雲間。吳頭千萬山。

八歸

辛酉冬至夕漢臯客樓感懷

加餐健飯自家調。護荆楚歲晚乍警。短籬照眼南枝放。却憶紅窗雪夜妝殘。花靚老去蘭成。猶萬里算兩字功名。畫餅千萬看枕上。關山燈下早霜鬢。塞雁一聲過也。雲昏水亂驚起。獨眠清影。玉人應念今宵何處。那慣翠樽孤引。最消魂時。

醒。候岸上黃昏水樓靜繁華歇曲終人散月小山高江風吹酒

疎影

題友人詞

小廊幽寂認謝家庭院舊時月色立盡黃昏上了醅醖深深
照人尋覓曲欄風定調鸚鵡看約住彩雲三尺到而今一
銷魂花影都無聲息起把桂枝斫盡畫樓天樣遠清影猶
隔料是嫦娥夜夜窺人不管嵩陽仙客早知靈藥無憑據却
悔搗元霜狼藉問廣寒直怎清虛可也風明月白

好事近

偕憲卿飲蛇山奧略樓晚眺

燈火。上。江。樓。樓。外。亂。山。殘。雪。數。盡。帆。檣。千。點。無。巴。陵。消。息。
強。扶。殘。醉。倚。長。空。風。定。雁。行。直。纔。得。夕。陽。過。了。便。江。寒。月。白。

踏莎行

醉白樓晚眺

亂。水。明。鴉。斜。風。捲。雁。鄉。心。更。比。青。天。遠。疎。燈。先。上。隔。江。樓。可
憐。夏。口。斜。陽。晚。城。上。山。寒。樓。中。酒。煖。可。堪。杯。淺。愁。深。滿。勸
君。休。去。倚。危。欄。江。流。不。管。迴。腸。斷。

飲露詞敘

飲露詞一卷。都十七篇。元配李夫人合肥君謨也。夫人名國香。字道清。文忠公長孫女。伯行先生長女。聰穎通文翰。壬辰年二十歸余。見余填詞好之。喜讀李後主詞。偶作清麗婉約。工於詩。而思致蕭瑟。戒之。夫人。事上孝。與人恭。生長侯門。而性節儉。余家清簡。衣必再補。處之若素。年來兒女漸衆。主持瑣屑。無少暇。遂不復作。於是八年之間。僅留此十七篇以存。嗟乎。月圓則蝕。花好則落。於是乎。我夫人死矣。然月可蝕而不可掩其光。花可落而不可掩其香。夫人可死而不可掩其慧。我於是乎存。飲露詞。詞不甚工。存之者存其人也。夫人以光緒庚子正月卒於京師。嘗憶夜飲歸來。春雨滿衣。夫人親

爲我易之。翦燭花擲地。布棋局曰當與君遣此無事之時。因賦菩薩蠻博山香定烟絲直一闋。乙未初秋夜宿西湖之曲院。月出波上清露有聲。藕香徐來。夫人喜推枕而起。賦水榭燒香雲滿天一闋。又菩薩蠻一闋。有曰玉臂捲湘簾。星河秋滿天。皆紀實也。由今思之。真事已成陳迹。墜歡不可復拾。開卷展誦。人亡聲存。五衷惻怛。不能已已。且夫人容端莊。性凝重。不類其文。無天理。辛丑重陽雲史敘述。

飲露詞目錄

浣溪沙

臨江仙 丁酉之秋雲史赴金陵填臨江仙一闕

寄不率和之

憶王孫 丁酉七夕雲史將有秣陵之行原調和

之

浪淘沙 春闈

浣溪沙

浣溪沙

青玉案 暮春

減字木蘭花

更漏子 秋思

臨江仙

少年游

浣溪沙 秋夕夜起納涼和雲史

浣溪沙 乙未七月游宿西湖曲院夜起

浣溪沙 又一體

菩薩蠻

相見歡

菩薩蠻

欽露詞目錄

飲露詞

合肥李道清味蘭譔

浣溪紗

小閣紅簫韻未休。碧烟狼籍百花洲。春陰暗暗夢悠悠。胡蝶路迷芳草遠。黃鸝聲住水東流。古來誰得倩春留。

臨江仙

丁酉之秋雲史赴金陵填臨江仙一闋寄示率和之

一寸離愁千里夢。近來夢也無蹤。清秋涼意入房櫳。片雲來月地。疏雨落晴空。雲鬢清涼花氣澹。夜深獨聽梧桐。下簾聲在雨聲中。一腔離別意。料得與君同。

憶王孫

丁酉七夕雲史將有秣陵之行原調和之

坐聽烟露下叢蘭。秋月今宵共指看。明知小別總難歡。已秋寒。別後君休獨倚闌。

浪淘沙

春閨

柳葉澹如烟。柳絮如綿。黃鶯紫燕共纏綿。一片飛花斜日裏。

紅過秋千、無語下珠簾。怕聽啼鵲。閉情棖觸上眉尖。一曲
琵琶。渾不是。廿五冰絃。

浣溪紗

促織淒鳴月亦秋。蘭橈輕泊藕花洲。碧梧梢影小樓頭。
階下綠蕪留別夢。陌頭楊柳繫離愁。金風時動玉簾鉤。

浣溪紗

春水悠悠澹遠空。無言閑立畫橋東。夕陽影裏落花中。
有恨門開千嶺綠。無情簾捲一庭紅。黃昏惆悵雨和風。

青玉案

暮春

海棠淡白胭脂褪。更寂寞無人問。九曲迴腸君莫訊。如今猜
透春愁。離恨總是詞人分。博山一線春寒緊。侍女初將翠
裘進。何處銷魂。銷不盡。碧紗簾外飛花成陣。又是黃昏近。

減字木蘭花

孤城雲外。當日樓臺今何在。細雨紅樓。一夜江聲枕上愁。
山川如許。彩筆題詩深夜雨。入耳礮聲。揚子江頭月自明。

更漏子

秋思

齒。菖。香。龍。鬚。冷。簾。子。風。搖。難。定。還。對。鏡。更。添。衣。玉。墀。清。漏。稀。
深。畫。樓。近。天。涯。遠。夢。裏。醉。中。恩。怨。無。可。柰。不。堪。尋。小。庭。秋。雨。

臨江仙

錦。帳。香。微。雲。鬢。盪。春。肌。沁。暖。瑤。簪。殘。宵。有。夢。待。重。尋。人。歸。還。
有。恨。春。去。未。關。心。休。說。從。前。多。少。事。從。前。怎。及。如。今。小。橋。
流。水。暗。沉。沉。月。明。人。弄。笛。青。瓊。杏。花。深。

少年游

遙。波。無。際。片。帆。不。動。烟。雨。繞。江。樓。洞。房。春。曉。珠。簾。半。捲。人。在。
柳。梢。頭。桃。花。浪。漲。春。愁。遠。此。意。倩。誰。留。訴。與。春。庭。落。花。知。
道。又。恐。落。花。愁。

浣溪紗

秋。夕。夜。起。納。涼。和。雲。史。
露。脚。無。聲。雲。髻。拖。銀。床。低。吹。玉。笙。和。藕。風。一。線。晃。簾。波。近。
水。闌。干。人。坐。處。滿。身。明。月。望。秋。河。此。間。清。影。納。涼。多。

浣溪紗

乙未七月遊宿西湖曲院夜起
水。榭。燒。香。雲。滿。天。月。明。花。底。蕩。秋。船。玉。人。無。寐。睡。妝。殘。白。

露濛濛花夢冷。銀河澹澹水聲寒。清歌一曲水雲闌。

浣溪沙 又一體

轆轤金井誰家院。銀河明滅參差見。一桁珠簾難放捲。朱

闌六曲凭千徧。慵蒸金泥沉水片。一砌秋蟲清夜怨。

菩薩蠻

博山香定織絲直。薄妝閑坐西窗側。棋罷正思瞑。畫屏春夜寒。玉階苔蘚薄。花雨廉纖落。春恨自關珊。梨花半不開。

相見歡

晝長正自堪眠。雨廉纖。半是開花時候。落花天。春如夢。閑愁重。總堪憐。無奈去年今日。到今年。

菩薩蠻

蓮塘夜靜簫聲起。銀屏夢覺涼如水。玉臂捲湘簾。星河秋滿天。悠悠今夜怨。只有鴛鴦見。清影不分明。巧雲移月行。

丙寅二月初版

男宏祚 炎祚 豐祚 貞祚 恭輯



江山萬里樓詩詞鈔二冊

每部定價 硬面裝 六七元

著者 江東楊 圻雲史

印刷者 中華書局印刷所

總代銷所 中華書局總店

分售處 中華書局各分局

廣州	蕪湖	吉林	漢口	北平
南昌	重慶	杭州	福州	香港
	濟南	南京	奉天	天津
	安慶	成都	長沙	開封

上海图书馆藏书



A541 212 0012 4470B

